

O'ZBEKISTON RESPUBLIKASI OLIY VA O'RTA MAXSUS TA'LIM  
VAZIRLIGI

O'RTA MAXSUS, KASB-HUNAR TA'LIMI MARKAZI

---

Eshonqulov O.E., Nishonboyev K.N.,  
Abdurahimov A. A., Muhamedov R.S.,  
Turdiqulova Sh.U.

# HUJAYRA VA RIVOJLANISH BIOLOGIYASI

*Akademik litseylar uchun darslik*

«SHARQ» NASHRIYOT-MATBAA  
AKSIYADORLIK KOMPANIYASI  
BOSH TAHРИRİYATI  
TOSHKENT – 2010

BBK.28.05(5U)ya722

H 76

T a q r i z ch i l a r:

*Muhamedova M.* — biologiya fanlari nomzodi

*Shertayev M.* — biologiya fanlari nomzodi, dosent

### **Eshonqulov O.E. va boshqalar**

H 76

Hujayra va rivojlanish biologiyasi: Akad. litseylar uchun darslik / O.E.Eshonqulov va boshq. — T.: «Sharq», — 2010. — 160 b.

Sarlavhada: O‘zR Oliy va o‘rta maxsus ta’lim vazirligi, O‘rta maxsus kasb-hunar ta’limi markazi.

I.I,2 Muallifdosh.

BBK.28.05(5U)ya722

**ISBN 978-9943-00-539-6**

© «Sharq» nashriyot-matbaa aksiyadorlik kompaniyasi Bosh tahririyati, 2010

## KIRISH

Biologiya terminini bir-biridan mustasno 1802-yilda J.B.Lamark va G.R.Treviranus tomonidan fanga kiritilgan bo‘lib, yunoncha bios – hayot, logos – fan, ya’ni hayot haqidagi fan, degan ma’noni anglatadi. Biologiya hayot, uning paydo bo‘lish shakllari, tuzilishi, rivojlanish qonuniyatlari to‘g‘risidagi fandir. Biologiyaning tekshirish obyekti bo‘lib o‘simliklar, hayvonlar, zamburug‘lar, mikroorganizmlar, ularning organ, to‘qima, hujayra va hujayra komponentlarining tuzilishi, funksiyalari, kimyoviy tarkibi, ularda kechadigan jarayonlar hamda organizmning shaxsiy va tarixiy rivojlanishi, jamoalari, ularning o‘zaro va anorganik tabiat bilan aloqasi hisoblanadi. Hujayra va unda kechadigan jarayonlarni o‘rganuvchi fan bu – hujayra biologiyasi (sitologiya) fani bo‘lib, ushbu fanga o‘tgan asrda asos solingan. Hujayra biologiyasi, biologiya sohasidagi yangi rivojlanayotgan fanlardan biridir. Hujayra kashf qilingandan so‘ng, uni o‘rganish boshlandi. Ayniqsa, elektron mikroskopning kashf qilinishi hujayrani o‘rganishni jadal-lashtirdi. Fizika va kimyo fanlari yutuqlarini hujayraning o‘rganishga jalb qilinishi, hujayrada kechadigan fiziologik va kimyoviy jarayonlarni ochib berdi. Hujayra va unda kechadigan jarayonlarni o‘rganish natijasida, ko‘pgina kasalliklarda dastlab, hujayralarda o‘zgarishlar kuzatilishi aniqlandi va kasalliklarni davolashning hujayraviy asoslari ishlab chiqildi. Bundan tashqari, hujayra biologiyasi molekulyar biologiya, gen injenerligi, hujayra injennerligi, immunologiya kabi fanlarni rivojlanishiga zamin yaratdi. Ushbu fanlar yordamida genetika fanida, meditsina va farmokologiya fanlarida, oziq-ovqat va qishloq xo‘jalik sohalarida ulkan yutuqlarga erishilmoqda. Hujayra va unda kechadigan jarayonlarni bilmasdan, atroflicha tushunchalarga ega bo‘lmasdan, to‘qima, organ, organizm yoki bir hujayralilar, prokariotlar haqida ham bilimga ega bo‘lmaymiz.

Hujayra tuzilishiga, tarkibiy qismlariga va fiziologik jarayonlariga ko‘ra prokariot va eukariot hujayralarga bo‘linadi. Prokariotlarga bakteriyalar va ko‘k-yashil suvo‘tlari kirsa, eukariotlarga suvo‘tlar, zamburug‘lar, yuksak o‘simliklar va hayvonlar kirdi. Har qanday hujayra ham avval mavjud bo‘lgan hujayraning bo‘linishidan hosil bo‘ladi. Ko‘p hujayrali murakkab organizmning hujayralari, bir hujayralilarnikiga tuzilishi jihatdan birmuncha o‘xhash bo‘ladi.

Har qanday organizm hujayralardan tashkil topgan bo‘lib, o‘simlik, zamburug‘, hayvon hujayrasi yoki bakteriya hujayralari ham kimyoviy tarkibi: biomolekulalar, nuklein kislotalar, oqsillar, uglevodlar va lipidlarning bo‘lishi bilan, sitoplazma, hujayra membranasining borligi va bir qancha tomonlari bilan o‘xshash bo‘lsa, farqli tomonlari ham anchaginadir. Sodda hujayralarning tuzilishi va funksional jarayonlari ham sodda bo‘ladi. Murakkab organizmlarda kechadigan jarayonlar ham murakkab bo‘ladi. Hujayralar evolutsiya davomida tuzilishi va funksiyalari jihatidan takomillashib boradi. Ularning tuzilishi va ularda kechadigan jarayonlarni o‘rganish, ular haqidagi va ularda kechadigan jarayonlarni tushunishga yordam beradi. Shu sababli hujayra va rivojlanish biologiyasi darsligi akademik litseylar uchun chuqurlashtirib yozilgan.

Darslikning ikkinchi qismi rivojlanish biologiyasini o‘rganishga bag‘ishlangan. Organizmlar paydo bo‘lishidan boshlab, o‘lguncha doimo rivojlanishda bo‘ladi. Masalan, ko‘phujayralilar homiladan avvalgi, homila va homiladan keyingi davrlarni boshidan kechiradi. O‘sha davrlarda kechadigan jarayonlarni o‘rganish odamlarda va hayvonlarda kuzatiladigan kasallikkarni tushunishga, oldini olishga, davolashga imkon beradi. Shu tufayli rivojlanish biologiyasini o‘rganish katta ahamiyatga egadir.

## 1 b o b. HUJAYRA BIOLOGIYASI

### 1-§. Hujayrani o‘rganilish tarixi

Hujayra haqidagi fan *sitologiya* bo‘lib, yunoncha «sitos» — hujayra, «logos» — fan degan so‘zlardan olingan. Sitologiya hujayraning va uning tarkibiy qismlari tuzilishini kimyoviy tarkibini, ularning bajaradigan vazifalarini, ko‘payishi va rivojlanishini, atrof-muhit omillari bilan munosabatini o‘rganadi. Hozirgi davrda boshqa fanlar metodlarining sitologiyada foydalanish natijasida yangi fan — *hujayra biologiyasi* shakllandi. Bu fan sitologiya, biokimyo, molekulyarbiologiya va molekulargenetika fanlar kompleksidan iborat. Hujayrani o‘rganish kattalashtirib ko‘rsatuvchi asboblarning yaratilishi bilan uzviy bog‘liq. Birinchilar qatorida gollandiyalik aka-uka Gans va Zaxariy Yansenlar ikkita kattalashtiruvchi oynani naychaga o‘rnatdi. Italyan olimi G.Galiley, K.Drobbellar tomonidan dastlabki kattalashtiruvchi asboblar yaratilgan. 1609—1610-yilda italyan olimi Galileo Galiley kattalashtirib ko‘rsatuvchi asboblar dan birini konstruksiyasini ishlab chiqdi. Bu asbob 35—40 marta kattalashtirib ko‘rsatar va avvalgilaridan ancha takomillashgan edi. 1625-yilda F.Stelluti ham kattalashtirib ko‘rsatuvchi asbobni yaratadi. I.Faber bu kattalashtirib ko‘rsatuvchi asbobni «mikroskop» deb atashni taklif qildi. Bu davrga kelib kattalashtirib ko‘rsatuvchi asboblar bir qancha olimlar tomonidan yaratilgan. Sekin-asta kattalashtirib ko‘rsatuvchi asboblar takomillashib bordi. Natijada ko‘zga ko‘rinmas bo‘lgan jismlarni ham ko‘rish imkoniyati tug‘ildi. 1665-yilda ingliz fizigi va botanigi Robert Guk o‘zi yasagan mikroskopda o‘simglik poyasi po‘stlog‘ining ko‘ndalang kesmalarini ko‘zdan kechirar ekan, ari uyalariga o‘xshab ketadigan mayda-mayda bo‘shliqlarni ko‘rdi va ularni hujayralar (lotincha *cellula* — katakcha, uyacha) deb atadi. R.Guk hujayra pardalari saqlanib qolgan, ichi bo‘shliq o‘lik hujayralarni ko‘rgan va o‘zining kashfiyotiga katta ahamiyat bermagan edi. Guk tekshirishlari biologlar orasida qiziqish uyg‘otdi. Turli mamlakatlarning olimlari har xil o‘simglik va hayvonlar to‘qimalarining mikroskopik tuzilishini tekshira boshladilar. Golland olimi Anton van Levenguk o‘zi yasagan mikroskopda hayvon hujayralarini, spermatazoid va qizil qon

hujayralari – eritrotsitlarni 270 marta kattalashtirib o'rgangan (1680-yil). Shu davrdan hujayrani o'rganish jadallahshdi.

– 1671-yilda italiyalik botanik, anatom, va embriolog olim Marchello Malpigi va 1673–1682-yillarda angliyalik botanik Neyemiya Gryular o'simlik hujayrasining tuzilishini o'rgandi.

– 1830-yil chek olimi Yan Evangelista Purkinye birinchi bo'lib hujayra tarkibidagi suyuqliknini aniqladi va uni «protoplazma» deb atadi.

– 1831-yil angliyalik botanik Robert Broun *orxideya* o'simligi hujayrasi yadrosini aniqlab uni «nucleus» – «yadro» deb atadi.

– 1838-yilda germaniyalik botanik Mattias Yakob Shleyden o'simlik hujayrasini to'liq ta'riflab berdi.

– 1839-yilda germaniyalik zoolog Teodor Shvann hayvon hujayrasini o'rganib, M. Shleyden bilan birgalikda «Hujayra nazariyasi»ni yaratishdi.

– 1841-yilda Remak hayvonlarda amitozni aniqladi.

– 1848-yilda nemis botanigi Vilgelm Gofmeystr tradeskan-siyada xromosomalar shaklini aniqladi.

– 1875-yilda nemis botanigi Eduard Strasburger o'simlik hujayrasida mitozni kashf qildi.

– 1876-yilda belgiyalik embriolog Eduard Van Beneden va 1888-yilda nemis sitolog va embriolog olimi Teodor Boveri «hujayra markazini» aniqladi.

– 1878-yilda Shleyxer yadroni bo'linishini kariokinezni aniqladi.

– 1882-yilda nemis gistologi va sitologi Valter Flemming hayvon hujayrasida, nemis botanigi Eduard Strasburger o'simlik hujayrasida xromosomalarni aniqladi.

– 1882-yilda Strasburger o'simliklarda amitozini kashf qildi.

– 1884-yilda Strasburger profaza, metafaza, anafaza terminlarini fanga kiritdi.

– 1884-yilda Van Beneden meyozni kashf etdi.

– 1885-yilda nemis anatom va gistolog olimi Vilgelm Valdeyr fanga «xromosoma» terminini kiritdi.

– 1887-yilda Uitman «sitokinez»ni aniqladi.

– 1894-yilda nemis anatom va gistolog olimi Karl Benda mitoxondriya terminini kiritdi.

– 1894-yilda nemis fiziolog va gistolog olimi Geydengayn telofaza terminini kiritgan.

— 1898-yilda italyan gistologgi Kamilo Golji «Golji apparati» ni aniqladi.

1838–1839-yillarda nemis olimlari botanik M. Shleden va zoolog T. Shvann organizmlarning hujayra tuzilishi to‘g‘risidagi hamma to‘plagan ilmiy ma’lumotlarni umumlashtirib, tahlil qilib hujayra nazariyasini yaratdilar (*1-rasm*). O‘sha paytdagi yaratilgan hujayra nazariyasining asosiy qoidalari tubandagilardan iborat:

1. Hujayra hamma tirik organizmlarning asosiy tuzilish birligi hisoblanadi.

2. Hamma hujayralarda kimyoviy tarkibi va umumiylar hayotiy jarayonlari tomondan o‘xshash.

3. Hujayraning hosil bo‘lishi o‘simlik va hayvon organizmlarning o‘sishi, rivojlanishi, takomillashishini ta’minlaydi.

1859-yili nemis shifokor olimi Rudolf Virxov (1821–1902), hujayrasiz hayot yo‘qligini, hujayra faqat avval mayjud hujayralarning ko‘payishidan paydo bo‘lishini isbotlab berdi. Virxov hujayralarning buzilishi natijasida kasalliklar kelib chiqishini asoslab, hujayra patologiyasiga asos soldi. Virxov hujayrani hayotning hamma xossalariiga ega bo‘lgan eng kichik morfologik element deb qaradi va hujayraning asosiy struktura elementi pardasi bo‘lmay, balki ichidagi narsasi, ya’ni protoplazmasi bilan yadrosi ekanligini Shvann bilan ketma-ket isbot qilib berdi. Karl Ber hamma ko‘p hujayralilarning rivojlanishi bitta tuxum hujayradan boshlanishini isbotlab berdi. Bu esa barcha ko‘p hujayralilar bir hujayralardan kelib chiqqanligini isbotlashga qaratilgan edi.

Hozirgi zamonda fanning har tomonlama rivojlanishi natijasida hujayra nazariyasining asosiy qoidalari quyidagilardan iborat:

1. Hujayra tiriklikning tuzilishi, funksiyasi va rivojlanishning eng kichik birligidir.

2. Hujayralar faqat bo‘linish yo‘li bilan ko‘payadi. Har bir yangi hujayra dastlabki hujayraning bo‘linishi natijasida hosil bo‘ladi.

3. Barcha ko‘p hujayrali organizmlarning hujayralari bilan bir hujayralilarning tuzilishi va fiziologik jarayonlari jihatidan o‘xshash bo‘lib, ko‘p hujayrali organizmlar bir hujayralardan kelib chiqqanligini bildiradi.

4. Hujayrada uni qayta quradigan va boshqaradigan genetik informatsiya saqlanadi.

5. Ko‘p hujayralilarda har xil ixtisoslashgan hujayralar birlashib

to‘qimalarni hosil qiladi. Ular nerv va gumoral sistemalar orqali idora etiladi.

Hujayra nazariyasi kashf qilingandan so‘ng, hujayra va unda kechadigan jarayonlarning mohiyati fanga ma’lum bo‘la boshladи.

**Hujayrani o‘rganishning ahamiyati.** Hujayralarning tuzilishi, kimyoiy tarkibi va bajaradigan funksiyalarini o‘rganish faqat biologiya qonuniyatlarini to‘g‘ri tushunish uchungina emas, balki tibbiyotda, veterinariyada, qishloq xo‘jaligida ham katta ahamiyatga ega. Masalan, odamlarda uchraydigan ko‘pgina kasalliklarning asosida hujayra faoliyatining izdan chiqishi yotadi. Qandli diabet kasalligining sababi organizmda uglevod almashinuvini boshqaruvchi gormonlardan biri – insulin ishlab chiqaruvchi oshqozon osti bezining ayrim hujayralari faoliyatining buzilishidir.

Hujayralarning bo‘linishi, ularning ixtisoslashishi qonuniyatlarini yaxshi bilmasdan jarohatlangan a’zolar va to‘qimalarning qayta tiklanishi, yomon sifatli o‘sma kasalliklarning kelib chiqish sabablari, muammolarini o‘rganish mumkin emas. Hayvonlarda va odamlarda uchraydigan ko‘pgina yuqumli kasalliklarning qo‘zg‘atuvchilari bir hujayrali parazit organizmlar – bezgak paraziti, koksidiyalar, toksoplazma, dizenteriya amyobasi va boshqalar hisoblanadi. Mazkur kasalliklarni davolash va ularni oldini olish uchun ularning qo‘zg‘atuvchilari – bir hujayrali sodda hayvonlarining biologiyasini yaxshi bilish zarur.

Hujayra biologiyasini o‘rganishda mamlakatimiz olimlarining ham katta hissalarini bor. Akademiklar Komiljon Ahmedjanovich Zufarov, Jahongir Hakimovich Hamidov va ularning shogirdlarini bu sohada ishlari diqqatga sazovordir.

### Nazorat savollari

1. «Sitologiya» tushunchasini ta’riflang.
2. Hujayra biologiyasi fani tarixida kashfiyat qilgan qaysi olimlarni bilsiz?
3. Hujayra nazariyasining mohiyatini va ahamiyatini tushuntirib bering.
4. Hujayralarni o‘rganishning nazariy va amaliy ahamiyatlarini tushuntiring.

### Mustaqil yechish uchun test savollari

1. **Hujayra yadrosini kim kashf qildi?**

- A) R. Guk B) K. Ber C) R. Broun D) Y. Purkinye



*I-r a s m.* Chapda Teodor Shvann (1810–1882) nemis gistolog va fiziolog. O'ngda Mattias Shleyden (1804–1881) – nemis biologi. Asosan o'simliklar embriologiyasi va sitologiyasida tadqiqot olib borgan.

Rudolf Virchov (1821–1902) – nemis vrachi.

## 2. Barcha organizmlarning tuzilish, funksional va rivojlanish birligini aniqlang.

- A) hujayra B) molekula C) biomolekulalar D) organoidlar

### 3. Malpigi, Gryu qaysi organizmning hujayrasini o'rgangan?

- A) zamburug'lar B) hayvonlar C) lishayniklar D) o'simliklar

### 4. Karl Bernimani isbotlab bergen?

- A) yangi hujayra avvaldan mavjud hujayraning bo'linishidan hosil bo'lishini

- B) hamma ko'p hujayralilar dastlab bitta tuxum hujayradan rivojlanishi ni

- C) o'simlik va hayvon hujayralari o'xshashligini

- D) hujayralarning kimyoviy tarkibi o'xshashligini

### 5. R. Virchov nimani isbotlab berdi?

- A) yangi hujayra avvvaldan mavjud hujayraning bo'linishidan hosil bo'lishini

- B) hamma ko'p hujayralilar dastlab bitta tuxum hujayradan rivojlanishi ni

- C) o'simlik va hayvon hujayralari o'xshashligini  
 D) hujayralarning kimyoviy tarkibi o'xshashligini

### **6. Anton van Levenguk qaysi organizm hujayrasini o'rgandi?**

- A) o'simliklarni B) hayvonlarni C) zamburug'larni D) bir hujayralilarni

## 2-§. Hujayrani o'rganish usullari

Hujayrani o'rganish usullariga mikroskopiya usullari, gis-tokimyoviy va sitokimyoviy usullari, differensial sentrifugalash usuli, mikrurgiya usuli, hujayrani sun'iy o'stirish usuli, avtoradiografiya usuli va boshqa bir qancha usullar mavjud.

**Yorug'lik mikroskopiyasi usuli.** Yorug'lik mikroskopi (micro – mayda, scopia – ko'raman) asosan 3 qismidan: mexanik qismi, optik va yorutuvchi qismlardan iborat. Mexanik qismiga – tubus, shtativ, makro- va mikrovintlar, buyum stolchasi kiradi. Optik qismiga – katta va kichik obyekтивлар, okulyar kiradi. Yorituvchi qismiga – ko'zgu, diskli teshik – diafragma kiradi.

Yorug'lik mikroskopining okulyarlari o'zaro gilzalar bilan biriktirilgan ikkita linzadan tashkil topgan. Obyekтивлар bir necha linzali. Yorug'lik mikroskopi odatda tasvirni 2000 martagacha kattalashtirib ko'rsatish qobiliyatiga ega. Mikroskopning eng muhum tomoni uni tasvirni kattalashtirib ko'rsatishi emas, balki uni ko'rish kuchi hisoblanadi. Mikroskopni ko'rish kuchi ikki nuqtani bir-biridan farq qilish uchun zarur bo'lган minimum masofa bilan aniqlanadi. Odam ikki nuqtaga yaqindan qarasa nuqtalardan qaytayotgan yorug'lik to'lqinlari bir vaqtda qaytadi va odamning ko'zi nuqtani ikkita emas balki bitta qilib ko'radi.

Mikroskopning ko'rish kuchi qancha katta bo'lsa, obyektning mayda bo'laklarini shuncha aniq ko'rish mumkin. Mikroskopning ko'rish kuchining chegarasi, yorug'lik to'lqin uzunligining yarmiga teng, 200–300  $\mu\text{m}$ <sup>1</sup> (millimikron). Yorug'lik to'lqin uzunligining yarmidan kichik bo'lган obyektlarni yorug'lik mikroskopida ko'rib bo'lmaydi.

Ko'rayotgan obyektni qancha marotaba kattalashtirib ko'rayotganligimizni okulyar va obyektdagi raqamlarni bir-biriga ko'paytirish yo'li bilan topish mumkin.

**Elektron mikroskopiyasi usuli.** Elektron mikroskop tasvirni

<sup>1</sup>  $\mu\text{m}$ - millimikron mikronning mingdan biri, 1 m (mikron) millimetrnning mingdan biri.


2000000 martagacha, hatto 1 mln gacha kattalashtirib beradi. Bunda obyektning tasvirini yorug'lik nurlarida emas, balki elektron oqimi yordamida hosil qilinadi. Uning yordamida hujayraning o'ta nozik tuzilmalarini aniqlash imkonи mavjud, masalan: ribosomalar, endoplazmatik to'r, mikronaychalar va hujayraning boshqa organoidlari kashf qilingan. Elektron mikroskop 1933-yilda kashf qilingan bo'lib, keyingi yillarda uning takomillashishi natijasida uch o'lchamli fazoviy tasvirlarni olishga erishildi.

**Gistokimyoviy va sitokimyoviy usul.** Bo'yoq moddalar kimyosining muvaffaqiyatlari sitologiyaning XIX asrda rivojlanishi uchun katta ahamiyatga ega bo'ldi. Oldindan o'ldirilgan (fiksatsiya qilin-gan) va nihoyatda yupqa kesmalar qilib ajratilgan to'qimalarni bo'yash, hujayralarda avvallari ma'lum bo'limgan, yangi struktura elementlarini ko'rishga imkon berdi. Bu usulning mohiyati shundan iboratki, fiksatsiyalangan hujayralarga ma'lum kimyoviy bo'yoq moddalar ta'sir ettirilganda bu moddalar hujayraning tar-kibidagi kimyoviy birikmalar bilan reaksiyaga kirishib o'sha joyda cho'kmalar hosil qiladi. Bu cho'kmalarni mikroskopda tekshirib, ularning joylashishini aniq o'rganish, rasmga olish mumkin. Hujayra tarkibidagi turli-tuman kimyoviy moddalarni aniqlashda ham turli xil bo'yoqlar ishlatiladi. Ular yordamida hujayra tar-kibidagi oqsillar, nuklein kislotalar, vitaminlar, uglevodlar, metal-lar tuzlarning miqdorinigina emas, balki joylashishini ham aniqlash mumkin.

**Differensial sentrifugalash (ultratsentrifugalash) usuli.** Bu metodning mohiyati quyidagilardan iborat. Tirik organizmlarning organ va to'qimalarini hujayra strukturalari shikastlanmaydigan darajada maydalanadi (bir xil massa hosil bo'lguncha). So'ngra maydalangan to'qima maxsus suyuq muhitda markazdan ochirma kuch ta'siriga duchor qilinadi. Buning uchun ultratsentrifugalardan foydalaniladi. Natijada suyuqlikdagi moddalar qatlama-qatlama bo'lib cho'kib qoladi. Eng og'ir zarralar suyuqlikning tubiga cho'kadi, yengilroqlari esa, yuzaroq qatlamlarida qoladi (*2-rasm*). Bu usul yordamida hujayra komponentlarini alohida-alohida ajratib olib, ularning xususiyatlarini o'rganish mumkin.

**Mikrurgiya usuli** – maxsus mikroskoplardan foydalanib hujayraning yadrosini olib tashlash yoki boshqa hujayraga ko'chirish, hujayra ichidagi biotoklarni, haroratni o'lchash kabi ishlarni amalga oshiriladi.

**Hujayrani sun'iy o'stirish usuli** – ma'lum bir hujayrani alohi-



*2-rasmi.* Turli tezlikda sentrifuga qilib hujayra organoidlarini ajratib olish mumkin.

da, maxsus ozuqali muhitda o'stiriladi. Bunda o'sayotgan, rivojlanayotgan, bo'linayotgan va harakatlanayotgan hujayrani maxsus mikroskop yordamida rasmga olinadi va o'rganiladi.

**Avtoradiografiya usuli** – hujayraga radioaktiv izotoplar, nishonlangan atomlar kiritilib, hujayradagi biokimyoiy jarayonlarning uzlusizligini o'rGANADI. Bu metod orqali oqsillar, uglevodlar, yog'lar, nuklein kislotalar va boshqa moddalarni organizmda qanday kimyoiy o'zgarishlarga uchrashini aniqlashga muvaffaq bo'linmoqda. Bu metoddan foydalanish uchun avvalo radioaktiv uglerod, azot, oltingugurt, fosfor yoki boshqa elementlarning izotoplariga ega organik birikmalar sintez qilinadi, keyin esa «nishonli» moddalar organizmgaga kiritiladi. Radioaktiv izotoplar yordamida organik moddalar organizmning qayerida joylashganligini va uning miqdorini maxsus asboblar yordamida aniqlanadi. Bu metod yordamida moddalar almashinuvni jarayonlari va bosqichlari aniqlangan.

## Nazorat savollari

1. Hujayralarning asosiy o‘rganish metodlari va ularning mohiyatlarini solishtirish yo‘li bilan tushuntiring.
2. Hujayradagi biokimyoviy jarayonlar qanday metod bilan tekshiriladi?
3. Differensial sentrafugalash usulining mohiyatini aytинг.
4. Avtoradiografiya usuli va uning ahamiyatini uzohlang.

## Mustaqil yechish uchun test savollari

### **1. Mikroskopning ko‘rish kuchi qanday aniqlanadi?**

A) ikki nuqtani bir-biridan farq qilish uchun zarur bo‘lgan minimum masofa bilan

B) yorug‘likni qaytarish va sindirishi bilan

C) optik shishaga tushayotgan yorug‘lik tarkibiga qarab

D) ikki nuqtani bir-biridan farq qilish uchun zarur bo‘lgan minimum masofa bilan

### **2. Qaysi usul yordamida uch o‘lchamli fazoviy tasvirlarni olishga erishildi?**

A) yorug‘lik mikroskopi B) elektron mikroskop C) sitokimyoviy D) sentrafugalash

### **3. Mikroskop ko‘rish kuchining chegarasi nimaga teng?**

A) yorug‘lik to‘lqin uzunligining yarmiga teng

B) yorug‘lik to‘lqin uzunligiga teng

C) yorug‘likni qaytarish va sindirish kuchiga


D) linzaning fizik tarkibi va qavariqligiga

### **4. Qaysi usul yordamida hujayra organoidlarini alohida-alohida ajratib olish mumkin?**

A) yorug‘lik mikroskopi B) sentrafugalash C) sitokimyoviy D) avtoradiografiya.

## **3-§. Hayotning hujayrasiz shakllari**

Hayot hujayraviy va hujayrasiz shakllarga ajratiladi. Hayotning hujayrasiz shakllariga viruslarni kiritish mumkin. Viruslar hujayradan tashqarida tiriklikka xos xususiyatlarni namoyon qila olmaydi. Viruslar hujayraning irlsiy darajadagi parazitlaridir. Hujayradan tashqarida ular kristallar shaklida bo‘ladi. Ular faqat hujayra ichiga kirgandan so‘ng metabolistik jarayonlarni namoyon qiladi. Shuning uchun viruslarni hayotning hujayrasiz shakllariga kiritamiz. Viruslar, bakteriyalar ham o‘ta olmaydigan filtrlardan



*3-r a s m.* Turli xil viruslarning tuzilishi.




4-r a s m. Dimitriy Iosifovich Ivanovskiy (1863—1920) — tamaki mozaika virusini kashf qildi.

o‘ta olganligi uchun *filtrlanuvchi viruslar* deyiladi.

**Viruslarning kashf qilinishi.** Virus so‘zi (lotinchadan olingan) zahar ma’nosini bildiradi. 1892-yilda rus oli-mi Dmitriy Iosifovich Ivanovskiy (1863—1920) tamaki o‘simgida uch-raydigan tamaki mozaikasi (mozaika — chiporlanish) deb ataluvchi kasallik qo‘zg‘atuvchisining o‘ziga xos xususiyatlarini aniqladi. (*4-rasm*). Bunday kasallikni qo‘zg‘atuvchilarni 1895-yil golland botanigi Martin Beyyerink tomonidan virus deb atash taklif qilindi. Shu davrdan boshlab viruslarni o‘rganuvchi fan *virusologiya* rivojlandi.

Viruslarning o‘lchami 20—300 nm (nanometr)ga teng bo‘ladi. 1 nanometr mikrometrning 1/1000 qismiga teng.

**Viruslarning tuzilishi va klassifikatsiyasi.** Virus oqsilli kapsid (virus qobig‘i kapsid deyiladi) va nuklein kislotadan biri DNK yoki RNK bo‘ladi (DNK — dezoksiribonuklein kislota, RNK — ribonuklein kislota). Virus kapsidi bir qancha kapsomerlardan tashkil topgan (*3-rasm*). Har bir kapsomer bitta yoki ikkita oqsil molekulasidan tashkil topgan. Viruslar asosan kapsidiga qarab oddiy va murakkab viruslarga bo‘linadi. Virus kapsidi faqat bir xil oqsildan va ichki qismida nuklein kislotadan, ya’ni nukleoproteid-




*5-rasm. Murakkab tuzilishdagi 2 zanjirli onkogen virusining tuzilishi.*

dan iborat bo'lsa, bunday viruslar oddiy viruslar (masalan tamaki mozaika virusi) deyiladi. Murakkab viruslarda tashqi kapsid mavjud bo'lib, uni **superkapsid** deyiladi. Uning tarkibida boshqa xil oqsillar, lipoproteidlar, ba'zan uglevodlar ham uchraydi. Superkapsid virus nuklein kislotasi tomonidan irsiylanmaydi. Virusning ichki qismlari hujayra membranasida yig'iladi, shuning uchun tashqi kapsid va undagi uglevod, lipid va oqsillar virusga birikib qolishi kuzatiladi. Ayrim murakkab viruslarda bir necha kapsid nuklein kislotasini va fermentlarni o'rabi turuvchi virion qismi mavjud (*5-rasm*). Murakkab viruslarga gripp, herpes, hepatit, onkogen viruslar, qutirish, ensefalit, qizilcha kasalliklarini yuzaga chiqaruvchi viruslarni misol qilishimiz mumkin.

Virus kapsidi hujayraning retseptoriga bog'lanib, virusni hujayra ichiga kirishiga yordam beradi. Virusning virion qismi oqsil qobiqli bo'lib, virus nuklein kislotasini hujayraga kirganda fermentlardan himoya qiladi.

Viruslarda nuklein kislotadan DNK yoki RNK bo'ladi. DNK li viruslarga ko'pincha bakteriofaglar, hayvon va odam viruslarini misol qilishimiz mumkin. O'simlik viruslarini ko'pchiligi RNKli viruslardir. Lekin ba'zi hayvon va odam viruslari RNKli viruslardir.



*6-r a s m.* Ikki zanjirli RNKli onkogen virusining hujayra retseptoriga bog'lanib hujayra ichiga kirishi.

ichiga kirgach, o'zining RNKsidan virus DNKsini sintezlaydi (bu jarayon teskari transkripsiya deyiladi va teskari transkriptaza – revertaza fermenti yordamida amalga oshadi) va hosil bo'lgan virus DNKsi hujayra DNKsiga ulanadi. Hayvon viruslari hujayra retseptoriga bog'lanib, hujayraning ichiga kiradi. O'simlik, zambrug' va bakteriya viruslarining hujayra ichiga kirishi birmuncha qiyin. Chunki bakteriya, zambrug' va o'simlik hujayralarining devori qalni bo'ladi.

Asosan viruslar o'zining kapsididagi maxsus oqsillari yordamida o'ziga kerakli hujayra oqsil – retseptoriga bog'lanadi. Virus aynan o'zi birika oladigan hujayra retseptoriga bog'lanadi (*5, 6-rasmlar*). Boshqa turdag'i hujayraga bog'lana olmaydi. Bu jihatdan virus «tanib olish» xususiyatiga ega. Masalan «A, B, C, D, E» gepatit viruslari aynan jigar hujayralarining ichiga kira oladi va ular ichida ko'paya oladi. Bundan tashqari ba'zi hollarda hujayra tashqarisidagi suyuqlikdan hosil bo'lgan pinotsitoz vakuolalar orqali virus hujayraning ichiga kirishi mumkin.

Hujayra xromosomasiga ulangan virus DNKsi virusning RNKsini sintezlaydi. Sintezlangan virus RNKsi yadrodan sitoplazmaga chiqadi va hujayra ribosomalarida virusning oqsil – kapsidini sintezlaydi. Ayrim hollarda virus nuklein kislotasi hujayra xromosomasiga ulanib, virusning RNKsini va kapsidini sintezlamasdan yashirin holatda bo'ladi. Agar hujayraga biror-bir ta'sirlar, masalan ultrabinafsha nurlar, rentgen nurlari, kimyoviy moddalar, narkotik moddalar ta'sir qilsa, virus DNKsidan virus RNKsi va

Masalan gripp, onkogen viruslar (rak chaqiruvchi viruslar) RNKli viruslardir. Onkogen virusida ikkita RNK bo'ladi.

### Virusning hujayraga kirishi.

Asosan hayvon viruslari hujayraning ichiga kapsidi bilan kiradi, bakteriofaglarning kapsidi esa hujayra tashqarisida qoladi. DNK tutuvchi ko'pchilik viruslar hujayra ichiga kirgandan so'ng, uning DNKsi hujayra DNKsiga ulanadi.

RNK tutuvchi viruslar (masalan onkogen virusi)ning ba'zilari hujayra


virus oqsillari sintezlanadi. Virus DNKsi ham ko'payib, o'ziga o'xhash virus zarrachalarini hosil qiladi.

**Virusning hujayradan chiqishi.** Virus oqsillari xo'jayin hujayrasi sitoplazmasidagi ribosomalarda sintezlanib, hujayra plazmatik membranasiga o'rashadi. Ma'lum vaqt dan keyin virus DNK yoki RNKsi aynan shu plazmatik membrana yaqiniga kelib, plazmatik membranada tashqariga bo'rtiqchani hosil qiladi (bu gidraning kurtaklanib ko'payishiga o'xshaydi). Aynan shu bo'rtiqcha ichida virus o'zining DNK yoki RNKsi kapsidga o'raladi. So'ngra virus hujayradan chiqib ketadi. Bunday hollarda zararlangan hujayralar hayotchanligini uzoq vaqtgacha saqlab qolishi mumkin. Ayrim hollarda hujayra ichida virusning konsentratsiyasi ko'payib ketsa hujayra yoriladi – portlaydi. Bunda hujayra nobud bo'ladi.

**Bakteriya viruslari.** Bakteriya virusi – bakteriofag kapsidli boshcha, bo'yni va retseptorli dum qismlari mavjud. Bakteriya viruslari – bakteriofaglarning hujayra ichiga kirishi biroz boshqacharoq. Bakteriyalarning qalin hujayra qobig'i murein moddasidan iborat. Bu esa bakteriya ichiga virusni kapsidi bilan kirishiga to'sqinlik qiladi. Shuning uchun bakteriofag dastlab bakteriya qobiqlaridan chiqib turgan kipriksimon oqsil – uglevodli retseptorlarga bog'lanadi va bakteriofag o'zining boshchasidagi nuklein kislotasini (DNKsini) ichi kovak tayoqchasi orqali bakteriya ichiga itarib kiritadi. Bakteriofag nuklein kislotasi bakteriya sitoplazmasiga tushadi, bakteriya kapsidi esa hujayra tashqarisida qoladi. Bakteriya hujayrasi sitoplazmasida bakteriofagning nuklein kislotasi reduplikatsiyasi (nuklein kislotaning karra ortishi) boshlanadi hamda bakteriya ribosomalarida bakteriofag oqsili sintezlanib, bakteriofag kapsidi shakllanadi. Oradan ma'lum vaqt o'tgandan so'ng bakteriya nobud bo'ladi. Yetilgan fag tashqariga chiqadi (*7-rasm*).

**Viruslarning kelib chiqishi.** Viruslar avtonom genetik tuzilmalar bo'lib, hujayradan tashqarida rivojlna olmaydi. Viruslarning kelib chiqishi to'g'risida asosan uch xil faraz mavjud: 1) viruslar parazitizmga o'ta moslashish natijasida o'zgargan mikroorganizmlardan kelib chiqqan; 2) hujayra organoidlari – mitoxondriyalar, plastidalardan kelib chiqqan; 3) viruslar normal hujayralar genomining bir qismidir. Bu farazlarning qaysi biri haqiqatga yaqinligi hali aniqlanmagan.

**Viruslarning qo'llanilishi.** Ko'pgina bakteriofaglardan patogen bakteriyalarga qarshi qo'llaniladi. Dizinteriya, qorin tifi, vabo va



7-rasm. Bakteriophaging bakteriya ichiga kirishi va ko'payib hujayradan chiqib ketishi.

shunga o'xshash kasalliklarga qarshi kurashishda viruslardan foydalilanadi. Viruslar genetik injeneriyada keng foydalilanadi.

### Nazorat savollari

1. Viruslar nima uchun hayotning hujayrasiz shakllariga kiritiladi?
2. Viruslarning kashf qilinish tarixini aytинг.
3. Viruslar klassifikatsiyasini aytинг.
4. Viruslarning hujayraga kirish va hujayradan chiqib ketish mexanizmini aytинг.
5. Viruslarning qanday ahamiyati bor?
6. Viruslarning kelib chiqishi to'g'risida qanday farazlar mavjud?

### Mustaqil yechish uchun test savollari

1. Taxminlarga ko'ra ..... hujayraning maxsus irsiy elementlari hisoblanishadi.
  - A) viruslar
  - B) plazmidalar

C) bakteriofaglar D) A va C

## 2. Qaysi viruslar RNK tutadi?

- A) o'simlik viruslari, gripp virusi
- B) hayvon viruslari, onkogen viruslar
- C) ko'pgina o'simlik viruslari, onkogen viruslar
- D) A, C

## 3. Hayvon viruslari asosan qanday yo'l bilan hujayra ichiga kiradi?

- A) hujayra retseptoriga bog'lanib
- B) pinotsitoz vakuola yordamida
- C) hujayra o'tkazuvchi kanallar orqali
- D) hujayra porasi orqali virusning faqat DNK si kiradi

## 4. Qaysi viruslarda virusning virion qismi mavjud?

- A) bir zanjirli RNKli viruslarda
- B) oddiy, bir zanjirli DNKli viruslarda
- C) ikki zanjirli DNKli viruslarda D) oddiy viruslarda

## 5. Qaysi viruslarda revertaza fermenti mavjud bo'ladi?

- A) onkogen viruslarida B) o'simlik viruslarida
- C) bir zanjirli halqasimon DNKli viruslarda
- D) bakteriyafaglarda

## 6. Viruslarni revertaza fermentining vazifasi nimadan iborat?

- A) RNK dan DNK sintezlash
- B) DNK zanjiridan DNK zanjirini sintezlash
- C) DNKdan RNK ni sintez qilish D) RNKdan RNK ni sintez qilish

## 4-§. Hayotning hujayraviy shakllari

Hayotning hujayraviy shakllari prokariotlar va eukariotlarga ajratiladi. Prokariotlarga bakteriyalar, ko'k-yashil suvo'tlari – sianobakteriyalarni misol qilishimiz mumkin. Prokariot hujayralarni yadro va organoidlari (ribosomadan tashqari) shakllanmagan. Eukariot hujayralarga ko'pgina suvo'tlari, zamburug'lar va lishayniklar, o'simliklar va hayvonlarning hujayralari kiradi.

Prokariotlar va eukariotlar o'rtaida birmuncha o'xshashlik bo'lishligi bilan birga, ular o'rtaida farqlar ham anchaginiadir. Prokariotlar evolutsiya davomida dastlab paydo bo'lgan va bermuncha sodda tuzilgan. Prokariotlarning faqat bir hujayrali vakillari mavjud bo'lsa, eukariotlarning bir hujayrali vakillari bilan birgalikda ko'p hujayrali vakillari ham mavjud. Ularning hujayraviy tuzilishi o'rtaida ko'pgina farqlar mavjud (*1-jadval*).

### Prokariotlarga umumiylar ma'lumot va shakllari. Bakteriyalarning tuzilishi va ahamiyati.

Anton van Lavenguk dastlab mikroblarni mikroskop ostida ko'rgan va mikrobiologiya morfoloyigasiga asos solgan. Lui Paster mikrobiologiya fizologiyasiga asos soldi. Prokariotlarning yadrosi

to'liq shakllanmagan bo'lib, ularga bakteriyalar, ko'k-yashil suvo'tlari – sianobakteriyalarni misol qilishimiz mumkin.

Bakteriyalar yashash joyiga qarab aerob (kislородли мухитда yashovchi) va anaerob (kislородсиз мухитда yashovchi) xillarga bo'linadi. Oziqlanish turiga qarab avtotrof va geterotrof bakteriyalar mavjud. Geterotrof bakteriyalar tayyor organik muddalar bilan oziqlansa, avtotrof bakteriyalar anorganik muddalardan organik muddalarni sintezlash xususiyatiga ega. Geterotrof bakteriyalarning ko'pchiligi parazit yoki saprofit oziqlanadi. Autotrof bakteriyalar fototrof xillari anorganik muddalardan organik muddalarni sintezlashda quyosh energiyasidan foydalansa, xemototrof bakteriyalar anorganik muddalarni oksidlanishi hisobiga ajralgan energiyadan foydalanadi.

Prokariotlarda haqiqiy yadro bo'lmaydi, xromosomasi sitoplazmada erkin halqasimon joylashgan bo'ladi. Hujayra markazi va mitotik ip bo'lmaydi. Hazm qiluvchi vakuolalari va plastidalari bo'lmaydi, ba'zilarida masalan fototrof bakteriyalarda plastida vazifasini bajaruvchi membranalar to'plami va gazli vakuolalar bo'ladi. Bakteriya hujayrasi oddiy bo'linish yo'li bilan ko'payadi. Hujayra qobig'i murein (polisaxarid va kam sonli aminokislotalar birikmasi) muddasidan tashkil topgan. Bakteriyalarning ko'pchiligi geterotrof oziqlanadi. Bakteriyalar bir hujayrali, ba'zan ipsimon yoki shoxlangan, koloniyali bo'lib shakl jihatidan 3 guruhga ajratiladi:


1. Sharsimon – kokklar
2. Tayoqchasimon – batsillalar
3. Buralg'an – vibrionlar, spirillalar.

### **Prokariotlarning hujayraviy tuzilishi.**

Bakteriya hujayrasi 1 mkm (mikrometr)dan 10–15 mkm gacha boradi. Yadrosi to'liq shakllanmagan, ya'ni irlsiy axborot saqlovchi xromosomasi membranaga o'ralmagan, sitoplazmada joylashgan. Bakteriya xromosomasini genofor yoki nukleoid deyiladi (*8-rasm*). Aynan shu xromosomasi bitta bo'lib, halqa shaklida qo'sh dezoksiribonuklein kislota (DNK) zanjiridan iborat bo'ladi. DНK oqsil-larga birikmagan. Aynan xromosomasining o'lchami kichik bo'lganligi sababli ikki uchi birikkan, shuning uchun xromosomasi halqasimon va bu asosiy xromosoma deyiladi. Asosiy xromosomadan tashqari qo'shimcha xromosoma ham mavjud. Qo'shimcha xromosoma ham halqasimon bo'lib, **plazmida** deyiladi. Plazmida

ham ikki zanjirli DNKdan iborat bo'lib, o'lchami asosiy xromosomadan ham kichik.

Bakteriya hujayrasi tashqi tomondan mureindan iborat qobiq bilan qoplangan. Hujayra qobig'i bakteriyani osmotik bosimdan, mexanik ta'sirdan himoya qiladi. Ayrim bakteriyalarda hujayra qobig'ini tashqi tomonidan shilimshiq kapsula qoplab oladi (masalan parazit, fototrof bakteriyalarning ko'pchiligi, ko'k-yashil suvo'tlari). Kapsula har doim ham hosil bo'lavermaydi. Parazit bakteriya qonga tushganda kapsulani hosil qiladi. Kapsula qondagi leykotsitlardan bakteriyani himoya qiladi. Bakteriya hujayrasi qobig'ining tagida – ichki sitoplazma tomonida sitoplazmatik membrana joylashgan. Ayrim bakteriyalarning xivchinlari bo'lib, ular doimiy emas. Bakteriya bo'linayotganda yoki spora hosil qilayotganda xivchinlar yo'qoladi. Sitoplazmatik membrananing ayrim joylari sitoplazmaga botib kirib, botiqliklarni hosil qiladi. Sitoplazmatik membrana botiqligidan **mezosoma** ham shakllanib, plazmatik membranaga birikib turadi. Mezosoma tashqi membrana zaxirasi bo'lib, sitoplazmada zaxiralangan moddalar parchalanib mezasomada energiya (ATF sintezlanadi) hosil qiladi. Bundan tashqari **fototrof bakteriyalarda** fotosintezni amalga oshiruvchi membrana to'plami (*lemella*) va *gazli vakuolalar (aerosoma)* hosil



*8-r a s m.* Fototrof bakteriyaning sxematik tuzilishi. 1 – kapsula; 2 – hujayra devori; 3 – plazmatik membrana; 4 – mezosoma; 5 – xromosoma (halqasimon DNA molekulasi); 6 – zaxira ozig'i; 7 – lemella (photosynthetic membranes); 8 – ribosoma; 9 – xivchinlar; 10 – gazli vakuola.

bo'ladi. Lemellada fotosintez jarayoni amalga oshadi. Bakteriya sitoplazmasida zaxira sifatida polisaxaridlar, lipidlar, polifosfatlar to'planadi. Kerakli vaqtida bakteriya ulardan foydalanadi. Bakteriyalarda organoidlardan ribosoma mavjud. Lekin bakteriya ribosomasi eukaroit ribosomasidan kimyoviy tuzilishi va kichikligi bilan farqlanadi. Bakteriyalarda RNK ham mavjud bo'lib, oqsil sintezini mustaqil ravishda amalga oshira oladi.

**Bakteriyalarning ko'payishi.** Bakteriyalar ikkiga bo'linish – (binar – oddiy bo'linish) yo'li bilan ko'payadi. Bunda bakteriya sitoplazmasida murein to'sig'i hosil bo'lishi bilan boshlanadi. Qulay sharoitda bakteriyalar juda tez bo'linib ko'payadi. Masalan, ichakda yashovchi Esherixa koli bakteriyasi har 20 minutda bo'linib ko'payadi. Nazariy jihatdan uch sutkadan keyin bakteriya massasi 7500 tonnani hosil qiladi. Bunday sharoit odatda bo'l-maydi.


Bakteriyalarda irsiy axborot almashinuvi – konyugatsiya (conjugatio – lot. bog'lanish) ham kuzatiladi (konyugatsiya – jinsiy jarayon). Bunda bir turga kiruvchi o'xhash bakteriyalar bir-biriga yaqinlashadi, qobig'ining tegib turgan qismi yemirilib, plazmidaning bir DNK zanjiri bir bakteriyadan ikkinchi bakteriyaga o'tadi va har biri ko'payib oladi. Ikkinchi bakteriyadan birinchi bakteriyaga esa plazmida o'tmaydi. Odatda tashqi noqulay ta'sirga uchramagan (antibiotik ta'sir ettirilgan) bakteriyadan, noqulay ta'sirga uchramagan bakteriyaga o'tadi. Shu ma'noda bakteriya donor yoki retsipiyyent bo'lishi mumkin. Natijada bakteriyalar axborot almashishi, tashqi noqulay sharoitga chidamligi ortishi mumkin. Har xil antibiotiklarga bakteriyalarning chidamliligin shu bilan ifodalash mumkin. Aynan konyugatsiya tashqi muhit o'zgarganda kuzatilishi ko'proq bo'ladi va evolutsiya davomida bakteriya xillarini ortishga sabab bo'ladi. Bakteriyalarda kuzatiladigan konyugatsiya ayrim tuban eukariotlardagi konyugatsiyadan farqlanadi.

**Bakteriyalarni spora hosil qilishi.** Bakteriyalar noqulay sharoitga tushganda, ya'ni ozuqa muhiti yetishmaganda, sovuq, issiq haroratda yoki bakteriya yashayotgan muhitda moddalar almashinuvi mahsuloti ko'payib ketganda bakteriyalar spora hosil qiladi. Bunda bakteriya agar xivchinlari bo'lsa tashlaydi, sitoplazmatik membranasi bakteriya qobig'idan ajraladi. Bu bakteriya hujayrasidan suvning chiqib ketishi bilan boshlanadi (*9-rasm*). Xromosomasi, ribosomalari, bakteriya hujayrasining ichida bir

joyiga yig‘iladi va alohida ichki qobiqqa o‘raladi. Bakteriyaning tashqi qobig‘i ma’lum muddat saqlanib, so‘ngra parchalanib ketishi mumkin. Spora qobig‘i bakteriyaning tashqi mureinli qobig‘idan farq qiladi. Spora qobig‘i tarkibida  $\text{Ca}^+$ ,  $\text{Mg}^{2+}$ ,  $\text{Mn}^{2+}$ ,  $\text{K}^+$  miqdori-ning oshishi kuzatiladi. Shuning uchun spora nur sindiradi va yaltirab ko‘rinadi. Bu elementlar sporani noqulay sharoitga va issiqlikka chidamliligini oshiradi. Quruq haroratda sporalar yuz va hatto ming yillab hayotchanligini saqlab qoladi.

**Parazit bakteriyalar.** Sil kasalligini qo‘zg‘atuvchi tayoqchasimon sil bakteriyasi organizmda sekinlik bilan rivojlanadi, lekin asoratlari yomon oqibatlarga olib keladi, hatto o‘lim bilan tugashi mumkin. O‘lat, vabo, kuydirgi kabi kasalliklarni keltirib chiqaruvchi bakteriyalar tez rivojlanadi. Shu sababli aholi o‘rtasida bunday kasalliklar juda tez yuqadi. Bakteriyalarning odamlarga yuqish yo‘llari tozalikka roya qilmaslik, ovqatdan oldin qo‘llarni yuvmaslik, turib qolgan ovqatlarni iste’mol qilish, ichimlik suvlarini qaynatmasdan iste’mol qilish ham bakteriyalarni yuqishiga sabab bo‘ladi. Bakteriyalar kemiruvchi hayvonlardan hashoratlar orqali yuqadi. Hozirgi kunda bakteriyalarga qarshi emlash ishlari olib boriladi.

**Bakteriyalarning ahamiyati.** Tabiatda zararli bakteriyalar bilan birga tabiat va inson uchun foydali bakteriyalar ham mavjud. Foydali bakteriyalar organik moddalarning parchalanishi, chirishi va achishini amalga oshiradi. Bundan oziq-ovqat sanoatida, yem-xashak o‘simliklaridan silos olishda, spirit va sirkva olishda bak-



9-rasmi. Bakteriyaning spora hosil qilishi (endospora).

**Quyidagi jadvalda prokariot va eukariotlarning belgilari taqposlangan**

Belgilari	Prokariotlar	Eukariotlar
Hujayra qismalari	Asosan bir hujayrali organizmlar	Asosan ko‘p hujayrali organizmlar
Hujayra devori	peptidoglikan ko‘rinishidagi mureindan iborat	Hayvon hujayrasida deyarli yo‘q, o‘simlik va zamburug‘ hujayralarida mavjud. Qo‘sni hujayralar bilan bog‘langan. (selluloza, lignin, subirin, kutin, xitin moddalari mavjud)
Hujayra o‘lchami	1–10 mkm	10–100 mkm
Energiya almashinuvni	Aerob yoki anaerob	Aerob
RNK va oqsil sintezi	Sitoplazmada	RNK sintezi yadroda, oqsil sintezi sitoplazmada
Plazmatik membrana	Mavjud. Transport, retseptor, hujayralar bir-birini tanishda, elektronlarni ko‘chirilishida va ATP sintezi boradi. Lipidlarni ham sintezlaydi	Mavjud. Transport, retseptor, hujayralararo tanish.
Yadro qobig‘i	Mavjud emas	Mavjud
Xromosoma	Bitta ochiq strukturali gistonli oqsillarsiz halqasimon DNA zanjiridan iborat	Bir qancha strukturali DNA zanjiridan va gistonli oqsillardan iborat
Mitoxondriya	Yo‘q	Mavjud
Golji apparati	Yo‘q	Mavjud
Sitoplazmada	Glikoliz	Glikoliz
Ribosoma	70 – S bo‘ladi	Sitoplazmada 80 – S (mitoxondriya va plastidalarda 70 – S) bo‘ladi.
Kapsula	Ba’zilarida mukopolisaxarid (polisaxarid va amionokislota)lardan iborat	Mavjud emas
Vakuola	Asosan yo‘q	Mavjud (asosan o‘simlik hujayralarida)

Belgilar	Prokariotlar	Eukariotlar
Lizosoma	Yo‘q	Mavjud
Fotosintez apparati	Ko‘k-yashil suvo‘tlari membranasida fikotsianinlar va xlorofill c, ayrim bakteriyalarda bakterioxchlorofill mavjud	Xloroplastlar, bir qancha o‘simliklar xlorofill A va B tutadi
Yadrocha	Yo‘q	Mavjud
Sitoskelet	Yo‘q	Mavjud
Amyobasimon harakat	Yo‘q	Mavjud
Sitoplazma toki	Yo‘q	Mustaqil
Endositoz, ekzositoz	Yo‘q	Mavjud
Hujayra ichi hazm bo‘lishi	Yo‘q	Mavjud
Hujayra bo‘linishi	Binar ikkiga bo‘linish	Mitoz, jinsiy hujayralarda meyoz

teriyalardan foydalaniladi. Autotrof bakteriyalar organik modda to‘plash xususiyatiga ega. Buning uchun quyosh energiyasidan (fototrof bakteriyalar) yoki kimyoviy energiyadan (xemototrof bakteriyalar) foydalanadi. Bakteriyalarning ba’zi turlari tuproqda yashab erkin azotni o‘zlashtiradi. Tuganak bakteriyalar (dukkakli o‘simliklar ildizida simbioz holda yashaydi) yiliga bir gektar maydonda 200 kg gacha azotni to‘playdi. Bakteriyalar faoliyati nati-jasida tabiatda azotning aylanishi amalga oshiriladi. Gen innejnerligida bir organizmdagi kerakli genni boshqa organizm hujayrasiga bakteriya plazmidlari orqali olib kiriladi. Bu esa qimmatli o‘simlik va hayvon nav va zotlarini yaratishda, meditsina, farmatsevtika sohasida ko‘pgina moddalarni olishda qo‘l keladi.

Bakteriyalarning zararli tomonlari: o‘simliklarda, hayvonlar va odamlarda har xil kasalliklarni qo‘zg‘atadi. Bundan tashqari ko‘pgina saprofit bakteriyalar oziq-ovqat mahsulotlarini tezda buzilishiga sababchi bo‘ladi.

**Ko‘k-yashil suvo‘tlari – sianobakteriyalar.** Sianobakteriyalar (yunoncha – kyanos-ko‘k) fototrof prokariot organizmlar bo‘lib, suvo‘tlarining eng qadimgi vakili sanalishadi. Ular qadimgi Arxey erasida paydo bo‘lgan. Ularning paydo bo‘lishi va fotosintez qila

olish xususiyati dastlabki aromorfozlardan biri bo‘lgan. Ular genetik tomondan bakteriyalarga o‘xshasada, fotosintez qila olishi, erkin kislorod chiqara olishi bilan o‘simliklarga yaqin turadi. Hujayrasida juda ko‘p miqdorda azotni fiksatsiya qiladi. Dunyoda 2000 ga yaqin turi mavjud. Ko‘k-yashil suvo‘tlarini bir hujayrali, ipsimon va koloniyali vakillari mavjud. Ko‘k-yashil suvo‘tlarida ham bakteriyalarga o‘xshab yadro membranasi yo‘q. Hujayra shakli yumoloq, bochkasimon va silindrsimon bo‘ladi. Bir hujayrali vakillariga xrokokk, ipsimon vakili ossillatoriya va koloniyali vakillariga nostokni misol qilishimiz mumkin. Ko‘p hujayrali vakillarning shakli to‘g‘ri, bukilgan va spiralsimon bo‘lishi mumkin.

**Xrokokk.** Bir hujayrali ko‘k-yashil suvo‘t. Hujayra po‘sti pektindan iborat. Sitoplazmasida erkin xromosomasi mavjud. Sitoplazmada xlorofill – yashil va fikotsian – ko‘k pigmentlar mavjud. Hujayrada fotosintez mahsuloti sifatida oqsil donachasi to‘planadi. Xrokokk ikkiga bo‘linish yo‘li bilan ko‘payadi.

**Ossillatoriya** ko‘k-yashil suvo‘tlarining ipsimon vakili. Ossillatoriya hujayrasining bo‘yi enidan kichik, hujayrasi shilimshiqsiz. Sitoplazmasida xromoplazmasi va sentroplazmasi mavjud. Har bir hujayrasi oddiy bo‘linish yo‘l bilan ko‘payadi. Ossillatoriya ipi suvning qalqishidan iplari uzilib ham ko‘payadi. Ossillatoriya ipida ba’zi hujayralarining qobig‘i qalinlashadi. Bunday hujayralarni gormogoniy hujayralar deyiladi. Ossillatoriya aynan shu joydan uziladi va yangi hosil bo‘lgan ossillatoriya iplari garmogoniylar deb ataladi.

**Nostok** ko‘k-yashil suvo‘tlarining koloniyali vakili bo‘lib, yong‘oq yoki olxo‘ri kattaligidagi shilimshiq po‘st bilan qoplangan. Koloniyada sharsimon hujayralar marjonsimon, xilma-xil buralgan, ipsimon ko‘rinishda joylashgan. Nostok koloniyasi tog‘li tumanlardagi buloq, suv va ariqlarda keng tarqalgan.

Ko‘k-yashil suvo‘tlar tashqi muhitning noqulay ta’siriga moslashgan. Shuning uchun chuchuk suvlarda, sho‘r suvlarda, tuproq va uning yuzasida hamda qaynar buloqlarda uchraydi.

Markaziy Osiyo cho‘llarida ko‘k-yashil suvo‘tlari tuproq hosil bo‘lishi jarayonlarida qatnashadi. Ular atmosferadagi erkin azotni o‘zlashtirish xususiyatiga ega va tuproqni azotga boyitadi. Yaponiya va Xitoyda nostokning ba’zi turlari ozuqa sifatida ishlataladi.

## 5-§. Laboratoriya mashg‘uloti

### **1. Pichan bakteriyasini mikroskopda ko‘rish.**

**Ishdan maqsad:** prokariot hujayralar bilan tanishish.

**Jihozlar:** Mikroskop, tomizgich, buyum va qoplag‘ich oynalar, preparoval nina, kolbalar, metilin ko‘ki bo‘yog‘i, filtr qog‘oz, somon bo‘lakchalari, tayyor bakteriya preparatlari, bakteriya hujayralarini ifodalangan tablitsalar.

#### **Ishning borishi:**

1. Kolbaqa suv bilan birga bir necha pichan bo‘laklaridan soling va kolbaning og‘zini paxta bilan berkitiladi.
2. Kolbadagi aralashmani 15 daqiqa qaynatiladi.
3. Qaynatilgan aralashmani filtrlab, 20–25 minut haroratda bir necha kun saqlanadi.
4. Hosil bo‘lgan aralashma yuzasidagi pardadan preparoval nina yordamida bir qism olinib, uni buyum oynasiga qo‘yiladi va qoplag‘ich oyna bilan yopiladi, so‘ng mikroskop ostida ko‘riladi.
5. Qoplaq‘ich oyna ostiga suyultirilgan siyoh yoki metilin sinkasi (ko‘k bo‘yoq) tomiziladi.
6. Mikroskop ostida harakatchan bakteriyalar va yaltiroq tuxumsimon sporalar ko‘rinadi.
7. Mikroskopda bakteriyalardan tayyorlangan doimiy mikropreparat ko‘riladi.
8. Mikroskop ostida ko‘rilgan bakteriya va ularning sporalarini daftarga chizib olinadi.
9. Olingan natija va xulosalar daftarga yozib olinadi.

### **2. Yuvilman qo‘ldagi bakteriyalarni ko‘rish.**

**Ishdan maqsad:** o‘quvchilarda tozalikka riosa qilishni shakllantirish.

#### **Ishning borishi:**

1. Qo‘llar suvda (sovinsiz) yuviladi va idishga qo‘lni yuvilgan suv yig‘iladi, shu suvdan bir tomchi buyum oynasiga tomiziladi.
2. Buyum oynasiga tomizilgan suvni igna yordamida 1–2 sm diametrda yoyiladi va havoda quritiladi – fiksatsiya qilinadi.
3. Fiksatsiya qilingan mikropreparatni ag‘darib (qattiq tomoni pastda bo‘lishi lozim) uch marta olovdan o‘tkaziladi.
4. Binafsha rangga bo‘yagan tayyor filtr qog‘ozni mikropreparat ustiga qo‘yiladi va bir tomchi suv tomiziladi va ikki daqiqa ushlab turiladi.

5. So'ngra mikropreparatni ustidan suv oqiziladi va toza filtr qog'oz bilan ortiqcha suv shimdirliladi.
6. Tayyor mikropreparatni katta obyektivda ko'riladi.
7. Olingan natija va xulosalar daftarga yozib olinadi.

### **3. Ko'k-yashil suvo'tini mikroskopda ko'rish.**

**Ishdan maqsad:** ko'k-yashil suvo'tlari bilan tanishish.

**Ishning borishi:**

1. Akvarium devori yoki boshqa ko'lmak suv tubidagi suvo'tlari hosil qilgan yupqa pardani nina yordamida olinadi.
2. Undan preparat tayyorlab mikroskopning avval kichik, so'ngra katta obyektivlarida kuzatiladi.
3. Yupqa parda ingichka ko'p hujayrali iplardan tashkil top-ganiga e'tibor bering.
4. Ipchalar ko'k-yashil rangda bo'lib, ularning tebranayotganligini kichik va katta obyektlarda kuzating.
5. Katta obyektivda har bir ipcha bir xildagi mayda yadrosiz va xloroplastsiz hujayralardan tuzilganligiga e'tibor bering.
6. Hujayraning o'rta qismi rangsiz va chetlari esa pigmentlaridan iborat biroz to'qroq rangda ekanligini kuzating.
7. Mikroskopda ko'rgan ko'k-yashil suvo'tlarini rasmini daf-taringizga chizib oling.
8. Olingan natija va xulosalar daftarga yozib olinadi.

### **Nazorat savollari**

1. Bakteriyalarning tuzilishiga ko'ra, yashash muhitiga ko'ra, oziqlanishiga ko'ra klassifikatsiyaga soling.
2. Bakteriyalarning hujayraviy tuzilishi haqida nimani bilasiz?
3. Bakteriyalarda DNKnинг qanday formasi uchraydi?
4. Bakteriyalarni ko'payishini, konyugatsiya jarayonini, spora hosil qilishini izohlang?
5. Bakteriyalarning foydali va zararli tomonlari, ularni qo'llaniladigan sohalarni aytинг?

### **Mustaqil yechish uchun test savollari**

#### **1. Mikrobiologiya morfoloyigasiga asos solgan olim?**

A) A. van Lavenguk B) Lui Paster C) Strasburger D) E. Beneden

#### **2. Mikrobiologiya fizologiyasiga asos solgan olim?**

A) A. van Lavenguk B) Lui Paster C) Strasburger D) E. Beneden

**3. Gazli vakuola qaysi bakteriyalarda uchraydi?**

- A) barcha bakteriyalarda
- B) saprofit bakteriyalarda
- C) fototrof bakteriyalarda
- D) parazit bakteriyalarda

**4. Prokarioitlar hujayrasi qobig'i ..... iborat.**

- A) murein
- B) pektin
- C) xitin va suberin
- D) A va B

**5. Bakteriyalarda ..... kuzatiladi?**

- A) mitoz bo'linish
- B) binar bo'linish
- C) meyoz
- D) kopulatsiya

## 6-§. Eukariot hujayraning tuzilishi. Hujayra qobig'i va plazmatik membranasi

Eukariot hujayralar prokariot hujayralarga qaraganda murakkab va xilma-xil tuzilgan. Eukariotlarda haqiqiy yadro va organoidlar mavjud. Eukariot yunoncha eu – haqiqiy, karion – yadro so‘zlaridan olingan. Eukariotlarga hayvon, o’simlik va zamburug‘ hujayralarini kiritishimiz mumkin. Bir hujayrali va ko‘p hujayrali vakillari mavjud. Eukariot hujayralarning bo‘linishi mitoz (teng ikkiga bo‘linish) yo‘li bilan boradi. Hujayra organoidlari mavjud. Aksariyat eukariotlarda hujayra markazi mavjud. Atmosferadagi azotni o‘zlashtirmaydi. Asosan aeroblar ba’zilari ikkilamchi anaeroblar hisoblanadi. Hazm qiluvchi vakuolalarga ega. O’simliklar autotrof oziqlansa, hayvonlar va zambrug‘lar geterotrof usulda oziqlanadi (1-jadval). Ularning hujayralari o‘rtasidagi o‘xshashlik va farqlar ham birmunchadir. Zamburug‘ hujayralarining hujayra qobig‘ida xitin bo‘lishi, (hasharotlarning tana qoplami xitindan iborat), hujayrasida plastidalarining yo‘qligi, oziqlanishi (geterotrof usulda) bilan hayvonlarga o‘xshasada, lekin ko‘payishi bilan o‘simliklarga o‘xshaydi.

Eukariot hujayralarning kattaligi va shakli asosan ular bajaradigan funksiyalarga bog‘liq bo‘ladi. Ularning o‘rtacha diametri 10 mkm dan 100 mkm gacha bo‘ladi. Tuxum hujayralar tarkibida oziq moddalar ko‘p to‘planganligi uchun ancha yirik bo‘ladi. Tuyaqush tuxumining diametri 150 mm gacha boradi. Hujayralarning o‘lchami organizmlarning kattaligiga bog‘liq emas. Masalan, yirik sutemizuvchilarning qizil qon tanachalarining diametri 10 mkm dan oshmaydi. A’zoning yoki butun organizmning kattaligi esa hujayralar miqdoriga bog‘liq. Hujayraning asosiy tarkibiy qismlariga: hujayra qobig‘i, sitoplazma va yadro kiradi. Hujayra qobig‘i 3 qavatdan iborat bo‘ladi.

1. Membrana ustti kompleksi


2. Plazmolemma

### 3. Membrana osti kompleksi

Hujayra qobig‘i hujayraning tashqi muhit bilan va boshqa hujayralar bilan o‘zaro munosabatini ta’minlaydi va shunga ko‘ra uch xil asosiy vazifani bajaradi: 1) himoya, to‘sinq, 2) moddalarni o‘tkazish, 3) retseptor. Hujayra qobig‘ining asosiy qismini plazmatik membrana – plazmolemma tashkil etadi. Hayvon hujayralarining qobig‘i juda yupqa va elastik bo‘ladi. Uni faqat elektron mikroskopda ko‘rish mumkin. O‘simlik hujayralarining qobig‘i hayvon hujayralaridan farq qilib qalin bo‘ladi. Uning tarkibida selluloza moddasi ko‘p, shuning uchun ham o‘simlik qobig‘ining asosiy funksiyalaridan biri tayanch funksiyasi hisoblanadi. O‘simlik hujayralarda lignin (yog‘ochning 50%ni hosil qiladi), subirin (subirin hisobiga o‘simlik po‘stlog‘i po‘kaklashadi), kutinlar (o‘simlik hujayralarda mumsimon modda) bo‘ladi. Zamburug‘ hujayrasida esa xitinsimon modda bo‘ladi. Hayvon hujayrasi membranasi ustti kompleksida glikoproteinlar kompleksi – glikokaliks joylashadi.

### **Plazmatik membrana – plazmolemma.**

**Plazmatik membrananing tuzilishi.** Plazmatik membrana hamma hujayralar uchun universal bo‘lgan biologik membranadir. Plazmatik membrana kimyoviy tarkibiga lipidlar, oqsillar, murakkab organik molekulalar glikoproteinlar, glikolipidlar va juda kam miqdorda boshqa birikmalar kiradi. Plazmolemmanning tuzilishi haqida bir qancha taxminlar mavjud. Hozirgi vaqtida ko‘pchilik olimlar tomonidan plazmolemmanning suyuqlik – mozaika modeli qabul qilingan. Plazmatik membrana – plazmolemma qalinligi 7–10 mkm bo‘lib, hujayra ichki muhitini tashqi muhitidan ajratib turish (chegara), moddalarni tanlab o‘tkazish, retseptorlik va sitoplasmaga ma’lum shakl berish kabi asosiy vazifalarni bajaradi. Plazmolemma tarkibi 2 qator lipid va oqsil molekulalardan iborat bo‘ladi. Lipidlarning gidrofil va gidrofob qismlari mavjud. Lipidning gidrofob qismi membrananing ikki ichki tomonida joylashgan bo‘ladi. Lipidning gidrofob qismi oz bo‘lsada membrananing lipid qatlagini turg‘unligini ta’minlaydi. Lipidning gidrofil qismi membrananing ikki tashqi tomonida, ya’ni hujayraning tashqi tomonida va sitoplazma tomonida joylashgan bo‘lib, suv va suvda erigan moddalarni membrana orqali o‘tishiga imkoniyat tug‘diradi (*10-rasm*). Oqsil molekulalari lipid qavatida tashqariga bo‘rtib chiqqan – periferik oqsillari, sitoplasmaga botib turgan – submembrana oqsillari va lipid qavat orasida – integral



10-r a s m. Hayvon hujayrasida plazmatik membrananing tuzilishi.

transmembrana oqsillari holatida bo‘ladi. Membrana tashqarisiga chiqib turgan oqsillar uglevodlar bilan birikib, glikoprotein (**glikokaliks**) larni hosil qiladi. Hujayralar bir-biri bilan glikoproteinlari bilan birikib, to‘qimalarni hosil qiladi yoki gormonlar, antitelolar, limfotsitlar hujayralarni glikoproteinlari orqali taniydi (hujayra retseptorligi). Sitoplasmaga botib turgan oqsillarga fermentlar birikadi. Hujayra membranasini orqali moddalarning chiqishida va kirishida energiya sarflanadi. Energiyaning sarf bo‘lishida sitoplasmaga botib kirgan oqsillarning o‘rni bor. Lipid qavati orasidagi oqsillar moddalar transportida katta ahamiyatga ega. Har xil moddalar (masalan  $K^+$ ,  $Na^+$ ) aynan shu oqsillarga birikib, hujayra ichiga kiritiladi yoki hujayradan tashqariga chiqariladi. Bundan tashqari membrana oqsillari membrananing umumiy turg‘unligini (mustahkamligini) ta’minlaydi. Plazmatik membranada glikolipidlar, fosfolipidlar, xolesterol ham mavjud. Membranadagi fosfolipidlar membrananing qo‘zg‘aluvchanligini ta’minlaydi. Glikolipidlar ham glikoproteinlarga o‘xshab retseptorlik vazifasini bajaradi. Plazmatik membrananing ichki qismida tayanch, qisqarish, hujayraga ma’lum shakl berib turuvchi mikronaychalar, mikrofibrillalar mavjud.

**Plazmatik membrananing vazifalari.** Plazmolemmanning asosiy vazifalaridan biri moddalarni o‘tkazish ya’ni membrana orqali moddalar transportidir. Membrana orqali moddalarni o‘tishi


**endotsitoz** ya’ni hujayra ichiga yoki **ekzotsitoz**, ya’ni hujayra tashqarisiga moddalar o’tishi mumkin. Moddalar eritma holida membranadan hujayra ichiga o’tsa, **pinotsitoz** deyiladi. Granulalarning membranadan hujayra ichiga o’tishi fagotsitoz deyiladi. Suvning membranadan o’tishini ham kuzatishimiz mumkin, bu **osmos** deyiladi. Har qanday moddalarni hujayradan chiqib ketishi **ekzotsitoz** deyiladi. O’simliklarda pinotsitoz, osmos jarayonlari kuchli bo’ladi. Hayvonlarda fagotsitoz ham kuzatiladi. Membrana hamma moddalarni ham o’tkazavermaydi.

Membrana lipidlarini gidrofob qismi qutbli suvda eruvchan moddalarni hujayra ichiga o’tishiga to’sqinlik qiladi. Membrana orqali moddalar transporti aktiv yoki passiv bo’lishi mumkin. Aktiv transport uchun energiya sarflanadi, passiv transport uchun energiya sarflanmaydi. Aktiv transport (faol transport) konsentratsiyasi past joydan konsentratsiyasi yuqori joyga moddalarning o’tishida energiya sarfi bilan boradi. Aminokislotalar, glyukoza, natriy va kaliy ionlari ATF hisobiga membrana orqali o’tkaziladi. Passiv transportga nisbatan kichik qutbli va suvda erigan moddalar, masalan, mochevina,  $\text{CO}_2$ , glitserol, gidrofob moddalar ( $\text{O}_2$ ,  $\text{N}_2$ , benzol) membrana orqali passiv transportlanadi. Kichik zaryadlanmagan suv membrana orqali oson diffuziyalanadi. Diffuziya (lot. diffusion – tarqalish, yoyilish) ion yoki molekulalarning o’tishi. Diffuziya jarayonida gazlar (zaryadlanmagan moddalar) oqsillar joylashgan joydan yoki lipid molekulalari orasidan o’tishi mumkin (neytral diffuziya) yoki maxsus oqsillarga birikib, membrana orqali transportlanadi. Aktiv transportda esa membranadagi ko’chiruvchi oqsillar moddalar birikib, hujayra ichiga yoki hujayradan tashqariga o’tkaziladi. Bunda ATF<sup>1</sup> energiyasidan foydalaniлади. Natriy, vodorod, kalsiy va kaliyni mebrana orqali o’tishida ATF–aza fermentlari yordamida ATF energiyasi sarflanadi. Kaliy konsentratsiyasi hujayra ichida ko’p bo’lsada hujayra tashqarisidan hujayra ichiga o’tadi.

Natriy konsentratsiyasi aksincha, hujayra ichida kam bo’lsada hujayradan tashqariga chiqariladi (*11-rasm*). Shakar va aminokislotalar transportida ham ATF–aza aktiv ishtirok etadi.

Hujayra membranasi faqat ayrim molekulalar yoki ionlarni ichkariga o’tkazib, tashqariga chiqaribgina qolmay, balki yirik molekulalar yoki ular yig’indisidan hosil bo’lgan yirik zarrachalarni

<sup>1</sup> ATF – Adenozintrifosfat energiyani kimyoviy bog’ shaklida tutadi.



11-rasmi. Natriy, kaliy, kalsiy va vodorod ionlarini membranadan o'tishi.

ham o'tkazadi. Bu xususiyat membrananing suyuq holatida ekanligiga bog'liqidir. Bu jarayon **endotsitoz** (endo – ichkari, sito – hujayra so'zlaridan olingan) deyiladi. Endotsitozning bir ko'rinishi **fagotsitozdir** (fageo – yemoq, hazm qilmoq so'zidan olingan). Bunda, asosan qattiq yirik zarrachalar hujayraga kiritiladi. Bu vaqtida qattiq yirik zarrachaga tegib turgan membrananing ikki qismi harakatlanib, zarrachani o'rab oladi va natijada membranga o'ralgan zarra hujayra sitoplazmasi ichiga botib qoladi va hazm vakuolasi hosil bo'ladi. Keyinchalik hazm vakuolasi lizosomalar bilan birikib, ular ichidagi fermentlar ta'sirida molekulalar parchalanadi. Fagotsitoz aksariyat amyobasimonlarda, umurtqalilarning oq qon tanachalarida (leykotsitlar) keng tarqalgan. Organizmga kirgan yot zarrachalar, kasallik qo'zg'atuvchi har xil mikroorganizmlar leykotsitlar tomonidan fagotsitoz usulda qamrab olinib, yo'q qilinadi. Bakteriyalar, ko'k-yashil suvo'tlari, zamburug'lar va o'simliklarning hujayra qobig'i qalin, zich po'st hosil qilganligi uchun ularda fagotsitoz jarayoni deyarli uchramaydi. Endotsitoz pinotsitoz usulda ham amalga oshirilishi mumkin (yunoncha pino – ichaman degan so'zdan olingan). Pinotsitoz har xil moddalarning eritma holida mayda tomchi shaklida hujayraga kirishidir. Pinotsitoz o'simlik va hayvon hujayralarining asosiy oziqlanish usullaridan biridir. Endotsitozga teskari bo'lган hodisa **ekzotsitozdir** (yunoncha ekza – tashqari so'zidan olingan). Bunda sitoplazmadagi vakuola ichida hazm bo'lmay qolgan moddalar membrana orqali hujayra tashqarisiga chiqariladi.

Ko'p hujayrali hayvonlarda bir xil tipdag'i hujayralar to'planib, har xil to'qimalarni: epiteliy, muskul, nerv va boshqa to'qimalar sistemasini hosil qiladi. Bunda hujayralar plazmatik membranada-

gi burmalar va o'siqlar orqali bir-biriga yopishib turadi. Hayvonlarning epiteliy to'qimalarida, ayniqsa ichak hujayralarida burmachalar, mikrovorsinkalar yaxshi rivojlangan bo'lib, ular orqali bir hujayradan ikkinchisiga oziq moddalar, ionlar, uglevodlar va boshqalar o'tadi.

Glikokaliksi ko'p bo'lgan hujayra garmonal yo'l bilan oson boshqariladi. Ayrim kasalliklarda yoki qari hujayralarda glikokaliksning miqdori kamayadi va gormonal boshqarilishi qiyinlashadi.

Plazmatik membrananing ichki qismida, tayanch, qisqarish, hujayraga ma'lum shakl berib turishda muhim rol o'ynovchi mikronaychalar, mikrofibrillalar mavjud. Bular, ayniqsa, hayvon hujayralarida yaxshi rivojlangan.

## Nazorat savollari

1. Eukariot hujayra bilan prokariot hujayraning o'rtasida qanday o'xshashlik va farqlar bor.

2. Hujayra qobig'i qanday tarkibiy qismlardan iborat?
3. Plazmatik membrananing tarkibiy qismi va vazifalarini aytib bering.
4. Plazmatik membranadan moddalarning o'tish xillarini izohlang.
5. Bakteriya, zamburug', o'simlik va hayvon hujayralarining hujayra qobig'ining qanday o'xshashlik va farqlari bor.

## Mustaqil yechish uchun test savollari

### 1. Hayvon hujayrasi qobig'i qanday tuzilgan?

1-tashqi yuzasi sellulozadan iborat, 2-tashqi gilikokaliksdan iborat, 3-asosini plazmatik membrana tashkil etadi, 4-yupqa va elastik, 5-qalin va qattiq moddalardan iborat

- A) 1,3,4; B) 1,3,5; C) 2,3,5; D) 2,3,4.

### 2. Membranadan ionlarning o'tkazilishida qaysi oqsillarning o'rni katta?

A) integral B) periferik C) submembrana D) membranadan chiqib turgan

### 3. Hujayra qobig'i necha qavatdan bo'ladi?

- A) 2 ta B) 3 ta C) 4 ta D) 1 ta

### 4. K<sup>+</sup> (1) va Na<sup>+</sup> (2) ionlarining hujayra ichidagi miqdori uning tashqarisidagiga nisbatan qanday bo'ladi?

- a) ko'p; b) kam; c) teng

- A) 1-a; 2-a B) 1-a; 2-c C) 1-c; 2-c D) 1-a; 2-b

### 5. Qattiq zarrachalarning hujayraga kirish usulini aniqlang.

- A) pinotsitoz B) osmos C) fagotsitoz D) ekzositoz

## 7-§. Sitoplazmaning tarkibiy qismlari


Sitoplazmada hujayraning asosiy massasi, uning ichki muhiti hisoblanadi. Sitoplazma hujayraning hamma tarkibiy qismlarini bir-birlari bilan bog'lab, ular orasidagi aloqalarning amalga oshishida muhim rol o'yndaydi. Sitoplazma tashqaridan plazmatik membrana, ichkaridan esa yadro qobig'i bilan chegaralanadi. Sitoplazmaning tarkibiy qismlariga asosan gialoplazma, organiodlar va kiritmalar kiradi.

**Gialoplazma.** Gialoplazma sitoplazmaning rangsiz tiniq kalloid eritmasi. Gialoplazmada organoidlar va kiritmalar joylashadi. Gialoplazma hujayra membranasi, tola va mikrofilamentlarning hosil bo'lishida ishtirok etadi. Tarkibida polisaxaridlar, oqsillar, fermentlar, lipidlar, tRNK bo'lib, moddalarini bir joydan boshqa joyga o'tishi gialoplazma orqali amalga oshadi. Gialoplazmada glikoliz (glyukozaning kislorodsiz parchalanishi) jarayoni boradi. Bundan tashqari o'zida ko'plab organik va anorganik moddalar saqlaganligi uchun hujayraga suv kiradi, bu hujayraga osmos xususiyatini beradi. Natijada hujayra buferligi ta'minlanadi. Turgor holatdagi hujayra tashqi mexanik ta'sirlarga birmuncha chidamli bo'ladi. Gialoplazmada muhim biokimyoviy reaksiyalar kechadi.

**Kiritmalar.** Hujayra o'zi sintezlagan oqsillarni, uglevodlarni va yog'simon moddalarini yoki shu kabi organik moddalarini sitoplazmasida kiritma shaklida ma'lum vaqt saqlaydi. Kiritmalar sitoplazmaning muvaqqat tarkibiy qismlaridir.


Kiritmalar o'simlik va hayvon hujayralarida ham uchrab aksariyat vaqtinchalik bo'lib, asosan 4 xil: trofik, pigmentli, ekskretor, sekretor kiritmalar bo'ladi. Kraxmal (o'simlik hujayrasida), glikogen (hayvon hujayrasida), lipidlar, oqsillar ma'lum vaqt hujayra sitoplazmasida trofik (ozuqaviy) kiritmalar shaklida to'planadi. Gemoglobin (eritrotsitlarda), melanin (teri hujayralarida), xlorofill (barg eti hujayralarida), karotinoidlar pigment kiritmalar shaklida ma'lum vaqt hujayralarda to'planadi (*12, 13-rasm*). Ekskretor kiritmalari hujayralardan tashqariga chiqariladigan gormon, efirlar, fitonsidlar, alkaloidlar, nektar kabi moddalar kiritmalar shaklida saqlanadi. Hujayrani ehtiyoji, ayrim tuz kristallari kabi moddalar kiritmalar shaklida saqlanadi. Hujayrani ehtiyoji uchun sintezlangan moddalar ma'lum vaqt sekretor kiritmalar shaklida hujayra sitoplazmasida saqlanadi.

### Hujayra kiritmalarini va ularning funksiyasi




12-rasm. Hujayra kiritmalarini, ularning xillari va funksiyalari.


### O'simlik hujayrasi kiritmalarini



Hujayradagi kraxmal granulalari



Hujayradagi efir moylarga ega yirik vakuolalar.



Kalsiy oksalat kristallari (begoniya hujayralarida)


13-rasm. O'simlik hujayrasidagi kiritmalar.

Yuqorida ko'rinish turibdiki kiritmalar qattiq (granulyar), suyuq, efir va yarim suyuq holatda bo'lishi mumkin.


**Kiritmalar funksiyasi.** Kiritmalar asosan energetik (glikogen, kraxmal), trofik (lipid, oqsil, uglevod), gaz almashinuv (gemoglobin), fotosintez (xlorofill) vazifalarini bajaradi.

**Organoidlar.** Organoidlar (yunoncha organon – a'zo, eidos – o'xshagan so'zlaridan olingan) hujayraning ma'lum tuzilishga ega va har qaysisi o'ziga xos funksiyani bajarishga moslashgan doimiy tarkibiy qismidir. Murakkab tuzilgan organizmlarning har xil a'zolari – organlari bo'lgani kabi hujayralar ham o'z a'zolariga – organoidlariga ega. Organoidlar moddalarning tashilishi, energiya hamda moddalarning aylanishi, bo'linish, harakatlanish va shunga o'xhash hujayraning ko'pgina boshqa funksiyalarining amalga oshishini ta'minlaydi. Qanday hujayralarda uchrashiga qarab organoidlar umumiyligi va xususiyati, o'ziga xos organoidlarga bo'linadi. Umumiyligi organoidlarga mitoxondriya, Golji apparati, endoplazmatik to'r, lizosomalar, ribosomalar kiradi. O'simlik hujayralarda bulardan tashqari plastidalar ham uchraydi. Hayvon hujayralari uchun sentriolalar ham umumiyligi organoidlarga kiradi. Umumiyligi organoidlar deyarli hamma hujayralarda uchraganligi uchun ham shunday nom berilgan (14, 15-rasmlar).

Xususiy organoidlar esa faqat ayrim, xususiy funksiyalarni bajarishga moslashgan hujayralardagina uchraydi. Ularga misol qilib kiprikchalar (infuzoriyalar, nafas yo'llari hujayralarida),



14-rasmlar. Hayvon hujayrasи organoidlarining tuzilishi.



15-r a s m. O'simlik hujayrasining tuzilishi.

xivchinlar (spermatozoidda, evglenada), tonofibrillalar (epiteliy hujayralarda), neyrofibrillalar (nerv hujayralarda) va boshqa xususiy organoidlarni keltirish mumkin.

Organoidlar o'z tuzilishiga ko'ra bir membranalni (endoplazmatik to'r, Golji apparati, lizosoma), ikki membranalni (mitochondriya, plastida) va membranasiz (ribosomalar, sentriolalar) organoidlarga ajraladi.

### Nazorat savollari

1. Sitoplazmaning tarkibiy qismlariga nimalar kiradi?
2. Hujayrada sitoplazmaning asosiy vazifalarini izohlab bering.
3. Gialoplazma va uning asosiy vazifalarini aytинг.

4. Asosiy kirtmalar, ularning vazifalari va ahamiyatini tushuntiring.  
 5. Umumiy va xususiy organoidlar haqida ma'lumot bering.

## Mustaqil yechish uchun test savollari

### **1. Sitoplazmaning tarkibiy qismiga nimalar kiradi?**

1) membrana 2) gioloplazma 3) glikokaliks 4) organoidlar 5) hujayra qobig'i 6) kirtmalar

- A) 1, 4, 5; B) 2, 4, 6; C) 1, 5, 6; D) 2, 3, 5;

### **2. Gialoplazmaning funksiyalarini ko'rsating.**

A) hujayra membranasi, tola va mikrofiloelementlarning hosil bo'lishida ishtirok etadi

B) moddalarni bir joydan ikkinchi joyga ko'chishi gioloplazmada amalga oshadi

C) gialoplazmada glikoliz jarayoni kechadi, hujayraning osmos xususiyatini hosil bo'lishida ishtirok etadi

- D) barcha javoblar to'g'ri

### **3. Kirtmalar asosan necha xil bo'ladi?**

- A) 2 xil B) 3 xil C) 4 xil D) 5 xil

### **4. Trofik kirtmalarga misollar keltiring.**

- A) kraxmal, tuz kirtmalari B) glikogen, xlorofill

- C) gormonlar, melanin D) kraxmal, glikogen

### **5. Xususiy organoidlarni ko'rsating.**

- A) ribosomalar, sentriola B) kiprikchalar, tonofibrillalar

- C) neofibrillalar, sentriola D) vakuola, ribosoma

## 8-§. Membranasiz organoidlar

Membranasiz organiodlarga ribosoma, mikronaychalar, mikrofibrillalar va hujayra markazi kiradi.

**Sitoskeletni hosil qiluvchi organoidlar.** Sitoskelet (hujayra skeleti) mikronaycha va mikrofibrilla komponentlaridan tashkil topgan. Faqat eukariot hujayralarda uchraydi.

**Mikronaycha.** Mikronaycha yarim silindrsimon diametri 20–30 nm. Mikronaycha devorining qalinligi 6–8 nm. U 13 ta ipsimon oqsillardan iborat bo'lib, biri ikkinchisiga spiralsimon o'ralgan. Har bir ip ikkita  $\alpha$ - va  $\beta$ - tubulin oqsilidan iborat. Globulyar shakldagi tubulin oqsili endoplazmatik to'r membranasiga bog'langan ribosomalarda sintezlanadi va hujayra markazida spirallashib yig'iladi. Mikronaychalar hujayra strukturalari (hujayra markazi, xivchinlar va kiprikchalar) tarkibida yoki sitoplazmada erkin joylashadi. Erkin mikronaychalar tayanch,

hujayra devori va sitoskeletini tashkil etishda ishtirok etadi. Bundan tashqari pufakcha va boshqa hujayraviy tuzilmalarning harakatlanish yo'nalishini belgilaydi.

*Mikronaychalar funksiyasi.* Mikronaycha bo'linish dukini (urchug'i) hosil qilib, xromosomalarning mitoz va meyozda qutblarga ajralishini ta'minlaydi, sitoskeletni, hujayra qobig'ini hosil qilishda qatnashadi. Mikronaycha kiprikchalar, xivchinlar va sentriolalar tarkibiga ham kiradi. Mikronaychalar sitoskeletga tayanch va mustahkamlik beradi.

**Mikrofibrillalar.** Mikrofibrillalar bu oqsilli ip, qalinligi 4 nm. Aktin va miozin tolalarini hosil etuvchi mikrofiloelementlardir.

*Mikrofibrillalar funksiyasi.* Hujayra va uning qismlari harakatida, endo – ekzotsitozda, hayvon hujayrasi sitokinezi jarayonida, qisqaruvchi halqaning shakllanishida, hujayraning shaklini belgilashda qatnashadi. Muskul hujayrasi sitoplazmasida mikrofibrillalar mavjudligi tufayli muskul tolalari qisqaradi.

**Hujayraning harakatlanishida** kiprikchalar va xivchinlar kabi maxsus organoidlar qatnashadi. Ular bir hujayralilarda ham, ko'p hujayralilarda ham uchraydi. Xivchinlilar sinfiga kiruvchi bir hujayralilar, spermatozoidlar xivchinlari yordamida harakatlanadi. Infuzoriyalar sinfiga kiruvchi sodda hayvonlarda kiprikchalar harakat organidi hisoblanadi. Odamning nafas yo'llari epiteliy hujayralarida ham kiprikchalar mavjud. Bu kiprikchalar har xil yot narsalarni, masalan, chang zarralarini tutib qolishda va nafas yo'llaridan chiqarib yuborishda qatnashadi.

Ko'p hujayrali organizmlar va odamlarning muskul hujayralari sitoplazmasida maxsus organoid – miofibrillalar bo'lib, ular muskul tolalarining qisqarishini va natijada organizmning harakatlanishini ta'minlaydi.


Ba'zi sodda hayvonlar amyobalar va ko'p hujayralilarning qon hujayralari leykotsitlar, biriktiruvchi to'qimaning ayrim hujayralari va boshqa ko'pgina hujayralar sitoplazmaning o'simtalari soxta oyoqchalar yordamida harakatlanadi. Bunday harakatlanish *amyobasimon harakat* deb ataladi.

**Hujayra markazi.** Hujayra markazi asosan hayvon hujayralari-da uchraydigan membranasiz organoid, yadro yaqinida joylashganligi uchun sentrosoma (lotincha sentrum – markaz, soma – tanacha so'zlaridan olingan) deb ataladi. Sentrasoma ikkita sentrioladan iborat. Har bir sentriola bir-biriga to'g'ri burchak bo'lib joylashadi. Har bir sentriola silindrsimon tuzilgan va devori 9 ta

mikronaychalar kompleksi bilan o‘ralgan. Har bir mikronaycha kompleksi 3 ta mikronaychadan iborat. Jami 9 ta uchlik (triplet) aynan shunday joylashib, sentriolani hosil qiladi. Demak, har bir sentriola tarkibida 27 ta mikronaycha mavjud ( $9 \times 3 = 27$ ) (16-rasm).

**Funksiyasi:** bo‘linish dukining yo‘nalishini belgilash, xromosomalarining qutblanishini ta’minlash. Hujayraning bo‘linishida sentriolalar qarama-qarshi tomonga joylashadi va mikronaychalar bo‘linish dukini hosil qiladi. Anafazada mikronaychalar xromosomalar sentromerasi va organoidlar bilan birikib, ularni qutblarga tortadi. Tuban o‘simgiliklarda, suvo‘tlari, ba’zi zamburug‘lar va sodda hayvonlarda hujayra markazi aniqlanmagan. Yuksak o‘simgiliklardagi mikronaychalar tartibsiz, bir-biriga birikmagan va sentriolalarni hosil qilmaydi. Ularda bo‘linish urchug‘i sentriola ishtirokisiz amalga oshadi. Shunday bo‘lsa-da hujayra bo‘linayotganda xromosomalarini mikronaychalar tortadi. Bu jarayon fermentlar yordamida boradi. Interfazaning S – davrida sentriolalar ko‘payib oladi. G<sub>2</sub> – davrida esa tartibsiz mikronaychalar tarkibiga kiruvchi tubulin oqsili sintezlanadi. Shuning uchun sentriolalar o‘z-o‘zidan ko‘payadi deyiladi.

**Ribosoma.** Oqsil sintezini amalga oshiruvchi membranasiz organoid bo‘lib, eukariot va prokariotlarda ham uchraydi. Lekin prokariotlarning ribosomasi kichikligi va kimyoviy tuzilishi bilan eukariotlarnikidan farq qiladi. O‘lchami taxminan 20x30 nm; hujayrada bir qancha millionlab uchrashi mumkin. Ribosoma ikki-



16-rasm. Hujayra markazining joylashishi: A – hujayra markazi yadroni yaqinida joylashgan; B – sentriolaning sxematik tuzilishi; C – sentriolar ko‘ndalang kesigining yuqoridan ko‘rinishi.

ta – katta va kichik subbirlikdan iborat. Har bir subbirlik oqsillar bilan rRNK kompleksidan iborat.


Eukariot hujayralardagi ribosoma (80 – subbirlik) katta subbirlik (60 – S) va kichik subbirlik (40 – S) (lot. Sedimentum – qoldiq, cho’kma; S – ribosoma oqsillarining cho’kish koefitsienti) dan iborat. Prokaroit hujayrasidagi ribosoma (70 – S), katta subbirlik (50 – S) va kichik subbirlik (30 – S) dan iborat. Ribosoma oqsillari sitoplazmadan yadroga poralari orqali kiradi. Yadrochada rRNK va oqsil kompleksidan ribosomalar shakllanadi va yadro membranasining teshiklari orqali sitoplazmaga o’tib, translatsiya (oqsil sintezi) jarayonida i-RNK yordamida birlashadi.

**Ribosomaning funksiyasi.** Ribosomaning asosiy funksiyasi informatsion RNK kodi asosida, transport RNK yordamida oqsillarni aminokislota molekulalaridan yig‘adi, sintez qiladi. Yadrodan sitoplazmaga chiqqan ribosoma endoplazmatik to‘r membranasining tashqi tomoniga va yadroning tashqi membranasiga bog‘lanishi (bog‘langan ribosomalar), sitoplazmada yakka holda (erkin ribosomalar) yoki bir qancha guruhchalar (poliribosoma) holida bo‘lishi mumkin. Erkin ribosomalarda hujayra o‘z faoliyati uchun zarur oqsillar sintezlanadi (masalan trofik oziq kiritmalari oqsillari), biriktirilgan ribosomalarda asosan hujayradan tashqariga chiqariladigan (turli oqsil tabiatli gormonlar) va hujayraning qurilishi uchun kerak bo‘lgan oqsillar sintezlanadi. Ribosomaning kichik subbirligining funksiyasi i-RNKn biriktirish bo‘lsa, katta subbirlikning funksiyasi polipeptid zanjirni sintezlashdir (*17-rasm*). Ribosomaning katta subbirligida ikkita faol qism P – peptidil va A – aminoatsil qismlari mavjud. A – (aminoatsil) qismiga aminokislotani o‘ziga biriktirgan transport RNK birikadi, so‘ng u P – (peptidil) qismiga o‘tadi, shunda aminokislota o‘zidan oldingi aminokislotaga peptid bog‘i bilan birikadi. Demak, ribosoma aminoatsil qismiga aminokislotalar birikadi, peptidil qismida aminokislotalar bir-biri bilan peptid zanjirini hosil qiladi. Mitoxondriya va plastidalarda ham ribosomalar mavjud, lekin ular sitoplazma ribosomalaridan kichikroq, ko‘proq prokariot ribosomalariga o‘xshash.

### Nazorat savollari

1. Hujayraning membranasiz organoidlariga qaysi organoidlarni misol qilishimiz mumkin?
2. Hujayra markazining tuzilishi va va uning funksiyalarini izohlang.

### Ribosomaning tuzilish modeli



Yadrochada rRNK va oqsil kompleksidan shakllangan subbirliklar yadro membranasining poralari orqali sitoplazmaga o'tib, translyatsiya jarayonida iRNK yordamida birlashadi.


#### Ribosoma

**Kichik subbirlik**  
Bitta katta va bitta yoki ikkita kichik rRNK molekulariga ega. | Funksiyasi: iRNKnii birikish



rRNK va 50 ga yaqin oqsillardan tashkil topgan membranasiz organoid

**Katta subbirlik**  
Bitta uzun zanjirli rRNK molekulasiiga ega. Funksiyasi: polipeptid zanjirni sintezlash



### 17-r a s m. Ribosomaning tuzilishi.

3. Mikrofibrillalar, mikronaychalar va sentriolaning tuzilishi, funksiyalari izohlang.
4. Ribosomalar tuzilishi va funksiyasini aytинг.
5. Prokariot va eukariot hujayralarning ribosomalari tuzilishida qanday farqlar va o'xshashliklar bor?

### Mustaqil yechish uchun test savollari

#### 1. O'z-o'zidan ko'paya oladigan organoidni aniqlang.

- A) sentriola B) hujayra markazi C) ribosoma D) mikrofibrillalar

#### 2. Sitoskeletni hosil qiluvchi organoidlarni belgilang.

- A) sitoplazma, mikronaychalar B) mikrofibridlar, endoplazmatik to'r  
C) mikrofibrilla, mikronaychalar D) kiprikchalar, xivchinlar

#### 3. ..... aktin va miozin oqsillaridan iborat.

- A) mikrofibrillalar B) mikronaychalar C) hujayra markazi D) sentrosfera

#### 4. Hujayra markazi qanday jarayonlarda ishtirok etadi?

- A) hujayraning bo'linishida B) fagotsitozda C) pinotsitozda D) hujayra devorining tuzilishida

#### 5. Mitoxondriya va plastidalardagi ribosomalar sitoplazmadagi ribosomalardan qanday farq qiladi?


- A) kichikroq bo'ladi B) kattaroq bo'ladi  
C) piptid bog'lar hosil qilmaydi D) farqi yo'q

## 9-§. Bir membranali organoidlar

**Endoplazmatik to‘r.** 1945-yilda Keyt Robert Porter tomonidan kashf qilingan va Rumin—Amerika biologi Dj. Palade 1974-yilda o‘rganib, Nobel mukofotini oldi. Endoplazmatik to‘r bir membranali bir-biri bilan bog‘langan yassilangan bo‘sqliq, naycha, kanalcha, pufakchalar sistemasidan iborat organoid. Kanalchalar bir necha taxlamlarni hosil qiladi. Endoplazmatik to‘rning bo‘sqliqlari sitoplazmaning 30–50% ni tashkil qiladi. Endoplazmatik to‘rning ichki qismi (bo‘sqliqlari)da fermentlar mavjud. Kanalcha va sister-nalar shoxlanib hujayraning hamma organoidlarini bir-biri bilan bog‘laydi, hujayra va sitoplazmani tashqi muhit bilan bog‘laydi, hujayra ehtiyoji uchun sarflanadigan yoki kiritma shaklida saqlanadigan moddalarni turli organoidlarga yetkazib beradi. Ko‘pgina moddalar endoplazmatik to‘rda sintezlanadi. So‘ngra sintezlangan moddalar Golji apparatiga jo‘natiladi. Endoplazmatik to‘r membranasida birlamchi sintez amalga oshadi. Endoplazmatik to‘r silliq va donador (granulyar) bo‘ladi.

**Donador endoplazmatik to‘r.** Donador endoplazmatik to‘r membranasining tashqarisiga ribosomalar bog‘langan bo‘ladi. Ribosomalar donador endoplazmatik to‘r membranasining tashqi tomonida alohida-alohida joylashgan yoki guruhashgan shaklda joylashadi (*18-rasm*). *Funksiyasi.* Donador endoplazmatik to‘r oqsil sintezida qatnashadi va sintezlangan oqsillarni Golji kompleksiga yetkazib beradi. Asosan hujayradan tashqariga chiqariladigan oqsillar sintezlanadi. Donador endoplazmatik to‘r membranasiga birikkan ribosomalarda sintezlangan oqsillar Golji kompleksiga o‘tadi va hujayradan tashqariga chiqariladi yoki hujayra membranasi, organoidlari tarkibiga qo‘shiladi.

**Silliq endoplazmatik to‘r.** Silliq endoplazmatik to‘r tashqi membranasida ribosoma birikmagan, shuning uchun silliq endoplazmatik to‘r deyiladi. Silliq endoplazmatik to‘r oqsil sintezida qatnashmaydi. Uning ichki qismida uglevodlar, yog‘lar, fosfolipidlar va yog‘ gormonlari sintezida ishtirok etuvchi fermentlar mavjud. Silliq endoplazmatik to‘r sintezlangan moddalarni Golji kompleksiga transport qiladi, membrananing boshlang‘ich shakllanishida ishtirok etadi. Bundan tashqari silliq endoplazmatik to‘r zaharli moddalarni zararsizlantiradi. Jigar hujayralarida silliq endoplazmatik to‘rning miqdori ko‘p. Mushak hujayralarida silliq endoplazmatik to‘r mushak tolalarining qisqarishida qatnashadi. Jigar




18-r a s m. Donador endoplazmatik to'rning tuzilishi

hujayralarida, o'simlik urug'larida yaxshi rivojlangan. Silliq endoplazmatik to'rda glikogen va xolesterin sintezlanishi ham ta'kidlanmoqda. Silliq endoplazmatik to'r kalsiy ionlari deposi va skelet muskullari va yurak hujayralarini qisqarishini ta'minlaydi.

**Golji kompleksi (apparati).** 1898-yil italyan histolog olimi Kamilo Golji tomonidan nerv hujayrasida aniqlangan va bu kashfiyat uchun 1906-yilda u Nobel mukofotiga sazovor bo'ldi. Golji kompleksi yadro yaqinida joylashadi va maxsus bo'yoq bilan bo'yalib, yorug'lik mikroskopida qaralsa, to'rsimon ko'rinishda bo'ladi. Silliq bir membranalı yassilangan bo'shliqlar (sisterna – qopchalar), yirik vakuolalar, mayda pufakchalardan tuzilgan. Sisterna oxiri kengaygan bo'lib, u yerdan membranaga o'ralgan turli moddalarni tutgan pufakcha va vakuolalar ajraladi. Golji kompleksining bo'shliqlari endoplazmatik to'r kanallari bilan tutashgan. Endoplazmatik to'rda sintezlangan moddalar pufakchaga o'ralib, Golji apparatiga o'tadi. Golji kompleksida donador endoplazmatik to'rdan kelgan oqsillar, silliq endoplazmatik to'rdan kelgan uglevodlar va lipidlar bilan birga bog'lanib, murakkab glikoproteinlar, lipoproteinlar, fosfolipidlar kabi moddalar hosil bo'ladi. Ushbu moddalar pufakchaga o'ralib, sitoplazmaga chiqariladi. Pufakchalar hujayra membranasi tomonga borib, hujayra membranasining tar-


kibiga kirishi mumkin (glikoproteinlar) yoki hujayradan tashqariga chiqib ketishi mumkin (insulin gormoni), hujayra kiritmalari sifatida saqlanishi (zein, kazein, albumin va h.k.) va boshqa holatlarda bo'lishi mumkin. Ribosomada sintezlangan oqsillar birlamchi strukturada (sodda) bo'ladi, Golji kompleksida 2, 3, va hatto 4- (murakkab) struktura holatiga keladi. Donador endoplazmatik to'rdan kelgan fermentlar golji kompleksida membranaga o'ralib, birlamchi lizosomalarni hosil qiladi: (*19-rasm*). Demak, Golji kompleksida endoplazmatik to'rdan sintezlanib kelgan oqsillar, lipid va uglevodlar ma'lum shaklga keltiriladi, konsentrланади va hujayra ning kerakli joyiga jo'natiladi. Bundan tashqari Golji kompleksidan birlamchi lizosomalar shakllanadi. Hujayra qismlari shu jumladan hujayra membranasining shakllanishida va tiklanishida Golji kompleksining o'rni katta.

**Lizosomalar** (yunoncha «lizeo» – eritaman, «soma» – tana) hayvon va zamburug' hujayrasida uchraydigan, hujayraning hazm qiluvchi bir membranali organoidi. Moddalarni fermentlar yordamida parchalanishi lizis deyilganligi uchun ushbu organoid lizosoma deyilgan. Diametri 0,4–1 mkm bo'lib, o'simlik hujayrasida aniqlanmagan. Lizosomaning 50 ga yaqin fermentlari donador endoplazmatik to'rning tashqi membranalariga birikkan ribosomalarda sintezlanadi va sintezlangan fermentlar donador endoplazmatik to'r kanallari orqali Golji kompleksiga yetkazilib beriladi. Lizosoma fermentlariga proteaza, lipaza, fosfolipaza, nukleaza,



*19-rasm. Golji kompleksi oqsilni ekspretsiya qilishi.*

glikozidaza, fosfatazalarni misol qilishimiz mumkin. Aynan fosfataza lizosomaga kuchsiz kislotalilik xususiyatini beradi (pH 3,5–5,0). Golji kompleksida fermentlar pufakcha shaklida membrana bilan o'raladi va sitoplazmaga chiqariladi. Sitoplazmaga chiqarilgan lizosomalar birlamchi lizosomalar deyiladi va fermentlari noaktiv bo'ladi. Ushbu fermentlar lipidlar, oqsillar, uglevodlar va nuklein kislotalarni parchalash vazifasini bajaradi. Birlamchi lizosoma pinotsitoz yoki fagotsitoz vakuolalari bilan qo'shiladi va fermentlari aktivlashib ikkilamchi lizosomaga aylanadi. Ikkilamchi lizosomalar *geterolizosoma* yoki *autolizosoma* aylanadi (*20-rasm*). Geterolizosoma endotsitoz jarayonida hujayraga kirgan moddalarning parchalanishini ta'minlaydi. So'ngra hazm vakuolasi hosil bo'lib, u yerda hazm jarayoni boshlanadi. Lizosoma polimerlarni monomerlargacha parchalaydi. Parchalangan mahsulotlar masalan monosaxaridlar, yog' kislotalari, aminokislotalar va nukleotidlар sitoplazmaga o'tadi va hujayraning hayot faoliyati uchun sarflanadi. Hayot jarayonida hujayraning qismlari yangilanib turadi. Eskirgan hujayra qismlari yoki butun hujayralar autolizosomalar, lizosomalar yordamida parchalanadi (*bu jarayon avtoliz deyildi*). Lizosoma hujayra tarkibiy qismlari (makromolekulalar, zaxira



*20-rasm.* Lizosoma va uning vazifasi.

moddalar, organoidlar) ning parchalanishini ta'minlaydi. Masalan, itbaliqning dumining yo'qolishi lizosomalar ishtirokida boradi. Lizosomalarning bir turi, *pereoksisomani* tarkibida pereoksidaza fermenti bo'lib, hujayrada kislotali reaksiyalar natijasida paydo bo'ladigan, hujayra uchun toksik vodorod pereoksidni parchalaydi, etanolni va ko'pgina toksik birikmalarni neytrallaydi. Pereoksisoma jigar va buyrak hujayralarida ko'plab bo'lib, siyidik kislota va har xil zaharli moddalarni neytrallaydi. Pereoksisoma lipidlar, xolesterin va purinlar almashinuvida ham qatnashadi.

**Vakuola.** O'simlik hujayralari va hayvon hujayralarida mavjud vaqtinchalik yoki doimiy, 1 ta membrana bilan o'ralgan bo'ladi. Hayvon hujayrasida hosil bo'lishi va funksiyasiga ko'ra vakuola qisqaruvchi, hazm qiluvchi turlarga bo'linadi.

*Qisqaruvchi vakuola.* Chuchuk suv sodda hayvon hujayralariga xos. Amyoba, yashil evglena, tufelka va boshqa shu kabi sodda hayvonlarda mavjud. *Funksiyasi:* Sitoplazma ichida moddalar almashinushi mahsulotlari, qoldiq mahsulotlari va ortiqcha suv qisqaruvchi vakuolaga yig'ilib tashqariga chiqariladi.

*Hazm vakuolasi.* Hayvon hujayrasiga tashqaridan kirgan oziq moddalar atrofida hazm vakuolasi hosil bo'ladi. Hazm vakuolasi ichida oziq moddalar parchalanadi. Tashqaridan kirgan oziq modda qattiq yoki suyuq holatda bo'lishi mumkin. Qattiq holda bo'lsa *fagotsitar* vakuola hosil bo'ladi. Agar suyuq holda bo'lsa *pinotsitar* vakuola hosil bo'ladi. Hujayrada zaxira sifatida saqlangan kiritmalar yoki hujayra qismlari hazm vakuolasi parchalanadi. Hayvon hujayralarida hazm vakuolasi vaqtinchalik bo'ladi.

O'simlik hujayrasida vakuola doimiy bo'lib, gazli yoki suyuq va qattiq moddalarni zaxiralagan vakuolalar bo'ladi. Yosh hujayrada bir nechta mayda vakuolalar bo'lib, hujayraning yetilishi jarayonida ular birlashib, bitta markaziy vakuolani hosil qiladi. *Funksiyasi:* hujayra devorining tarangligini (turgorligini) ta'minlaydi, hujayradan tashqariga chiqariladigan moddalarni zaxiralash vazifasini bajaradi. O'simlik hujayralaridagi vakuola ichida organik va anorganik moddalar to'planadi. Bu hujayraning konsentratsiyasini oshiradi. Natijada hujayraning so'rish kuchi ortadi (osmos) va hujayra ichida suyuqlik ortib, hujayra taranglashadi. Gazli vakuo-lalar ildiz hujayralarida, ko'proq suvda o'sadigan o'simliklarning ildiz hujayralarida (masalan sholi ildizida) uchraydi. Ushbu gazli vakuoladagi gazlardan ildiz hujayralari nafas oladi.

## Nazorat savollari

1. Endoplazmatik to‘rning tuzilishi va funksiyalarini aytинг.
2. Golji apparatining tuzilishi va funksiyalari haqida gapiring.
3. Lizosomaning tuzilishi, hosil bo‘lishi, turlari va funksiyalarini izohlang.
4. Vakuolalarning tuzilishi, turlari va funksiyalarini aytинг.
5. Endoplazmatik to‘r va Golji apparati o‘rtasida qanday bog‘lanish mavjud?
6. O‘simlik hujayrasida va hayvon hujayrasidagi vakuolalarning qanday farqlari bor?

## Mustaqil yechish uchun test savollari

### **1. Hujayra plazmatik membranasining yangilanib turishi va o‘sishi qaysi organoid faoliyati bilan bog‘liqligini belgilang?**

- A) endoplazmatik to‘r B) lizosoma C) Golji apparati D) yadro  
**2. Hujayraning osmotik xususiyatlari ..... bog‘liq**

A) lizosomaga B) vakuolaga C) gioloplazmaga D) B va C javoblar

### **3. Lizaromalar qaysi organoidda shakllanishini belgilang?**

- A) sitoplazma B) silliq endoplazmatik to‘r C) Golji apparati D) yadro

### **4. Quyida berilgan hujayraning qismlari qanday vazifani bajaradi?**

- 1) mikrofibrilla 2) golji apparati 3) mikronaycha. 4) ribosoma  
 a) oqsil sintezlash. b) hujayra shaklini belgilash. c) plazmatik membranani yangilash. d) xromosomalarning qutblarga tarqalishini ta’minlash

A) 1-a; 2-d ; 3-b; 4-c B) 1-b ; 2-d; 3- c ; 4-a C) 1-b; 2-c; 3-d; 4-a

D) 1-c; 2-b; 3-a; 4-d

### **5. Hazm vakuolalari qanday hosil bo‘ladi?**

A) fagotsitoz vakuola va ikkilamchi lizosomadan

B) pinotsitoz vakuola va birlamchi lizosomadan

C) qisqaruvchi vakuola va birlamchi lizosomadan

D) qisqaruvchi vakuola va ikkilamchi lizosomadan

## 10-§. Ikki membranalı organoidlar

**Mitoxondriya.** Mitoxondriya (yunoncha mitos – ip, xondros – donacha so‘zlaridan olingan), eukariot hujayralar uchun universal organoid bo‘lib, uzunligi 0,2 mkm.dan 15–20 mkm gacha boradi. 1894-yilda nemis anatom va histolog olimi Rixard Altman aniqladi, 1897-yilda nemis histolog olimi Karl Benda uni mitoxondriya deb nomladi. Elektron mikroskopda qaralganda yumoloq, yassi, silindrsimon va cho‘zinchoq ipsimon shaklda bo‘lib, bir qancha hujayralarda o‘z shaklini o‘zgartirib turadi. Mitoxondriya ikki membranalı bo‘lib, tashqi membrana silliq, yirik

poralarga ega va ADF, fosfat, pirouzum kislotalarni o'tkaza oladi. Ichki membrana burma – *kristalarni* hosil qiladi. (Krista – yunoncha – qirra, xo'roz toji ma'nolarini beradi). Ichki membranaga oksidlanish – qaytarilish fermentlari birikkan bo'lib, hujayraviy nafas olish reaksiyalarni ta'minlaydi. Aynan kristalar mitoxondriya ichki sathini kengaytiradi va shu hisobiga eukariot hujayralarda moddalar almashinuvida energiya ko'p hosil bo'ladi. Kristalar orasidagi ichki bo'shliq mitoxondriya *matriksi* deyiladi.


Mitoxondriya o'lchami va miqdori hujayraning aktivligi va funksiyasiga bog'liq. Hujayra qanchalik aktiv bo'lsa, shunchalik kristalar soni ko'p bo'ladi. Qolaversa, har xil to'qima hujayralarida mitoxondriyalar soni turlicha bo'ladi. Energiya sarfi yuqori bo'lgan mushak hujayralarida mitoxondriyalar soni juda ko'p bo'ladi (21, 22-rasmlar). Masalan, jigar hujayralarida 2500 tagacha, limfotsitlarda esa 25–50 tagacha, kardiomiotsit va mushak hujayralaridagi mitoxondriyalar yirikroq, spermatazoidlardagi mitoxondriyalarning kristalari ko'p bo'ladi. Mitoxondriya matriksida fermentlar, dezok-siribonuklein kislota (DNK), ribonuklein kislota (RNK) va ribosomalar mavjud. Matriksda granulyar shaklida kalsiy, kaliy va mag-niy tuzlari ham mavjud. Mitoxondriya DNK, RNK va ribosomasi prokaroitlarnikiga o'xshash bo'lib, DNKsi halqasimon bo'ladi va butun hujayradagi DNKnинг 2%ni tashkil qiladi. Mitoxondriyaning DNK, RNKsi bo'lgani uchun o'zi uchun kerakli oqsillar sintezlanadi, lekin hammasini ham sintezlay olmaydi. Ma'lum oqsillarni yadrodagи DНK kodlaydi, so'ng ribosomalarda sintezlanib sitoplazmadan mitoxondriyaga kiradi. Shuning uchun ham mitoxondriya *yarim avtonom organoid* hisoblanadi. Mitoxondriyalar avval mavjud bo'lgan mitoxondriyalarning bo'linisi natijasida hosil bo'ladi. Ya'ni ular avtonom (mustaqil) ko'payadi.

**Mitoxondriyaning vazifasi.** Mitoxondriyaning asosiy vazifasi energiya hosil qilish (hujayradagi jami energiyaning 95 % ni mitoxondriya hosil qiladi). Mitoxondriyada energiyaning manbayi – uglevodlarning kislorodli aerob sharoitda oksidlanishidir. Sito-plazmada glikoliz (glyukozaning kislorodsiz parchalanishi) natijasida 1 mol glyukozadan 2 mol pirouzum kislota hosil bo'ladi.


Pirouzum kislota (eukariotlarda) mitoxondriya matriksiga kirib, kislorod bilan oksidlanib karbonat angidrid va suvgacha parchalanadi. Natijada energiyaga boy bo'lgan adenozin trifosfat kislota (36 molekula ATF) sintezlanadi. Bu reaksiyalarga yog' kislotalari va aminokislotalar ham qo'shilib energiya hosil qilishi

mumkin yoki boshqa moddalarga aylanishi mumkin (uglevodlar yoki oqsillardan yog'larni sintezlanishi va teri ostida to'planishi). Mitoxondriya faoliyati tufayli energiyaga boy bo'lgan ATF to'planadi. To'plangan kimyoviy bog' shaklidagi energiya ATF hujayraning turli funksiyalariga sarflanadi. Mitoxondriyaning ayrim yog'simon gormonlar, lipidlarning sintezida ham qatnashishi mumkinligi ta'kidlanmoqda.

**Plastidalar.** O'simlik hujayralariga xos bo'lib, ularning kattaligi 4–6 mkm bo'ladi (Plastidos—hosil qiluvchi, yaratuvchi



21-r a s m. Mitoxondriyaning strukturasi va xossalari.




22-r a s m. Mitoxondriyaning tuzilishi TM – tashqi membrana, IM – ichki membrana, K – krista, Ma – matriks, R – ribosoma, D NK – dezoksiribonuklein kislota.


so‘zidan olingan). Plastidalar shakli, tuzilishi, o‘lchami, funksiyalariga ko‘ra har xil bo‘ladi. Rangiga ko‘ra plastidalarning uchta turi mavjud: yashil *xloroplastlar*, qizil, sariq, to‘q sariq *xromoplastlar*, rangsiz *leykoplastlar*. 1876-yilda A. Levenguk plastidalarni kashf qilgan va 1882-yilda Shilter plastidalarni «xloro» yunoncha xloros – yashil, «xromo», leyko» plastlar deb, ta’riflab bergen. Xloroplast shakli tuxumsimon, sferik, disksimon bo‘ladi. Xloroplastlar yuksak o‘simliklarda duksimon bo‘lib, suvo‘tlarda tayoqchasimon bo‘ladi. Xloroplastlarda xlorofill donachalari bo‘ladi. Xlorofillning a – ko‘k-yashil (70%), b – sariq yashil (30%), c, d, e – xillari, karotinoidlar ham mavjud bo‘ladi. Xloroplastlar mustaqil (avtonom) ko‘payadi. 1791-yilda Komparetti bitta hujayrada 1–30 ta xloroplast bo‘lishini aniqladi. Plastidalar mitoxondriyalarga o‘xshab o‘zi oqsil sintezlay oladi, mustaqil holda ko‘paya oladi. Xloroplastlarda fotosintez jarayoni amalga oshadi. Leykoplastlar shakli yumaloq, urchiqsimon bo‘lib, tilakoidlari kam sonli va matriksida DNK bor. Leykoplastlar o‘zida kraxmal saqlaydi, ya’ni leykoplastlar oziq moddalarni to‘playdi. Masalan, kartoshka tugunagida kraxmalni to‘plashda ishtirok etadi. Yorug‘lik ta’sirida xloroplastlarga aylana oladi. Leykoplastlarda fotosintez amalga oshishi uchun strukturaviy tuzilishi o‘zgarishi kerak. Xromoplastlar shakli yumaloq, ko‘pqirrali, o‘zida karotinoidlarni saqlaydi. U gul, meva, urug‘ va poyalarning rangli bo‘lishini ta’minlaydi. Xromoplastda qo‘ng‘ir rang beruvchi karotin, sariq rang beruvchi ksantofillar bo‘ladi. Rivojlanish davomida plastidalar bir-biriga aylanishi mumkin.

**Xloroplastlar.** Yashil rangli, ikki qavat membrana bilan o‘ralgan plastidaning bir turi. Xloroplastlarning ichki membranasiga silliq, mitoxondriya ichki membranasiga o‘xshab, kristalarni hosil qilmaydi. Ichki qismi bo‘shliq *stroma* deyiladi. Unda juda ko‘p fermentlar, ribosomalar, dezoksiribonuklein (DNK) va ribonuklein (RNK) kislotalar bo‘ladi. Plastida va mitoxonriyalar DNKsi prokariotlarnikiga o‘xshab, halqasimon qo‘sh zanjirli bo‘ladi (23-, 24-rasmlar). RNKsi va ribosomasi ham prokariotlarnikiga o‘xshash. Demak, plastidalar ham mitoxondriya kabi o‘ziga kerakli oqsillarning ayrimlarini o‘zi sintezlay oladi va o‘zi oddiy bo‘linish yo‘li bilan ko‘paya oladi. Shuning uchun plastida ham yarim avtonom organoiddir. Xloroplast stromasida oqsil va lipid qavatli membrana bilan o‘ralgan *tilakoidlar* mavjud bo‘lib, ular stromada bir qancha bir-biri bilan taxlangan tangalar shaklida ustma-ust joy-

lashadi. Tilakoidlar yig'ilmasi *granalar* deb ataladi. Granalar ya'ni tilakoidlar to'plamlari xloroplastda bir qancha bo'lib, ular oqsil ipchalari yordamida bir-birlari bilan bog'langan bo'ladi. Xloroplastning asosiy elementar birligi tilakoidlar, chunki ularda xlorofill (yunoncha fillon – barg) donachalari joylashgan. Aynan shu tilakoidlarda fotosintezning yorug'lik reaksiyalari amalga oshadi. (yunoncha fotos – yorug'lik va sintezi – bog'lanish) Yorug'sevlar o'simliklarning bargning ustinsimon hujayralarida 40 ga yaqin xloroplast va har bir xloroplast donachalarida 50 ga yaqin xlorofill mavjud bo'ladi. Xloroplast bo'shilg'i – stromada fotosintezning qorong'ilik bosqichi amalga oshadi. Karbonat angidirid va suvdan yorug'lik nuri yordamida ( $6\text{CO}_2 + 6\text{H}_2\text{O} \rightarrow \text{C}_6\text{H}_{12}\text{O}_6 + 3\text{O}_2 \rightarrow Q = 673,9 \text{ kkal}$ ) glyukoza sintezlanadi.



23-r a s m. Xloroplastning tuzilishi.



24-r a s m. Xloroplastning moduli.

## Nazorat savollari

1. Mitoxondriya tuzilishi va funksiyasini aytib bering.
2. Plastidalarning qanday turlari bor va o‘ziga xos tomonlari nimada?
3. Xloroplastning tuzilishi va funksiyasini aytинг.
4. Mitoxondriya va xloroplastlarning qanday o‘xhashligi va farqlari bor?
5. Eukariot hujayrasidagi mitoxondriya va plastidalarni, prokariot hujayrasidagi mezosoma va lemella bilan taqqoslang. Ular o‘rtasida qanday o‘xhashlik va farqlar mavjud?
6. Mitoxondriya va plastidalarning ahamiyatini aytинг.

## Mustaqil yechish uchun test savollari

- 1. Hujayralardagi mitaxondriyalar soni nimaga bog‘liq?**  
A) hujayraning o‘lchamiga B) organizmning katta-kichikligiga  
C) hujayra organoidlariga D) hujayraning aktivligiga
- 2. Shakli, tuzilishi, o‘lchami va funksiyalariga ko‘ra xilma-xil bo‘lgan hujayra organoidini belgilang?**  
A) mitoxondriya B) Golji apparati C) lizosoma D) ribosoma E) plasta
- 3. Nima uchun mitoxondriya va xloroplast yarim avtonom organoid hisoblanadi?**  
A) o‘ziga kerakli oqsillarning ayrimlarini o‘zi sintezlab, ba’zilarini sitoplazmadan olgani uchun  
B) ularning ichki qismida krista va tilakoidlar bo‘lgani uchun  
C) ularda ATF sintezlanganligi uchun D) ularning qirra va tilakoidlarida turli xil fermentlar joylashganligi uchun
- 4. Mitoxondriyada energiyaning manbayı.....**  
A) uglevodlarning kislородsиз oksidланishi B) uglevodlarning kislородли oksidланishi C) lipidlarning kislородsиз oksidланishi  
D) lipidlarning kislородли oksidланishi
- 5. Xloroplastning mitoxondriyalardan asosiy farqi nimada?**  
A) ularning ichki membranasi kristalarni hosil qilmaydi  
B) ularning ichki membranasi kristalarni hosil qiladi  
C) ularning ichki qismida yashil rang pigmentlari bo‘ladi D) A, C

## 11-§. Yadro va uning tarkibiy qismlari, funksiyalari

Yadro faqat eukariot hujayralarda shakllangan. Prokariotlarda ham yadro strukturalari bor, lekin alohida membrana bilan o‘ralman gan. Yadroning shakli hujayra shakliga bog‘liq bo‘lib, ko‘pgina hujayralarda sharsimon, ovalsimon bo‘ladi. Yadroning o‘lchami 3 mkm dan to 25 mkm gacha bo‘ladi. Aksariyat yadrolarda yadrocha

bo‘ladi. Ko‘pgina hujayralar bir yadroli, ayrim hujayralar, masalan neyronlar, jigar hujayralari, kardiomiotsitlar ikki yadroli bo‘ladi.

Yadro quyidagi asosiy funksiyalarni bajaradi: 1) irsiy axborotni saqlash va ko‘paytirish; 2) hujayradagi moddalar almashinuvini idora qilish.


Interfaza holatidagi (hujayra bo‘linmagan vaqtida) hujayraning yadrosi quyidagi tarkibiy qismlardan tashkil topadi: 1) yadro qobig‘i; 2) yadro shirasi; 3) xromosomalar; 4) yadrocha.

Yadro qobig‘i ikki qavatli membranadan tashkil topgan bo‘lib, yadro ichki muhitini, karioplazma (yadro ichi suyuqligi) ni sitoplazmadan ajratib turadi. Bu esa sitoplazma va karioplazma o‘rtasidagi kimyoviy farqni vujudga keltiradi. Yadroning tashqi membranasiga endoplazmatik to‘r birikkan. Yadro tashqi membranasining sitoplazma tomonidan ko‘pgina ribosomalar bilan qoplangan. Tashqi va ichki membranalar orasidagi bo‘shliq mavjud. Yadro membranasida bir qancha teshiklar bo‘lib, ular doimiy emas. Yadro teshiklari orqali yuqori molekulyar modda (RNK, nukleotid, ribosoma, ferment) lar o‘ta oladi. Teshiklarning joylashishi va miqdori hujayraning faollik darajasiga bog‘liq ravishda o‘zgarib turadi. Yadrodan teshiklar orqali sitoplazmaga har xil RNKlar chiqadi. Moddalar sitoplazmadan yadroni ichiga teshiklar orqali va yadro membranasining ichkariga botib kirishi yo‘li bilan amalga oshadi.

Yadro ichki muhitiga *karioplazma* – yadro shirasi, xromatin va bitta yoki bir nechta yadrocha kiradi. Karioplazma tarkibida oqsillar, fermentlar, nukleotidlar, aminokislotalar va boshqa moddalar bo‘ladi. Odatda karioplazma sitoplazmaga nisbatan biroz kislotalilikni namoyon qiladi.

Yadro irsiy axborotni saqlash va nasldan naslga o‘tkazish, hujayradagi moddalar almashinuvini idora qilish vazifasini bajaradi.

**Xromosoma va yadrocha.** Eukariot hujayralarda xromosoma yadro ichida joylashib, sitoplazmadan ajralgan. Xromosoma DNK molekulalaridan iborat va DNK gistonli oqsillarga o‘ralgan holatda bo‘ladi. Har bir gistonli oqsil va DNK zanjiri birgalikda *nukleosomani* tashkil qiladi. Bir qancha nukleosoma to‘plami *xromatin* (yunoncha chroma – bo‘yoq)ni tashkil qiladi. Hujayra interfaza (hujayra bo‘linmayotgan) holatida, xromosomalar gistonli oqsillar bilan birikkan holda bo‘lib, xromatinni hosil qiladi. (*25-rasm*). To‘qimalarni fiksatsiya qilib xromosomalar maxsus bo‘yoqlar bilan bo‘yalganda, xromosomaning har xil qismlari bir xil bo‘yalmaydi.




### 25-r a s m. Xromosomalarning tuzilishi va shakllanishi.

Xromosomalarning to‘q bo‘yalgan, spirallashgan qismi *geteroxromatin* deyiladi va faolligi juda sust bo‘ladi. Xromosomaning yaxshi bo‘yalmaydigan qismi *euxromatin* deyiladi, ular spirallari yoyilgan qismlar bo‘lib, faol faoliyatdagi genlardan tashkil topgанини ko‘rish mumkin.

Xromosomalar bo‘linayotgan hujayralarda, ayniqsa, mitozning metafazasida yaxshi ko‘rinadi. Bunday xromosomalar ikkita yelkadan iborat bo‘lib, ularning o‘rtasida birlamchi belbog‘ (sentromera) joylashadi. Asosan uch xil tipdagi xromosomalar farqlanadi: 1) teng yelkali – metatsentrik; 2) noteng yelkali – submetatsentrik (bitta yelkasi ikkinchisidan uzunroq); 3) tayoqchasimon – akrotsentrik (bitta yelkasi juda uzun, ikkinchisi juda kalta). Xromosomalarning shakli aynan sentromeraga bog‘liq. Xromosomada birlamchi belbog‘dan tashqari ikkilamchi belbog‘ ham bo‘ladi. Xromosomaning ikkilamchi belbog‘i yo‘ldosh xromosomani hosil qiladi. Hujayra bo‘linayotgan vaqtida xromosomaning birlamchi sentromerasiga mikronaycha yopishadi va qutblarga tortadi (26-rasm). Har bir xromosoma ikkita *xromatidalardan* iborat.

Har bir o‘simlik yoki hayvon turining hujayralarida xromosomalar soni o‘zgarmas bo‘ladi.

Masalan askaridada 2 ta, drozofila hujayralarida 8 ta, odam



### 26-r a s m. Xromosomalarni shakllari.

hujayralarda 46 ta, tuzilishi bir munka sodda bo'lgan zog'ora baliqda 104 ta xromosoma bo'ladi. Bu xromosomalarni sonining *doimiylik qoidasi* deyiladi (2-jadval). Hujayradagi xromosomalarni

2-j a d v a l.

### Ba'zi turlarning xromosomalari soni

Turning nomi	Somatik hujayralardagi xromosomalarning diploid soni
Bezgak plazmodiysi	2 ta
Ot askaridasi	2 ta
Drozofilla pashshasi	8 ta
Bosh biti	12 ta
Uy pashshasi	12 ta
Quyon	44 ta
Odam	46 ta
Suvarak	48 ta
Qalampir	48 ta
Kartoshka	48 ta
Shimpanze	48 ta
It	78 ta
Kaptar	80 ta
Zog'ora baliq	104 ta

soni turning tuzilish darajasiga bog'liq emas va ular o'rtasidagi qarindoshlik aloqalarini ko'rsatmaydi. Xromosomalar soni bir-biridan ancha uzoq bo'lgan sistematik guruhlarda bir xil va aksincha kelib chiqishi yaqin bo'lgan turlarda esa har xil bo'lishi mumkin. Masalan, har xil turga mansub bo'lgan va sistematik guruhda bir-biridan ancha uzoq joylashgan kartoshka, shimpanze maymuni, suvarak hamda qalampirda xromosomalarning diploid soni bir xil bo'ladi va 48 ga teng. Jinsiy hujayralarda somatik (tana) hujayralariga nisbatan xromosomalar soni ikki hissa kam bo'ladi. Jinsiy hujayralarda *gaploid (tog')* to'plamda, somatik hujayralarda xromosomalar *diploid (juft)* to'plamda bo'ladi. Masalan odamning somatik hujayralarida 46 ta xromosoma bo'lsa, jinsiy hujayralarda xromosomalar soni 23 ta bo'ladi. Aynan xromosomalarning diploid to'plami xromosomalarning *juftlik qoidasi* deyiladi. Har bir juftga kiruvchi xromosomalar o'z o'lchami, shakli bilan bir-biriga o'xshash bo'ladi. Bunday xromosomalar *gomologik xromosomalar* deyiladi. Birinchi juft xromosomalari ikkinchi, uchinchi yoki boshqa juft xromosomalardan farq qiladi, ular *nogomologik xromosomalar* deyiladi. Bu xromosomalarning *individualligi qoidasi* deyiladi.

Somatik hujayraning xromosomalar to'plamining miqdoriy (soni va o'lchami) va sifatiy (shakli) belgilari yig'indisi *kariotip* deyiladi.

**Yadrocha.** Yadrocha dumaloq, to'q bo'yaluvchi zichlashgan tanacha bo'lib, hujayra yadrosida bitta yoki bir qancha yadrocha bo'lishi mumkin. Yadrocha yadro shirasi – karioplazmasi ichiga botib kirgan, membranasiz, zich tanachadir. Hujayra bo'linish fazalarida yadrocha yo'qolib, bo'linish tugagan vaqtida paydo bo'ladi. Yadrodagi xromosomalar zichlashib ayrim qismlari oqsillar bilan bog'langan bo'ladi. Aynan shu qism mikroskopda zich tanacha shaklida ko'rindi va shu qismni yadrocha deb ataymiz. Xromosomaning shu qismidan rRNK (ribosomal RNK – ribonuklein kislota) sintezlanadi. Demak yadrocha tarkibida juda ko'p ribosomal RNK mavjud bo'ladi. Ribosomal RNK ribosoma oqsillari bilan bog'lanib ribosomalarni hosil qiladi. Hosil bo'lgan ribosomalar avval karioplazmaga, so'ngra sitoplazmaga chiqariladi. Ribosoma tarkibidagi oqsillar yadroda yoki yadrochaning ichida sintezlanmaydi, balki sitoplazmadan keladi. Shunday qilib yadrocha – shakllanish darjasи har xil bo'lgan ribosoma oqsillari va r-RNK ning to'plamidan iborat.

## Hujayralar evolutsiyasi

Yerda dastlab anorganik moddalardan sodda organik moddalarning sintezlanganligini isbotlashga qaratilgan bir qancha tajribalar qilingan. Sodda organik moddalardan murakkab organik moddalar hosil bo‘lgan. Aynan shu murakkab organik moddalar dan dastlabki hayot namunalari paydo bo‘lgan. Demak hayotning ham o‘z rivojlanish tarixi mavjud.

Paleontologiya fani dalillariga asoslanib 3,5 mlrd yil avval prokariotlar paydo bo‘lgan deb taxmin qilinadi. Eukariot hujayralar prokariotlardan 1–1,5 mlrd yil ilgari kelib chiqqan deb, taxmin qilinadi. Bu taxminlarni tushuntiruvchi bir qator gipotezalar mavjud.

**Simbioz gipotezasi.** Bu gipoteziyaga ko‘ra har xil prokariotlar birgalikda yashashi (simbioz) natijasida eukariotlar kelib chiqqan. Taxminlarcha asosiy xo‘jayin hujayralar amyobasimon harakatlanuvchi prokariotlar bo‘lgan. Aerob prokariotlarning bu hujayraga kirib, asta-sekin o‘zgarishi natijasida mitoxondriyalar, yashil o‘simliklarning xloplastlari esa ko‘k-yashil suvo‘tlarining simbioint-prokariotlaridan kelib chiqqan. Nazariya tarafdarlarining fikricha mitoxondriya va plastidalar ham prokariot bo‘lgan deb ta’kidlashadi. Simbiot hujayralarning genlarining qo‘shilib ketishi natijasida yadro paydo bo‘lgan. Yadro hosil bo‘lgandan so‘ng uning tashqi membranasidan endoplazmatik to‘r, Golji kompleksi va undan lizosoma, vakuola hosil bo‘lgan deyishadi. Haqiqatdan ham mitoxondriya va plastidaning bo‘linishi, mustaqil ko‘paya olishi, DNKhining halqasimon bo‘lishi, RNKhining mavjudligi va tuzilishi bilan prokariotlarnikiga o‘xshaydi. Bundan tashqari mitoxondriya va plastidalarning ribosomalarining kimyoviy tuzilishi bilan prokariotlarnikiga o‘xshash.

**Inviginatsiya gipotezasi.** Bu gipoteziyaga muofiq eukariot hujayra bir necha hujayralarning qo‘shilishidan emas, balki bitta prokariot hujayradan kelib chiqqan. Bu nazariya tarafdarlarining fikricha, ba’zi hujayra organoidlari yadro, mitoxondriya va xloroplastlar hujayraning membranasining sitoplazmaga botib kirishi natijasida paydo bo‘lgan. Buni isboti sifatida mitoxondriya, xloroplast va yadroning qo‘s membranali va tuzilishi jihatidan hujayra membranasiga o‘xshashligi bilan ta’kidlanadi.

Bakteriyalarda plazmatik membrananing ayrim joylari sitoplazmaga botiqqliqni hosil qiladi. Bu botiqqlikdan mezosoma va

lemellalar paydo bo‘lgan. Mezosoma vazifasi jihatdan mitoxondriyaga yaqin, lemella esa xloroplastga yaqin turadi. Evolutsiya natijasida lemellalardan plastidalar, mezosomalardan mitokondriyalar paydo bo‘lgan bo‘lishi mumkin.

**Ko‘p genomli gipotezasi.** Bu gipotezaga ko‘ra hujayra genomining ayrim qismlari ajrab chiqadi va membranalı pufakcha bilan o‘ralib, undan hujayraning mitoxondriya va plastida organoidlari hosil bo‘lgan. Asosiy xromosoma ham membranaga o‘ralib yadroni hosil qilgan. Ular alohida funksiyalarni bajargan va evolutsiya davomida takomillashgan.

Bakteriyalarda asosiy xromosomalardan tashqari qo‘sishimcha xromosoma (plazmida) lar ham mavjud bo‘lib, ular asosiy xromosomaga birikishi yoki asosiy xromosomadan ajralib, bakteriya sitoplazmasida joylashishi, erkin funksiya bajarishi mumkin.

Har uchala gipotezada ham eukariotlar prokariotlardan kelib chiqqan degan fikrni tasdiqlaydi. Bundan tashqari hujayralarda evolutsiya davomida har xil morfologiyasida va fiziologik mexanizmlarida farqlar paydo bo‘lgan.

## 1-topshiriq

1. O‘simlik va hayvon hujayralarini taqqoslang.
2. Ularning tuzilishidagi o‘xhashliklarni aniqlang.
3. Ularning tuzilishidagi farqlarni aniqlang.
4. Bu o‘xhashlik va farqlarning sabablarini tushuntirib bering.

## 2-topshiriq

O‘zlashtirgan bilimlaringizga asoslanib, hujayra tarkibiy qismalarining qaysi organizmlarda uchrashini aniqlang va daftaringizga 3-jadvalni chizib, uni to‘ldiring.

## 3-topshiriq

O‘zlashtirilgan bilimlaringizga asoslanib hujayra tarkibiy qismalarining funksiyalarini quyidagi 4-jadvalga yozing.

## Nazorat savollari

1. Hayvon hujayrasi bilan o‘simlik hujayrasining o‘xhashlik va farqlarini aytинг.
2. Yadroning asosiy tarkibi va funksiyalari nimalardan iborat?

Hujayraning tarkibiy qismlari	Organizmlar	
	prokariotlar	eukariotlar
1. Hujayra qobig‘i		
2. Plazmatik membrana		
3. Yadro		
4. Endoplazmatik to‘r		
5. Ribosoma		
6. Golji apparati		
7. Xromosoma		
8. Mitoxondriya		
9. Plastidalar		
10. Lizosoma		
11. Hujayra markazi		
12. Yadrocha		

Hujayraning qismlari	Funksiyalari
1. Hujayra qobig‘i 2. Plazmatik membrana 3. Yadro 4. Xromosoma 5. Yadrocha 6. Endoplazmatik to‘r 7. Ribosomalar 8. Golji apparati 9. Mitoxondriya 10. Lizosoma 11. Plastida 12. Hujayra markazi	

3. Xromosomalarning tuzilishi va tiplarini tushuntiring
4. Xromosoma, xromatida va xromatin terminlarini tushuntirib bering.
5. Xromosomalarning diploid va gaploid to‘plami qanday hujayralarda uchraydi
6. Gomologik va nogomologik xromosomalar farqini aytинг
7. Hujayra evolutsiyasini tushuntirishda qanday gipotezalarni bilasiz va ularni izohlang

## Mustaqil yechish uchun test savollari

**1. Xromosomalarning interfaza holati nima deb ataladi?**

A) xromatin B) geteroxromatin C) euxromatin D) xromotida

**2. Yadrocha hujayraning qaysi holatida mavjud bo‘ladi?**

A) profazada B) interfazada C) metafaza D) A, B

**3. Xromosomalarning qaysi qismi faol faoliyattdagi genlardan tashkil topgan?**

A) yaxshi bo‘yalmaydigan B) to‘q bo‘yaladigan

C) yadrocha hosil qiladigan D) ribosoma sintezlovchi

**4. Hujayralarning paydo bo‘lgan vaqtлari to‘g‘ri berilgan qatorni toping.**

1) prokariot; 2) eukariot; a) 5 mlrd. yil; b) 4 mlrd yil; c) 3,5 mlrd yil; d) 3 mlrd yil; e) 1-1,5 mlrd yil; f) 2 mlrd yil;

A) 1-b, 2-e; B) 1-a, 2-f; C) 1-c, 2-e ; D) 1-d, 2-e;

**5. Xromosomaning sperallahsgan qismi.....**

A) genetik jihatdan nofaol B) genetik jihatdan faol

C) interfaza vaqtida faol D) interfaza vaqtida nofaol

## 12-§. Laboratoriya mashg‘uloti

**1. O‘simlik hujayrasini o‘rganish**

**Ishdan maqsad:** o‘simlik va hayvon hujayralari bilan tanishish, ular o‘rtasidagi farq va o‘xhashlikni aniqlash.

Jihozlar: mikroskoplar, skalpel, tomizgichlar, stakanda toza suv, pinset, preparoval nina, buyum oynalari, qoplag‘ich oynalar, piyoz, petri likopchasi, siyohga bo‘yagan baqa terisining epiteliysi.

**Ishning borishi:**

1. Buyum oynasi olinib, uning o‘rtasiga tomizgich yordamida bir tomchi suv tomiziladi, so‘ngra piyozning ichki oq yupqa po‘stidan pinset yordamida olinadi va buyum oynasidagi suv tomchisiga joylashtiriladi va yodning suyultirilgan eritmasidan tomizilib, qoplag‘ich oyna bilan yopiladi.

2. Tayyorlangan mikropreparat mikroskopning oldin kichik, so‘ngra katta obyektivida ko‘riladi. Mikropreparatda hujayraning yupqa po‘sti, sitoplazmasi, bir necha xloroplastlari va yadrosi ko‘rinadi (27-rasm).


3. Mikroskopda ko‘ringan piyoz hujayralarining rasmi daftarga chizib olinadi.

4. Olingan natija va xulosalar daftarga yozib olinadi.

**2. Hayvon hujayrasini o‘rganish.**

**Ishning borishi:**

1. Baqani suvli shisha bankaga solinib, og‘zini doka bilan



27-р а с м. Пиyoz hujayralarining mikroskopda ko‘rinishi.

berkitiladi va baqa 1–2 kun saqlanadi. Bankadagi suv baqani ko‘mar-ko‘mmas bo‘lishi kerak.

2. Suv yuzasida yupqa pardalari hosil bo‘ladi. Yupqa pardalari bo‘lakchalarini petri likopchasiga ko‘chirilib, hujayra yadroслини ko‘rinishi uchun binafsha rang siyoh bilan bo‘yaladi.

3. Och binafsha rangga bo‘yagan baqa terisining epiteliy to‘qimasini preparoval nina uchi bilan buyum oynasidagi suv tomchisiga qo‘yildi.

4. So‘ngra epiteliy to‘qimasining buklangan joylari to‘g‘rlanib, qoplag‘ich oyna bilan yopiladi.

Mikroskopda ko‘ringan epiteliy to‘qimasini hujayralarning rasmidaftarga chizib olinadi. Tajriba o‘tkazilgandan so‘ng baqani tabiatiga qo‘yib yuboriladi.

5. Olingan natija va xulosalar daftarga yozib olinadi.

### 13-§. Laboratoriya mashg‘uloti.

#### O‘simlik hujayrasida plazmoliz va deplazmolizni kuzatish


**Ishdan maqsad:** fiziologik eritmalar bilan tanishish va izotonik, gipertonik, gipotonik eritmalarining o‘simlik hujayralariga ta’sirini hamda osmos jarayonini kuzatishdan iborat.

**Jihozlar:** mikroskoplar, filtr qog‘izi, skalpel, tomizgichlar, stakanda toza suv, pinset, preparoval nina, buyum oynalari,

qoplag'ich oynalar, piyozi, petri likopchasi, biologiyadan tajriba o'tkazish uchun kimyoviy reaktivlar to'plami, polipropilenli o'lchov idishlar to'plami, NaCL 1–5%li eritmasi.

### Ishning borishi:

1. Har bir o'quvchi stoliga laboratoriya ishi uchun kerakli bo'lgan barcha jihozlar tarqatiladi.
2. O'quvchi skalpel yordamida piyozning ichki oq po'stidan yupqa kesik olib, buyum oynasiga qo'yiladi va ustiga bir tomchi suv tomizib qoplag'ich oyna bilan yopiladi.
3. Tayyorlangan vaqtinchalik mikropreparat mikroskopning kichik obyektivida ko'rildi. Mikroskopda hujayralar bir tekis bo'yagan va tarang turgan holatida ko'rindi.
4. Vaqtinchalik mikropreparatning, qoplag'ich oynasi bir chetiga NaCL ning 1% yoki 5%li eritmasidan bir tomchi tomiziladi va sitoplazma hujayra po'stidan asta-sekin ajralishi – plazmoliz hodisasi kuzatiladi. Bu hodisani mikroskopda ko'rildi.
5. Biroz vaqt o'tgach, qoplag'ich oynasi bir chetiga bir tomchi suv tomizilib, ikkinchi tomonidan dastlab tomizilgan NaCL ning 1–5%li eritmasi filtr qog'oz orqali shimdirib olinadi.
6. Suvning hujayraga qayta shamilishi natijasida uning sitoplazmasi sathi ortib, hujayra devoriga tarqaladi, ya'ni hujayra normal holatga o'tadi. Bunday jarayon deplazmoliz holati deyiladi (*28-rasm*).
7. Mikroskopda ko'rganlarni daftarga chizib olinadi. Olingan natija va xulosalar daftarga yozib olinadi.



1

2

+ NaCL  
5% p-p

*28-rasm.* Piyozi epidermis hujayralarining plazmoliz hodisasi. 1 – normal holatdagisi; 2 – plazmoliz hodisasi; botiq (chapda) va qavariq (o'ngda) plazmoliz.

## X U L O S A

1. Har bir hujayra tuzilishi va funksiyasi jihatdan bir butun bo‘lib, tiriklikning eng mayda elementlar birligi hisoblanadi.
2. Viruslar tiriklikka xos xususiyatlarni faqat tirik organizmlar hujayrasida namoyon qiladilar, ular genetik darajadagi parazitlar hisoblanadi.
3. Bakteriofaglar oqsil qobiq, nuklein kislota, oz miqdorda fermentga ega.
4. Prokariotlarga bakteriyalar, ko‘k-yashil suvo‘tlari kirib, ularda haqiqiy yadro yo‘q, organoidlar rivojlanmagan. Yadro vazifasini halqasimon xromosoma DNK bajaradi.
5. Eukariot hujayralar haqiqiy yadroga eda. Ularda, endoplazmatik to‘r, plastidalar (yashil o‘simliklarda), ribosomalar, mitoxondriyalar, hujayra markazi, Golji apparati va boshqa organoidlar uchraydi hamda ular ma’lum vazifalarni bajaradi.
6. Evolutsiya jarayonida avval prokariot hujayralar, ulardan esa eukariot hujayralar kelib chiqqan.

### **II b o b. HAYOTIY JARAYONLARNING KIMYOVIY ASOSLARI**

Tabiatdagi barcha organizmlarning hayoti ularning hujayralarida to‘xtovsiz kechadigan kimyoviy jarayonlarga bog‘liq. Tirik hujayra o‘z tarkibining murakkabligi va tashkiliy darajasining yusakligi bilan xarakterlanadi.

Bu bobda hujayraning tarkibiga kiradigan biomolekulalarning tuzilishi, ularning hujayra hayotidagi roli, almashish yo‘llari, metabolizmi haqida asosiy ma’lumotlar berilgan. Hujayra tarkibiga kiradigan birikmalar bajaradigan funksiyalariga qarab ikki asosiy guruhga bo‘linishi mumkin: plastik moddalar va energetik moddalar. Birinchi guruhga oqsillar va nuklein kislotalar kiradi: Oqsillar – hujayra strukturalarining qurilish materiali, nuklein kislotalar – ularning sintezlanishi uchun lozim bo‘lgan ma’lumotni ta’min etuvchi moddalardir. Uglevodlar va lipidlar esa hujayradagi kechadigan barcha sintez reaksiyalarini va hujayradagi jarayonlarni energiya bilan ta’minlaydilar (ikkinci guruh). Darslikning bu bobida hujayrada kechadigan reaksiyalarning hammasi ham fermentativ reaksiyalar ekanligi, ya’ni ular hujayraning o‘zida sintez-

lanadigan katalitik xususiyatga ega maxsus oqsillar – fermentlar ishtirokida o‘tishi ko‘rsatilgan. Bu jarayonda moddalar almashinishi energiya almashinishi bilan birga bog‘langan holda o‘tishiga e’tibor berilishi kerak. Mazkur bobdag'i materiallarni o‘zlashtirish natijasida har qanday biologik hodisa asosida molekulalarning kimyoviy o‘zgarishi, uning markazida oqsillar almashinuvni turadi degan xulosa shakllanadi, chunki oqsil, ham hujayraning qurilish materiali, ham hayotiy jarayonlarni tezlashtiruvchi katalizatordir.

## 14-§. Hujayraning kimyoviy tarkibi

Hujayrada organik va anorganik moddalar uchrab, hujayraning normal o‘sishi va rivojlanishini ta’minlaydi (*5-jadval*). Hujayrada D.I. Mendeleyev davriy sistemasidagi kimyoviy elementlarning 80 dan ko‘prog‘i aniqlangan. Shulardan 40 tasi biologik aktiv moddalar tarkibiga kiradi va moddalar almashinuvida qatnashadi. Bu elementlarni *biogen elementlar* deb ataladi. Biogen elementlar organik va anorganik birikmalar holida bo‘ladi. Organik birikmalarga oqsillar, nuklein kislotalar, uglevodlar, yog‘lar va yog‘simon moddalar kabilar kirsa, anorganik moddalarga suv va mineral tuzlar kiradi. Biogen elementlarni uchrash miqdoriga qarab uch guruhga bo‘linadi.

- Makroelementlar – 98%, kislorod – (O) 75% gacha, uglerod (C) 12% gacha, vodorod (H) 8 % gacha, azot (N) 3% gacha.
- Mikroelementlar – 1,9 % – kaliy (K), fosfor (P), oltin-

5-j a d v a l.

### Hujayradagi organik va anorganik moddalar tarkibi (ho‘l massasi % hisobida).

Moddalar % hisobidan	
Anorganik	Organik
Suv 70–80	Oqsillar 10–20
Mineral tuzlar 1–1,5	Yo‘g‘lar 1–5 (hayvonlarda)
	Uglevodlar 0,2–2
	Nuklein kislotalar 1–2

gugurt (S), magniy (Mg), xlor (Cl), kalsiy (Ca), natriy (Na), temir (Fe).

3. Ultramikroelementlar 0,01 % – yod (I), mis (Cu), kobalt (Co), rux (Zn), molibden (Mo), brom (Br), marganets (Mn), bor (B) va boshqalar (*6-jadval*).

Vodorod, kislorod, uglerod birgalikda uglevodlar va yog‘larni hosil qiladi. Oqsillar va nuklein kislotalar tarkibida yuqoridagi 3 ta elementlardan tashqari azot, oltingugurt va fosfor ham mavjud. Kaliy, natriy va xlor hujayra membranalari orqali turli moddalarni o‘tkazishni ta’minlaydi. Nerv hujayralarining qo‘zg‘alishi shu elementlar ishtirokida ro‘y beradi. Kaliy va natriy hujayra membranasida biotokni hosil qiladi. Kalsiy va fosfor suyak to‘qimalarini hosil qilishda ularning mustahkamligini ta’minlashda ishtirok etadi. Bundan tashqari kalsiy qonning normal ivishini ta’minlovchi omil.

Ultramikroelementlarning yetishmasligi natijasida moddalar almashinishi buzilishi kuzatiladi. Ularning ortib ketishi ham har xil kasalliklarga sabab bo‘ladi.

**Suv.** Suv o‘rta miqdorda hujayra massasini 80% ni tashkil qiladi (meduzi hujayrasida 95% gacha, odam embrionida 90% gacha, yurak muskullarida 79% gacha, qari hujayralarda 60% va tish emalida 10% gacha bo‘ladi.) Suv hujayrada ikki xil holatda uchraydi. Erkin – 95% va bog‘langan – 5%. Suvning 20%ini yo‘qolishi organizmni o‘limga olib keladi. Suv ko‘pgina muhim funksiyalarni bajaradi:

- universal erituvchi;
- hujayrada moddalarning transporti;
- hujayra tarkibiga kiradi, (sitoplazmani ko‘pgina qismini tashkil qiladi);
- termoregulyatsiyada qatnashadi;
- gidroliz va fotosintez reaksiyalarida qatnashadi;
- gametalar tarkibida bo‘ladi.


Hujayraning fizik xossalari uning hajmi, tarangligi suvga bog‘liq. Suvning o‘ziga xos fizik-kimyoviy xossasi uning molekulasi ikki qutbli bipolyar bo‘lishidan kelib chiqadi. Bunday struktura suv molekulalarining o‘zaro va boshqa molekulalarning elektromanfiy atomlari bilan ko‘plab vodorod bog‘lar orqali bog‘lanishiga olib keladi. Suvning molekulاسining qutbliligi tufayli hujayrada juda ko‘p molekulalar u bilan elektrostatik ta’sir etadi yoki vodorod bog‘lar orqali birikadi. Suvning biologik roli uning molekulyar o‘lchami

## Bir qancha kimyoviy elementlarning biologik vazifasi

Elementlar	Fiziologik vazifasi
Uglerod (C) Vodorod (H) Kislorod (O) Azot (N) Natriy (Na)	Organik moddalar (oqsillar, nuklein kislotalar, uglevodlar, lipidlar) tarkibida bo‘ladi. Organik moddalar sintezini va funksiyasini belgilab beradi. Osmotik bosimni va pH muhitini ta’minlaydi. Natriy hujayrada moddalar transportini ta’minlaydi.
Kalsiy (Ca)	Suyak to‘qimasi tarkibiga kiradi, qonning ivishida, mushaklar qisqarishida qatnashadi.
Kaliy (K)	Nerv hujayrasining harakati, impulslarni hosil qilish, mushaklarni qisqarishi uchun kerak. Hujayrada moddalar transportini ta’minlaydi.
Xlor (Cl)	Oshqozon shirasida kislotalilikni namoyon qiladi, qon plazmasida osmotik bosimni hosil qilishda qatnashadi. Hujayrada moddalar transportini ta’minlaydi.
Fosfor (P)	Suyak va tishlarning tarkibiga, ATF, NADF va fosfolipidlar tarkibiga kiradi.
Temir (Fe)	Gemoglobin strukturaviy tarkibiga, mushak mioglobini, elektronlarni ko‘chiruvchi fermentlar tarkibiga kiradi.
Yod (I)	Gormonlar tarkibiga kiradi. Tiroksin gormonini 65% i yoddan iborat.
Mis (Cu)	Qon hosil qilishda va gemoglobin sintezida qatnashadi. O‘rganchaksimonlar va bosh oyoqli molluskalarning kislorodni tashuvchi gemotsianin moddasi tarkibida bo‘ladi.
Ftor (F)	Tishning tarkibiga kiradi.
Magniy (Mg)	Xlorofill tarkibiga kiradi, koferment, energiya almashinuvini va DNK sintezini aktivlaydi.
Oltingugurt (S)	Ayrim aminokislotalar tarkibiga, oqsillar tarkibiga (insulin) va B <sub>12</sub> vitaminini tarkibiga kiradi.
Rux (Zn)	Bo‘yni normal o‘sishi uchun kerakli ferment kompenenti tarkibiga kiradi. Jinsiy gormonlar faolligini oshiradi.
Kobalt (Co)	Vitamin B <sub>12</sub> tarkibiga kiradi, gemoglobin sintezi uchun kerak.
Manganets (Mn)	Yog‘ kislotalarini oksidlanishi uchun kerak, fotosintez va hujayra nafas jarayonlarida qatnashadi.

kichikliga bog'liqdir, uning spetsifikligi qutblilik, vodorod bog'ini hosil qila olishidadir. Jumladan suvning solishtirma issiqlik sig'imi katta ekanligi o'sha xossalardan ifodalanadi (29-rasm). Tashqi muhit temperaturasi ko'tarilganda yoki pasayganda suv molekulasi o'rtasida vodorod bog'larining uzilishi yoki yangidan hosil bo'lishi tufayli issiqlik yutiladi va ajralib chiqadi. Suvning erituvchi sifatidagi xossasi uning molekulalari ichki tuzilish xususiyatlaridan biri bilan izohlanadi. Moddalarni suv bilan munosabatiga ko'ra gidrofil (suvda eruvchi) yoki gidrofob (suvda erimaydigan) moddalarga ajratiladi. Gidrofil moddalarga mineral tuzlar, kislota, monosaxaridlar, oqsillar va boshqa moddalar kiradi. Gidrofob moddalarga esa yog'lar, polisaxaridlar va boshqa moddalar kiradi. Suvning erituvchanligi suv molekulalarining qand va spirt gidroksil guruhlari bilan vodorod bog'lar hosil qilishidan kelib chiqadi. Vodorod bog'lar faqat suv molekulalari uchun xarakterli emas. Vodorod bog'lar, ayniqsa oqsil va nuklein kislota molekulalarini ma'lum shaklda turg'un saqlashini ta'minlashda ishtirok etadi. Bu birikmalarda vodorod bog'lar umuman bir molekula ichida yoki qo'shni molekulalar o'rtasida NH gruppating vodorodi bilan karbonil gruppa (CO) ning kislorodi orasida hosil bo'ladi.

Organizmda oziq moddalar, ionlar, turli metabolitlar, fiziologik faol birikmalar, gormonlar va boshqalar ham bir joydan boshqa joyga suv orqali transport qilinadi, suyuq muhitdan hujayraning ichiga o'tadi. Nihoyat, suv organizmda gidrolitik yo'l



29-rasm. Suvning molekulyar strukturasining sxemasi va suv molekulalari o'rtasida vodorod bog'i.

bilan murakkab birikmalarning parchalanish reaksiyasida ishtirok etadi.

**Mineral tuzlar.** Mineral tuzlar hujayraning 1–1, 5 % ini tashkil qiladi. Hujayrada anorganik moddalarning ko‘pgina qismi tuzlar tarkibida bo‘ladi. Mineral tuzlar organizm rivojlanishida muhum vazifani bajaradi. Mineral tuzlar suvli eritmada anion va kationga dissotsiatsiyalanadi, osmotik bosimni hosil qilishda qatnashadi, to‘qima suyuqligida kuchsiz ishqoriy pH (7,2–7,4) ni hosil qiladi.

Hujayradagi anorganik moddalardan ko‘pchiligi tuzlar shakli da bo‘ladi. Kationlardan  $\text{Na}^+$ ,  $\text{K}^+$ ,  $\text{Ca}^+$ ,  $\text{Mg}^{2+}$ , anionlardan  $\text{HPO}_4^{2-}$ ,  $\text{H}_2\text{PO}_4^{-}$ ,  $\text{Cl}^-$ ,  $\text{HCO}_3^-$  – muhim ahamiyat kasb etadi. Hujayra ichida kaliyning miqdori natriyning konsentratsiyasidan ancha ko‘p, hujayra tashqarisida esa natriyning miqdori ko‘p bo‘ladi. Kationlar yetishmovchiligi hujayrada qo‘zg‘aluvchanlikni susaytiradi. Hujayraga suvning kirishi ma’lum ma’noda hujayradagi bufer erit malarga bog‘liq.

### Nazorat savollari

1. Hujayra tarkibida qaysi kimyoviy elementlar ko‘p miqdorda uchraydi?
2. Hujayrada uchrovchi makroelementlarning vazifalarini aytib bering.
3. Hujayrada uchrovchi mikroelementlarning vazifalarini aytib bering.
4. Hujayrada uchrovchi ultramikroelementlarning vazifalarini aytib bering.
5. Suvning fizik-kimyoviy va biologik xossalarni aytинг.

### Mustaqil yechish uchun test savollari

1. **Hujayra ichida qaysi ionlarning konsentratsiyasi yuqori bo‘ladi?**  
A) kaliy B) natriy C) kalsiy D) magniy
2. **Qaysi elementlar hujayra kimyoviy tarkibining 98% ini tashkil etadi?**  
1) azot 2) xlor 3) temir 4) vodorod 5) fosfor 6) kislorod 7) uglerod  
8) oltingugurt.  
A) 1, 2, 3, 4    B) 8, 5, 4, 2    C) 3, 5, 8, 2    D) 7, 4, 6, 1
3. **Qon yaratishda qaysi elementlar kerak bo‘ladi?**  
A) xlor, ftor B) kobalt, marginets C) temir, kobalt D) mis, kalsiy
4. **Hujayrada taxminan mineral tuzlarning miqdori qancha bo‘ladi? (%)da**  
A) 1-2    B) 2-3    C) 1-1,5    D) 2-4
5. **Hujayrada uchrovchi makroelementlarni (1), mikroelementlarni (1) va ultramikroelementlarni (3) foizini toping.**  
a) 98%    b) 1,9%    c) 0,01%    d) 0,02%    e) 3%  
A) 1-a, 2-b, 3-c;    B) 1-a, 2-e, 3-d;    C) 1-a, 2-b, 3-d  
D) 1-a, 2-e, 3-c

## Hujayraning organik moddalar

Hujayradagi muhum organik moddalar oqsillar, uglevodlar, yog'lar va nuklein kislotalar bo'ladi. Organik moddalar hujayra massasining o'rtacha 20–30 % ini tashkil qiladi.

Tirik organizmlar tarkibiga kiradigan organik birikmalar *biomolekulalar* deb ataladi. Ularning tuzilishi xilma-xil. Biomolekulalar organizm, to'qima, hujayra va uning tarkibiy qismlari komponentlarida turlicha joylashgan.

Hujayra struktura elementlarining tuzilishida, unda o'tadigan jarayonlarni energiya bilan ta'minlashda asosiy o'rinni egallaydigan organik birikmalar: oqsillar, nuklein kislotalar, lipidlar va uglevodlardir. Oqsillar va nuklein kislotalar hujayra hayotida alohida o'rindan tutadi, ular *biopolimerlardir*. Oqsillar birinchi navbatda qurilish va plastik materialdir, nuklein kislotalar axborotni (nasliy belgilarni) saqlavchi, tashuvchi molekulalar hisoblanadi. Lipidlar va uglevodlar esa asosan energiya manbayidir.


Hujayrada yana yuzlab, xilma-xil o'rtacha molekulyar massaga ega organik birikmalar – vitaminlar, gormonlar, kofermentlar, nukleotidlar, aminlar, kichik peptidlar ham mavjud. Ular miqdor jihatdan kam bo'lsalar ham hujayrada kechadigan jarayonlarni boshqarishda, tartibga solishda muhim rol o'yndaydi.

### 15-§. Oqsillar

Oqsil nomi tuxum oqi so'zidan kelib chiqqan. Ilmiy adabiyotlarda protein (yunoncha protein «birinchi, eng muhim» ma'nosini beradi) termini bilan atash qabul qilingan. Oqsillar hujayradagi boshqa molekulalardan yuqori molekulyar massali bo'lishi bilan farqlanadi. Oqsillarning elementar tarkibi quyidagicha: uglerod 50–54 %, kislorod 21–23 %, azot 15–17 %, vodorod 6,5–7,3 % va oltingugurt 0,5 %. Uglevod va lipidlarda azot uchramaydi. O'rtacha oqsilning molekula massasi 30–40 ming D (dalton) deb qabul qilsak, u uglevod va lipidning molekulyar massalaridan ancha yuqoridir. Glyukozaniki 180, neytral yog'niki 420, moy kislutaniki 88 ga teng. Bunday farqning asosi shundaki, oqsillar yuksak polimer birikmalardir. Ular bir xil sodda molekula *monomering* o'nlab, yuzlab, minglab o'zaro birikishidan hosil bo'lган.

Hujayrada oqsil molekulalaridan tashqari, yana bir qator polimerlar: nuklein kislotalar, polisaxaridlar mavjud. Polimerlarni tashkil etadigan monomerlar soni o‘nlab, yuzlab, minglab bo‘lishi, ular butun molekula davomida bir xil (*gomopolimer*), masalan, kraxmal, kletchatka, glikogenda yoki bir necha xil (*geteropolimer*) bo‘lishi mumkin. Oqsil molekulasiga 20 xil aminokislotalar kiradi. U geteropolimerdir. Lekin geteropolimerlar tarkibiga kiradigan monomerlarning xillari ham chegaralangan. Nuklein kislotalar strukturasida ular 4 xil, oqsillarda esa 20 xildir. Lekin, ular polimer tarkibida yuzlab, minglab, o‘n minglab takrorlanadi. Umuman polimerning tuzilishini sxematik ravishda quyidagicha ko‘rsatish mumkin: A-A-A-A-A ... A – monomer. Oqsil molekulasida bu monomer aminokislotadir.

O‘simliklarda oqsillar ribosomalarda aminokislotalardan sintezlanadi. Hayvonlar organizmiga oqsillar ovqat bilan kiradi va aminokislotalarga parchalanadi, parchalangan aminokislotalardan genetik kod asosida ixtisoslashgan oqsillar sintezlanadi. Oqsillar biopolimerlar bo‘lib, bir qancha monomerlar (aminokislotalar) dan iborat. Aminokislotalarning umumiy formulasi quyidagicha:



$\text{H}_2\text{N}$  – aminograppa,  $\text{COOH}$  – karboksil grappa, R – radikal (20 xil variantni hosil qiladi).


Barcha aminokislotalar orasidagi farq radikalining o‘zgarishiga bog‘liq. Radikal tarkibida yana bitta karboksil grappa –  $\text{COOH}$  bo‘lsa dikarbon kislota, masalan, aspartat kislotada, qo‘srimcha –  $\text{NH}_2$  bo‘lsa, diaminokislota, masalan lizin hosil bo‘ladi. Ular *monoamino*, *monokarbon kislota*, *diaminokislota*, *dikarbon kislotalar* deb ataladi. Radikal tarkibida gidroksil OH grappa, sulfgidril – SH gruppalar tutadigan aminokislotalar ham bor. Oltingugurt saqlovchi sistein oqsil molekulalari tarkibida sisteining ikkinchi molekulasi bilan disulfid bog‘ – S – S – hosil qilib birikkan bo‘ladi. Sistin deb ataladigan bu struktura bitta aminokislota hisoblanib oqsil molekulalarining ayrim qismlari yoki boshqa polipeptid zanjiri orasida ko‘prik tashkil qiladi. Tarkibidagi radikal

aromatik, geterotsiklik halqa tuzilishida bo'lgan siklik aminokislotalar ham mavjud. Ular *aromatik aminokislotalar* fenilalanin, tirozin va *geterotsiklik aminokislotalar* gistidin, triptofan deb ataladi.

Aminokislotalar bir-birlari bilan peptid bog'i yordamida birikib oqsillarni hosil qiladi. Aminokislotaladagi aminograppa va karboksil gruppalar birikishi natijasida bir molekula suv chiqib ketadi. Aminograppa va karboksil gruppasi o'rtaida hosil bo'lgan bog' *peptid bog'i* deyiladi.

Fizikaviy xossalari: rangsiz, kristall, suvda eruvchan, organik moddalarda erimaydi.

Aminokislotalar bir-biri bilan peptid bog'i orqali bog'lanadi.



Tabiatda uchraydigan aminokislotalar soni 300 ga yaqin. Ulardan faqat 20 xiligina hamma oqsillar tarkibiga kiradi. Bir qanchalari faqat alohida organizmlar, ayrim oqsillar va peptidlар tarkibida uchraydi. Quyidagi jadvalda shu aminokislotalarning nomlari, ayrim gruppalar bo'yicha hamda uch harfli shartli belgilari keltirilgan. Peptid va oqsillar tarkibi yozilganda aminokislotalarning to'la nomi o'rniga mana shu qisqartmalardan foydalanish qabul qilingan.

## Oqsil tarkibidagi 20 ta aminokislotalarning nomi va qisqartmalari.

### I. Ochiq zanjirli (atsiklik) aminokislotalar

#### 1. Monoaminomonokarbon kislotalar

Glitsin Gli

Alanin Ala

Serin Ser

Sistein Sis

Sistin Sis

#### 2. Dikarbon aminokislotalar


Aspartat Asp

Asparagin Asn

Glutamat kislota Glu

Glutamin Gln

#### 3. Diaminokislotalar



30-rasmi. Aminokislotalar peptid bog'i yordamida bog'lanishi.

Treonin Tre  
Valin Val  
Metionin Met  
Leysin Ley  
Izoleysin Ile

Lizin Liz  
Arginin Arg

## **II. Siklik (halqali) aminokislotalar**

1. *Aromatik aminokislotalar*  
Fenilalanin Fen  
Tirozin Tir
2. *Geterotsiklik aminokislotalar*  
Gistidin Gis  
Triptofan Trp

Aminokislota tarkibidagi korboksil va aminoguruhlarning bo‘lishi ularga *amfoterlik* xususiyatni beradi. Ular kuchli kislotali sharoitda ishqor, ishqoriy sharoitda esa kislota sifatida reaksiyaga kirishadi.

Ko‘p aminokislotalar biologik aktiv moddalar – gormonlar, vitaminlar, antibiotiklar sintezi uchun zarur mahsulot hisoblanadi. O’simliklar va ko‘pchilik mikroorganizmlar o‘ziga kerakli aminokislotalarni boshqa moddalardan o‘zlari sintezlay oladi. Ammo odam va hayvonlar bir qancha aminokislotalarni sintezlay olmaydi. Bu aminokislotalar o‘rni almashmaydigan aminokislotalar deyiladi. Ularga valin, leysin, izoleysin, trionin, fenilalanin, triptofan, metionin, arginin, gistidin kiradi. Ular faqat ovqat tarkibi bilan kiradi.

### **Nazorat savollari**

1. Biomolekulalar deb nimalarga aytildi?
2. Oqsillarning plastik modda sifatida rolini ta’riflab bering.
3. Oqsil tarkibiga kiradigan aminokislotalar qanday guruhlarga bo‘linadi?
4. Nima uchun oqsillarni geteropolimer deyiladi?
5. Oqsillarni yuqori molekulyar polimer birikmalar ekanligini ta’riflab bering.

### **Mustaqil yechish uchun test savollari**

1. **Tarkibida oltingugurt bo‘lgan aminokislotani belgilang.**  
A) sistein    B) serin    C) lizin    D) metionin
2. **Diaminokislotalar berilgan javobni toping.**  
A) glitsin, alanin    B) asparagin, glutamin  
C) fenilalanin, tirozin    D) lizin, arginin

## **III. Iminokislotalar**

Prolin Pro  
Oksiprolin Pro

**3. Halqali aminokislotalarini ko'rsating.**

- A) fenilalanin, tirozin    B) prolin, oksiprolin  
C) glitsin, alanin    D) trionin, metionin

**4. Aminokislotalar o'rtaсидаги peptid bog'i qaysi guruхlar o'rtaсида hosil bo'ladi?**

- A) amino va karboksil    B) amino va radikal    C) karboksil va radikal  
D) amino va gidroksil

**5. Quyida berilgan moddalarning qaysi biri geteropolimer hisoblanadi?**

- A) kraxmal    B) klechatka, selluloza    C) glikogen    D) oqsil

## 16-§. Oqsilning xossalari

Oqsil molekulasining fizik-kimyoviy xossalari uning yuqori molekulyar geteropolimer bo'lishidan kelib chiqadi. Oqsil molekulasi faqat aminokislotalardan tuzilgan bo'lsa ham bu monomerlar bir xil emas, oqsil molekulasi tarkibida bir-biridan farq qiladigan 20 xil aminokislota turli miqdorda va nisbatda uchraydi. Oqsil tarkibida aminokislotalar bir necha marta takrorlanib keladi. Shu sababli tabiatda oqsillarning xillari cheksiz. Ichak tayoqchasi bakteriyasining 3000 ga yaqin oqsil molekulalari mavjud bo'lsa, odam organizmida oqsillarning xillari 5 000 000 ga yetadi.

Har bir tur oqsillari boshqa tur oqsillaridan ozmi-ko'pmi farq qiladi. Turlar bir-biridan qancha uzoq bo'lsa, ularning oqsillari orasidagi farq ham shuncha uzoq bo'ladi.

Oqsil molekulalari noqulay sharoitda, kislota, ishqor, tuzlar, yorug'lik, mexanik ta'sirlardan buziladi. Ko'p hujayralar tarkibida juda kam miqdorda uchraydigan oqsillarni ajratib olish, tozalash, tekshirish, takomillashgan laboratoriya metodlari, asbob va apparatlarni talab qiladi. Bunda oqsillarni xromatografiya, elektroforez, gellar orqali filtrlash, ultratsentrifugada differensial cho'ktirish, nishonlangan atomlardan, avtomatik analizatorlardan foydalaniлади. Shuning uchun oqsillarni va hujayradagi funksiyalarini o'рганиш oqsillar kimyosining ajoyib texnik darajasidan ham xabardor bo'lishni talab etadi.

Oqsil molekulasining, molekula massasining pastki chegarasi 6000 dalton, yuqorigi chegarasi 1000000 dalton va undan ham katta. Oqsillar tarkibiga kiradigan aminokislotalarning o'rtaча molekula massasi taxminan 138 ga teng, ular o'zaro peptid bog'i hosil qilganda bir molekula suv  $H_2O$  ajralib ketganligi tufayli ularning molekulyar massasini 120 deb qabul qilinsa bo'ladi. Molekulyar massasi 30000–50000 ga teng o'rtaча oqsil taxminan

300–400 aminokislota qoldig‘idan tuzilgan ( $300 \times 120 = 36000$ ), ko‘pincha bitta polipeptid zanjiridan tashkil topgan bo‘ladi.

Oqsil molekulalarining o‘lchami ham juda katta. Juda kichik o‘lchamlarni hujayra komponentlari, molekulalar, atomlar orasida-gi bog‘lar, masofalar, nur to‘lqini uzunligini nanometrlar  $-10^{-9}$  m, 1 m ning milliarddan bir qismi; 1 mm  $10^{-3}$  ning milliondan bir qismi va 1 mkm  $10^{-6}$  m ning mingdan bir qismi bilan ko‘rsatish qabul qilingan. Bu o‘lchamda oqsillarni boshqa mayda obyektlar va molekulalar bilan taqqoslansa quyidagi qator kelib chiqadi: atomning kattaligi 0,1 nm, aminokislota 1 nm, oqsil molekulasi 5–10 nm, viruslar 10–100 nm, bakteriyalar hujayrasi 0,3–0,9 mkm, eritrotsitlar 10 mkm.


### **Oqsillar molekulasining tuzilish darajalari.**

Har bir aminokislotaning uzunligi  $3A^0$  (Angstrem) ekanligini nazarda tutsak, bir qancha aminokislotalardan iborat oqsilning uzunligini tasavvur qilish mumkin. Bunday uzunlikka ega oqsil molekulasi hujayraga qanday sig‘ishi mumkin?, degan savol tug‘ilishi mumkin. Oqsil makromolekulasining strukturasida tuzilishining bir necha xillari farqlanadi. Bularidan birinchisi oddiy peptid bog‘lar yordamida o‘zaro bog‘langan aminokislotalar zanjiridir. Bu struktura oqsilning **birlamchi strukturasi** deyiladi. Oqsilning birlamchi strukturalari odatda o‘zgarmas, irsiy belgilangan bo‘ladi. Hujayrada oqsillar birlamchi chiziq shaklda bo‘lmay balki, o‘ralgan, spiralsimon, globulyar, ipsimon fibrillyar shakllarda bo‘ladi. Oqsillarning to‘rtta strukturasi mavjud. Ular birlamchi, ikkilamchi, uchlamchi va to‘rtlamchi strukturalardir (*31-rasm*).

**Birlamchi struktura** – polipeptid zanjirda o‘zaro peptid bog‘i yordamida bog‘langan, chiziqli aminokislotalar ketma-ketligidan iborat. (DNK kodlagan, spetsifik, oqsilning funksiyasi va tarkibi birlamchi strukturaga bog‘liq.) Insulin gormoni birlamchi strukturada bo‘ladi.

**Ikkilamchi struktura** – polipeptid zanjir spiralsimon bo‘lib, zanjirdagi bir aminokislotaning CO – karboksil gruppasi bilan ikkinchi aminokislotaning NH – amino gruppasi o‘rtasida vodorod bog‘i hosil bo‘ladi. Vodorod bog‘i peptid zanjirda bir qancha bo‘ladi va ular qo‘shti bo‘lmagan, lekin bir-biriga yaqin bo‘lgan aminokislotalar o‘rtasida sodir bo‘ladi. Globin, sochdagি keratin, kollagen oqsillari ikkilamchi strukturada ega.

**Uchlamchi struktura** – aminokislotalardan iborat polipeptid



31-r a s m. Oqsilning I – birlamchi, II – ikkilamchi, III – uchlamchi, IV – to'rtlamchi strukturalari.

zanjir globulyar shaklda bo'ladi. Ko'pgina oqsillar uchlamchi strukturada bo'ladi. Aminokislotalari o'rtasida ion bog'lar, vodorod bog'lar, disulfid bog' (S–S), hidrofob aloqalar mavjud bo'ladi. Hamma globulyar oqsillar – fermentlar, antitelolar, mioglobin, gormonlar uchlamchi strukturada bo'ladi.

*To'rtlamchi struktura* – bir qancha polipeptid zanjirlar disulfid ko'priklar orqali, vodorod bog'lari va hidrofob aloqalar yordamida birlashib oqsilning to'rtlamchi strukturasini hosil qiladi. Masalan gemoglobin molekulasi to'rtlamchi strukturaga ega.

**Denaturatsiya.** Oqsil molekulalari suvda mayda zarrachalarga bo'linib, kolloid eritma hosil qiladi. Uning tabiiy nativ holati turli tuzlar eritmasi ta'sirida o'zgaradi, oqsil zarrachalari cho'kadi. Oqsil nativ holatining bunday o'zgarishiga *denaturatsiya* deyiladi. Natijada oqsil molekulasining shakli, biologik funksiyasi o'zgaradi. Denaturatsiya yuqori haroratda, og'ir metallar, bir qator organik moddalar, kuchli mineral kislotalar ta'sirida kuzatiladi. Bu jarayonda oqsilning peptid bog'lari uzilmaydi, lekin S–S-bog'lar, vodorod bog'lari yechilib, oqsilning tabiiy shakli buziladi, oqsilning birlamchi strukturasini saqlanadi. Ta'sir etuvchi sharoit chetlatilsa,

oqsilning nativ shakli tiklanishi mumkin. Bu hodisa *renaturatsiya* deb ataladi (32-rasm).

**Oqsillar klassifikatsiyasi.** Oqsillar asosan aminokislotalar soniga ko'ra, tarkibi va strukturasi bo'yicha klassifikatsiyalarini deb ataladi.

### I. Aminokislotalar soniga ko'ra:

1. Oligopeptidlar (2 tadan 10 tagacha aminokislotalardan iborat).
2. Polipeptidlar (10 tadan ko'p aminokislotalardan iborat). Asosan polipeptidlar 10 tadan 50 tagacha aminokislotalardan iborat bo'ladi – gormonlar.

Oqsillar (proteinlar) – 50 ta aminokislotalardan bir qancha milliongacha bo'lishi mumkin.


### II. Tarkibi bo'yicha:

Oddiy oqsillar (proteinlar) faqat aminokislota qoldiqlaridan iborat. Gistonlar nukleoproteinlar tarkibiga kiradi, genom aktivlik metabolizmini boshqarilishida muhum rol o'ynaydi. Albumin va globulinlar hayvon oqsillari bo'lib, sut, tuxum, muskullarda uchraydi.

Murakkab oqsillar (proteidlar) tarkibida aminokislotalardan tashqari qo'shimcha moddalar tutadi. Xromoproteidlar (hemoglobin, sitokrom), nukleoproteid – yadrodaggi nuklein kislotaga birikkan oqsillar (xromatin). Lipoprotein – oqsil va lipidlardan iborat (plazmatik membranadagi). Fosfoproteidlar – oqsil va fosfatlardan iborat (sutda, tuxum sarig'ida, baliq ikrasida ko'p bo'ladi). Glikoproteidlar – oqsil uglevodlar birikmasi (hujayra membranasi komponenti). Metalloproteidlar – oqsil va metallar birikmasi (fermentlar).

### III. Strukturasi bo'yicha:

*Fibrillyar oqsillar* – polipeptid zanjir ipsimon, suvda yomon



32-r a s m. Oqsilning denaturatsiya va renaturatsiyasi.

eriydi (soch va mol shoxidagi keratin, mushakdagi miozin, suyakdagi kollagen).

*Globulyar oqsillar* – sharsimon polipeptid zanjir, suvda (albuminlar) yoki natriy xloridning kuchsiz eritmasida (qon plazmasi oqsillari, fermentlar) eriydigan oqsillar.

### Nazorat savollari

1. Oqsil tarkibida aminokislotalar o‘zaro qanday bog‘lar orqali birikadi? Peptidlар qanday hosil bo‘ladi?

2. Nima uchun birlamchi struktura oqsil strukturasini belgilashda hal qiluvchi ahamiyatga ega?

3. Oqsil molekulasining yuqori struktura darajalarida kuchsiz aloqlar qanday rol o‘ynaydi?

4. Sodda oqsillar proteinlar bilan murakkab oqsillar proteidlar orasida qanday farq bor?

5. Oqsillarning yuksak molekulali polimer birikma bo‘lishi ularning qanday fizik-kimyoviy xossalarda kuzatiladi?

6. Oqsil molekulasining tuzilish darajasi deyilganda nimani tushunasiz?

7. Oqsilning denaturatsiya va renaturatsiya reaksiyalari qanday ahamiyatga ega?

### Mustaqil yechish uchun test savollari

**1. Oqsilning ikkilamchi strukturasi qaysi bog‘lar hisobiga hosil bo‘ladi?**

- A) peptid B) vodorod C) disulfid D) gidrofob

**2. Oqsil molekulasida vodorod bog‘i ..... sodir bo‘ladi.**

- A) Qo‘shti aminokislotalarning radikallari o‘rtasida sodir bo‘ladi.

B) Qo‘shti bo‘limgan, lekin bir-biriga yaqin bo‘lgan aminokislotalarning amino va karboksil guruhlari o‘rtasida sodir bo‘ladi.

C) Qo‘shti aminokislotalarning amino va karboksil guruhlari o‘rtasida sodir bo‘ladi.

D) Qo‘shti aminokislotalarning amino va hidroksil guruhlari o‘rtasida sodir bo‘ladi.

**3. Oddiy oqsillar faqat aminokislotalardan iborat bo‘lib, ..... deyiladi.**

- A) proteinlar B) proteidlar C) sifatsiz oqsillar D) proteamin

**4. Murakkab oqsillar parchalanganda qanday moddalar hosil bo‘ladi?**

A) faqat aminokislotalar B) aminokislotalar va qo‘sishcha moddalar C) protein D) proteid

**5. Quyidagilardan proteidlarni toping.**

1) gemoglobin; 2) fosfoprotein; 3) albumin; 4) glikoprotein; 5) globulin; 6) nukleoproteid;

- A) 2, 4, 6 B) 1, 3, 4 C) 1, 2, 3 D) 2, 5, 6

## 17-§. Oqsillarning funksiyalari. Fermentlar. Vitaminlar

Hujayrada oqsillar hayot uchun zarur xilma-xil funksiyalarni bajaradi. Oqsillar hujayraning *qurulish – struktura materialidir*. Hujayraning barcha komponentlari, yadrosi, membranalari, organoidlar membranalari va ularning tarkibi oqsildan iborat. Oqsillarning bajaradigan vazifalari ichida eng muhimi hujayrada kechadigan reaksiyalarni tezlashtirishi hisoblanadi. Bu oqsillarning *fermentativ* funksiyasidir.

Oqsillarning *qisqaruvchanlik* funksiyasi ham mavjud. Mushak hujayralari tarkibidagi miofibrillar asosan aktin va miozin oqsillaridan iborat. Ularga mushaklar qisqarishi uchun zarur energiya manbayi ATP qo'shilsa, aktin va miozindan iborat aktomiozin kompleksi qisqaradi. Hujayrada oksidlanish jarayonining borishi uchun to'qima uzlusiz kislorod bilan ta'minlanib turishi kerak. Havodan olingan O<sub>2</sub> o'pkada qizil qon tanachalari – eritrotsillardagi gemoglobin oqsiliga birikadi va to'qimalarga yetkazib beriladi. To'qimalardagi CO<sub>2</sub> gemoglobin oqsiliga birikib o'pkaga yetkaziladi. Bir qancha biologik faol moddalar, jumladan gormonlar deb ataluvchi ichki sekretsiya bezlarining mahsuloti ham qonda maxsus oqsillarga birikib transport qilinadi. Bu oqsilning transport funksiyasiga *kiradi*. Organizm tashqaridan kirgan yot moddalarga qarshi kurashish qobiliyati immunitet deyiladi. Immunitetni ta'minlashda ishtirok etuvchi, limfotsit hujayralarida ishlab chiqariluvchi antitanalar oqsil tabiatlidir. Antitanalar tashqaridan kirgan yot modda – antigenga bog'lanib, uni zararsizlantirishda ishtirok etadi. Demak, organizmni yot moddalar, xususan infeksiyaga qarshi kurashish qibiliyati – immunitet ham oqsilga bog'liq. Bu oqsilning *himoya* funksiyasidir. Bir qator gormonlar, masalan oshqozon osti bezining insulin gormoni, gipofiz bezining gormonlari ham oqsil tabiatli. Bu gormonlar regulyator – boshqarish xususiyatiga ega. Bu oqsillarning *gормональ* funksiyasidir.

Oqsillar hujayra tomonidan tashqi muhit ta'sirlarini qabul qilib olish va ularni boshqa shaklga o'zgartirib hujayraning ichki ish bajaradigan strukturalariga yetkazilishini ta'min etadi. Bu oqsillarning *signal* funksiyasi deyilib, hujayraning tashqi membranasi sathida joylashgan maxsus oqsil molekulalari yoki ularning boshqa molekulalalar bilan hosil qilgan komplekslarining ishiga bog'liq. Bu strukturalar retseptorlar – qabul qiluvchilar deb ataladi. Re-

tseptorlar qatoriga ko‘zning to‘r pardasida joylashgan yorug‘lik energiyasini qabul qilib oladigan ko‘rish pigmenti rodopsin oqsil tabiatlidir. Hujayra membranasida oqsil uglevod kompleksi – glikoproteinlarga gormonlar va boshqa faol birikmalar birikib hujayraning ichiga o‘tadi. Hujayralar glikoproteinlari orqali bir-biri bilan birikib to‘qimalarni hosil qiladi. Hujayralar glikoproteinlari yordamida gormonlar tomonidan oson boshqariladi. Bu oqsillarning *retseptorlik* funksiyasiga kiradi.

Turli hayvonlar, hasharotlar ishlab chiqarilgan ba’zi zaharlar – toksinlar ham oqsil tabiatiga ega. Masalan, ilon zaharidan taxminan 60 ga yaqin aminokislotalar qoldig‘idan tuzilgan toksinlar olin-gan. Bir qator oqsillar, masalan, tuxum oqsili kazein tuxum oqida-gi albumin, qondagi ferritin, sutdagи kazein bug‘doy donidagi gliadin, makkajo‘xoridagi zein ehtiyoj uchun tejalgan oqsillar bo‘lib, ular tuxumda jo‘janing o‘sishida, bolaning ovqatlanishida, maysalarning o‘sib chiqishida sarf bo‘ladi. Bu oqsillarning tejam *oziq* va *energiya* manbayi sifatidagi funksiyasidir. Nihoyat, oqsillar parchalanishidan hosil bo‘lgan aminokislotalarning bir qismi to‘la oksidlanib, energiya manbayi sifatida xizmat qiladi. Bu oqsillarning *energetik* funksiyasidir.

**Fermentlar.** Tabiatda uglevodlarni yonishi uchun yuqori haro-rat, qand va yog‘larni parchalash uchun kuchli kislotalar kerak. Lekin organizmda bunday bo‘lmaydi. Organizmdagi bu jarayonlar biroz yumshoqroq kechadi. Organizmdagi barcha reaksiyalar katta tezlikda, ma’lum sur’atda va tartibda boradi. Bu organizmdagi oqsil tabiatli fermentlar faoliyati tufaylidir. Fermentlarning hammasi ham oqsil tabiatli bo‘lib, hujayraning o‘zida sintezlanadi. Fermentlarni *enzimlar* va *biologik katalizatorlar* deb ta’riflaydilar. Ferment nomi yunoncha fermentatsiya (fermentatio) gaz ajratib parchalanish, achish, bijg‘ish so‘zidan kelib chiqqan; Enzim so‘zi esa hujayra ichida degan ma’noni anglatadi. Fermentlar hamma tirik organizmlarda mavjud va biologik katalizatorlardir. Ferment ta’sir etadigan birikma substrat deyiladi. Ferment nomlari o‘zi ta’sir etadigan substrat nomining oxiriga “-aza” qo‘sishchasini qo‘sish bilan nomlanadi. Proteaza – oqsillarga ta’sir qiladigan, nukleaza – nuklein kislotalarga ta’sir qiladigan va boshqalar. Ferment ta’sir etadigan substratga nisbatan spetsifikdir. Masalan proteazalar oqsillarga, lipaza yog‘larga, korboqidrazalar uglevod-larga ta’sir qiladi. Fermentlarni substratlarga tanlab ta’sir qilishini “qulf-kalit” mexanizmiga o‘xshatish mumkin. Fermentlar bir

komponentli va ikki komponentli bo‘ladi. Bir komponentli fermentlar faqat oqsillar (*apoferment*) dan iborat bo‘ladi. Ikki komponentli fermentlar tarkibida oqsildan tashqari qo‘sishchaga past molekulali birikmalar (*koferment*) ham tutadi. Koferment faol guruh bo‘lib, substratning kimyoviy o‘zgarishini ta’minlaydi, kimyoviy guruhlarni yoki vodorod va elektronlarni ko‘chiradi. Koferment fermentning apoferment qismi bilan birikkandagina aktivlashadi. Kofermentlarning ko‘pchiligi nukleotidlar, fosforlangan vitaminlardir. Kofermentlarning eng muhimlari vodorod tashuvchi kodegidrazalar (NAD va NADF), koenzim A, adenozin trifosfat (ATF) dir.

Fermentlar katalizlaydigan reaksiyalarga qarab oltita bosh sinflarga bo‘linadi. Ular quyidagilar:

1. Oksireduktazalar – oksidlovchi-qaytaruvchi fermentlar.
2. Transferazalar – guruhlarni ko‘chiruvchi fermentlar.
3. Gidrolazalar – gidrolitik parchalanish fermentlari.
4. Liazalar – molekuladan guruhlarni suv ishtirokisiz ajratadigan va biriktiradigan fermentlar.
5. Izomerazalar – turli xil izomerizatsiya reaksiyalarini tezlashtiruvchi fermentlar.
6. Ligazalar – ATP energiyasidan foydalanib, ikki molekulani bir-biriga bog‘lovchi, sintezlovchi fermentlar.

**Vitaminlar.** Ko‘pchilik vitamin (lotinchadan olingan vita – hayot ma’nosini beradi) lar fermentlarning koferment tarkibiy qismiga kiradi. Ular lotin harflari bilan yozilib, A, B, C, D, E, K va h.k. vitaminlar deb nomланади. Organizmda vitaminlar yetishmay qolsa, moddalar almashinuvni buzilib, *avitaminoz* deb ataluvchi kasalliklar: raxit, shapko‘rlik, singa va boshqa kasalliklar paydo bo‘ladi.

## Nazorat savollari

1. Oqsillarning tirik organizmlar hayotidagi rolini ta’riflab bering.
2. Oqsillarning hujayradagi asosiy funksiyalarini aytib bering va misollar keltiring.
3. Fermentlarning hujayra hayotidagi roli nimada?
4. Fermentlarning reaksiyalar sur’atiga tasiri nimaga bog‘liq?
5. Fermentlarning substratga mos kelib bog‘lanishini nimaga o‘xshatish mumkin?
6. Qanday moddalarga vitaminlar deyiladi?
7. Koferment deb nimaga aytiladi?

## Mustaqil yechish uchun test savollari

**1. Oqsillarning hujayradagi eng muhim funksiyasini ko‘rsating.**

- A) fermentativ    B) immun    C) signal (retseptor)    D) energetik

**2. Antitanalar o‘z xossasiga ko‘ra qanday moddalar hisoblanishadi?**

- A) oqsil    B) ferment    C) gormon    D) uglevod

**3. Koferment .....**

- A) fermentning nofaol qismi    B) fermentning oqsil qismi

- C) fermentning faol qismi    D) fermentning past molekulyar qismi

**4. Molekuladan guruuhlarni suv ishtirokisiz ajratadigan va biriktiradigan fermentlar .....** deyiladi.

- A) transferazalar    B) liazalar    C) gidrolazalar    D) izomerazalar

**5. Qon tarkibidagi qaysi oqsil tejam oqsillarga kiradi?**


- A) albumin    B) ferritin    C) kazein    D) globulin

## 18-§. Uglevodlar

Uglevodlar uglerod, kislород va vodoroddan iborat organik moddadir. Uglevodlarning umumiy formulasi C ( $H_2O$ ) $n$  (n – uchdan kam emas). 1844-yilda K. Shmid uglevod terminini kiritdi. Hayvonlarda 2%, jigarda 5% gacha bo‘ladi. Uglevodlar o‘simlik hujayralarida 90% gacha bo‘lishi mumkin. Sovuqqa chidamli ba’zi o‘simliklar hujayralarida uglevodlar konsentratsiyalanadi. Aynan shu fiziologik jarayon o‘simliklarni sovuqdan himoya qiladi. Hamma uglevodlar 2 guruhgaga bo‘linadi: *monozalar yoki monosaxaridlar* va *polioza yoki polisaxaridlardir*. Bir qancha monosaxaridlar o‘zlaridan suv molekularini chiqarib, bir-biri bilan birikib polisaxaridlarni hosil qilishi mumkin, shuning uchun polisaxaridlar polimerlardir. Agar ikkita monosaxaridlar biriksa – di, uchta monosaxarid biriksa – tri, to‘rtta monosaxarid biriksa – tetrasaxaridlar, undan ko‘p bo‘lsa oligosaxaridlar yoki polisaxaridlarni tashkil qiladi.

*Monosaxaridlar*. Bu uglevodlar oddiy shakarlar deb nomlanadi. Ular bitta molekuladan iborat bo‘lib, kristall qattiq modda, suvda eruvchi, shirin ta’mli bo‘ladi. Uglevod molekulasida uglerod atomlariga qarab trioza – monosaxaridlar 3 atom uglerod tutadi, tetroza – 4 atom uglerod tutadi, pentoza – 5 uglerod atom tutadi, geksoza – 6 atom uglerod tutadi (*33-rasm*).

Triozalardan tirik organizmlarda uchrovchi eng muhimlari sut kislota va uzum kislotani misol qilamiz. Tetrozalarga fotosintez jarayonida hosil bo‘ladigan oraliq mahsulot eritroza misol bo‘ladi.



### 33-r a s m. Monosaxaridlar.

Pentozalarga tirik organizmlarda ko‘plab uchraydigan dezoksiriboza va ribozani ta’kidlaymiz. Geksozalarga glyukoza, fruktoza va galaktoza kirib, ularning umumiy formulasi  $C_6H_{12}O_6$ .

Glyukozaning molekula massasi 180. Erkin holda hujayralarda to‘qima suyuqliklarida bo‘ladi. U qonda doimo ma’lum konsentratsiyada hozir bo‘lib, to‘qimalarning energiyaga bo‘lgan ehtiyojni tezdan ta’minlab turadi. Odamlar qonida glyukoza miqdori 4,5–5,5 millimol (80–120mg foiz) ga teng. Uni *qon qandi* deb yuritiladi. Qonda glyukoza miqdorini belgilash muhim ahamiyatga ega, chunki uning miqdori ortib ketishi yoki kamayishi moddalar almashinishing buzilganligidan, ko‘pincha qandli diabet kasalligi kelib chiqqanligidan darak beradi.

Glyukoza – uzum shakari, tabiatda juda ko‘p uchraydi. Glyukoza hujayraning birlamchi energiyasini hosil qiladi. Qonda glyukozaning ortib ketishi nerv va mushak to‘qimasida salbiy o‘zgarishlar kuzatiladi. Glyukoza osmotik bosimni regulatsiyalaydi.

Fruktoza – meva shakari qandli diabetga uchragan odamlarga fruktoza beriladi. Chunki glyukoza hujayrada juda sekin o‘zlashtiriladi va shuning uchun qonda glyukoza miqdori oshib ketadi. Fruktoza glyukozaga nisbatan oson o‘zlashtiriladi va oson tarqaladi.

Galaktoza – glyukozaning trans izomeri, unda glyukozaning 4-uglerod atomi vodorod va gidroksid gruppasi o‘rin almashgan bo‘ladi. Galaktoza – sut shakari tarkibiga kiradi va boshqa polisaxaridlarning ham tarkibiga kira-di. Galaktoza jigarda va boshqa organ-larda glyukoza aylanishi mumkin.


Polisaxaridlarning birinchi tartibi oligosaxaridlardir. Oligosaxaridlarga saxaroza, lakoza va maltoza kiradi. Saxaroza glyukoza va fruktozalardan iboratdir. Suvda juda oson eriydi, o‘simliklarda ko‘p uchraydi (34-rasm).

Lakoza – sut shakari, glyukoza va glaktozadan iborat. Lakoza bolalarning asosiy ozuqasiga kiradi. Maltoza ikki molekula glyukozadan iborat. Maltoza kraxmal va glikogenning asosiy struktur elementidir.

**Murakkab polisaxaridlar.** Bu yuqori molekulyar uglevodlar bo‘lib, ko‘plab monasaxaridlardan iborat. Kraxmal o‘simliklarning zaxira uglevodlari, issiq suvda kraxmal kolloid eritmani hosil qiladi. 10–12 %ni amilaza va 80–90 %ni amilopektin tashkil qiladi.

Glikogen polisaxarid, hayvon va odam to‘qimalarida, shuningdek zamburug‘larda ham to‘planadi. Jigar va mushaklarda ko‘plab to‘planadi. Glikogen 30000 glyukoza qoldig‘idan iborat. Selluloza o‘simliklarning asosiy strukturasi bo‘lib, suvda erimaydi. Paxta tolasida 90% gacha bo‘lishi mumkin.

*Uglevodlar funksiyalari.* Uglevodlarni organizmda bir qancha funksiyalari mavjud, shulardan biri *energetik* funksiyadir. Organizmda asosan uglevodlar energiya manbayidir (masalan glyukoza). Uglevodlarning *struktura* funksiyasi ham mavjud. O‘simlik hujayrasining hujayra qobig‘i sellulozadan iborat. Hayvon hujayrasining plazmatik membranasi (plazmolemma) tarkibida uglevod oqsil kompleksi (glikokakaliks-glikoprotein) mavjud. Demak uglevod plazmatik membrana tarkibiy qismiga kiradi. Uglevodlар zaxira oziq modda sifatida to‘planadi, masalan zamburug‘ va hayvonlarda glikogen to‘plansa, o‘simliklarda kraxmal to‘planadi. Jigarda 10% gacha glikogen to‘planishi mumkin. Bu esa jigarning 0,2 %ini tashkil qiladi. *Himoya funksiyasi*, ovqat hazm qi-



34-r a s m. Disaxaridlар.

lish sistemasi, nafas olish sistemasi devorlarida glikoproteinlardan iborat bo'lib, bakteriya, viruslarni tutib qolib himoya qiladi.

### Nazorat savollari

1. Uglevodlarning vazifasi va tuzilishini aytинг.
2. Uglevodlarning klassifikatsiyasini ahamiyatini aytib bering.
3. Asosiy polisaxaridlarga nimalar kiradi?

### Mustaqil yechish uchun test savollari

#### **1. Monosaxaridlarga nimalar kiradi?**

- A) glyukoza, kraxmal, riboza, dezoksiriboza
- B) fruktoza, glyukoza, riboza, dezoksiriboza
- C) riboza, glikogen, kraxmal, fruktoza
- D) dezoksiriboza, selyuloza, kraxmal, glikogen

#### **2. Glikogen – bu ...**

- A) hujayra membranasi B) hayvon kraxmali
- C) hayvonlardagi zaxira oqsil D) hayvonlardagi zaxira yog'

#### **3. Disaxaridlarga misol keltiring**

- A) saxaroza, lakoza, maltoza B) glikogen, kraxmal
- C) riboza, dezoksiriboza D) lakoza, saxaroza, fruktoza

#### **4. Paxta tolasida necha foizgacha selluloza bo'ladi?**

- A) 10 B) 50 C) 80 D) 90


## 19-§. Lipidlar

**Lipidlar.** Lipidlar ham o'simlik va hayvonot olamida keng tarqalgan moddalarning asosiy turkumlaridan biri. Lipidlar guruhiga kiradigan birikmalar tarkibiy qismi va strukturasi jihatdan geterogen, bir-biridan farqli xarakterga ega. Lipidlar sinfiga taalluqli birikmalarning asosiy xususiyati shundaki, ular suvdan deyarli eri maydi, suv molekulalari bilan bog'lanmaydi, qutblanmagan erituvchilar, masalan, etanol, xloroform, efir, atseton, benzol, benzin va boshqalarda yaxshi eriydi. Shuning uchun ular gidrofob – suvdan qo'rqaqidan molekulalar qatoriga kiradi. Lipidlar organizmda, asosan quyidagi *biologik funksiyalarni* bajaradi:

1. Ular hujayra membranalarining ajralmas qismidir.
2. Energiyaning asosiy zaxira shakli.
3. Organizmda hujayra strukturalari va a'zolarini issiqlik, elektrik va mexanik ta'sirlardan himoya qiluvchi to'siq sifatida xizmat qiladi.

Lipidlar tuzilishiga ko‘ra sodda va murakkab bo‘ladi. Sodda lipidlar qatoriga yog‘lar, moylar va mumlar kiradi. Ular lipidlarning eng ko‘p tarqalgan va sodda vakillaridir. Yog‘lar va moylar kimyoviy tuzilishiga ko‘ra uch atomli spirt glitserin bilan turli yog‘ kislotalari birikishidan hosil bo‘lgan murakkab efirlardir. Yog‘lar va moylar oddiy sharoitdagi qattiq – suyuqligi (konsistensiyasi) bo‘yicha bir-biridan farq qiladi, ko‘pincha qattiq konsistensiyali vakillari yog‘ deb, suyuq konsistensiyali vakillari esa moy deb yuri-tiladi.

Yog‘lar (uch atomli spirt) gletserin bilan molekulyar organik yog‘ kislotalarining birikmalaridir. Hujayradagi yog‘ miqdori odatta ko‘p bo‘lmaydi. Quruq modda massasining 5–15 % yog‘ tashkil qiladi. Ammo ayrim hujayralarda yog‘ miqdori 90 % gacha bo‘ladi. Yog‘ suvda erimaydi, ya’ni gidrofob bo‘ladi. Hujayrada yog‘dan tashqari gidrofob xususiyatga ega bo‘lgan lipidlar ham bor. Ba’zi lipidlar kimyoviy strukturasi jihatdan yog‘larga o‘xshaydi (35-rasm). Murakkab lipidlar turkumiga bir-biridan ancha farqli, ko‘p komponentli, geterogen har xil jinsli birikmalar kiradi. Bu guruhning eng katta va muhim turkumi fosfolipidlar, letsitin va boshqa vakillari biologik membranalarning tuzilishida hamda faoliyatida asosiy rol o‘ynaydi. Lipidlar qatoriga sovunlanmaydigan, ya’ni ishqor ta’sirida gidrolizlanib, yog‘ kislota tuzlari sovun hosil qilmaydigan bir necha xil boshqa organik birikmalar ham kiradi. Bular qatorida eng muhimlari ko‘p halqali spirtlar – sterinlar (xolesterin, jinsiy gormonlar), o‘simlik pigmentlari (karotinlar, xlo-



35-r a s m. Glitsirin va 3 atomli yog‘ kislotalaridan yog‘ molekulasining sintezlanishi.

rofill), yog‘da eriydigan A, D, E, K vitamin gruppalaridir. Tabiiy yog‘larning asosiy tarkibiy qismi glitserin va uzun zanjirli yog‘ kislotalardan iborat neytral yog‘lar – triglitseridlardir. Ular gidrolizlanganda glitserin va erkin yog‘ kislotalar yoki ularning tuzlari sovunlar hosil bo‘ladi.

*Yog‘larning biologik roli* turli-tumandir. Yog‘lar hujayrada energiya manbayi bo‘lib, 1 g yog‘ parchalanganda 38,9 kJ yoki 9,3 kkal energiya chiqadi. 1g uglevod yonganida 4,2 kkal, 1 g oqsil yonganida 4,3 kkal issiqlik chiqaradi. Bundan tashqari, yog‘lar tarkibida uzun uglevodorod zanjirli yog‘ kislotalar va ular tarkibida faqat ikkitagina kislrorod borligi har bir yog‘ molekulasi oksidlanganda ko‘p miqdorda suv molekulalari hosil bo‘ladi. Bu faktarning ma’lum sharoitda bebaho qimmati bor. Masalan, suvli sharoitda yashaydigan hayvonlarning suvgaga talabi suv tanqis bo‘lgan hollarda, shuningdek tuxumdan jo‘ja ochirishda suvgaga bo‘lgan ehtiyoj, asosan yog‘ kislotalar oksidlanishi hisobiga qondiriladi. Suvsiz sahrolarda 10–12 kunlab suv ichmasdan yuradigan tuyalar ham o‘z o‘rkachlaridagi yog‘lar, uning yog‘ kislotalari oksidlanishi natijasida hosil bo‘ladigan suv hisobiga yashaydilar. Suvga bo‘lgan bunday tanqislikda 1 kg yog‘ oksidlanganda undan 1,1 kg suv hosil bo‘lishi hayotiy muhim ahamiyatga egadir. Yog‘lar hujayra membranalarining ajralmas qismi (strukturaviy) bo‘ladi. Yog‘lar bilan lipidlar *himoya* funksiyasini ham bajaradi, sovuqni o‘tkazmaydi.

### Nazorat savollari

1. Yog‘larning tuzilishi va funksiyasini aytинг.
2. Lipidlarni biologik membranalar tarkibidagi rolini aytинг.
3. Yog‘larning ahamiyatini aytинг.

### Mustaqil yechish uchun test savollari

1. **Yog‘ va uglevod molekulalari oqsildan farq qilib, unda ... bo‘lmaydi.**  
A) uglevod    B) azot    C) kislrorod    D) vodorod
2. **Hujayrani energiya bilan ta’minlovchi biomolekulalarni aniqlang.**  
A) uglevodlar va lipidlar    B) polisaxaridlar va ayrim oqsillar  
C) vitamin va gormonlar    D) nuklein kislota va vitaminlar
3. **Sodda lipidlar keltirilgan qatorni toping?**  
A) yog‘lar, moylar, mumlar    B) gliserin, yog‘ kislotosi  
C) fosfolipidlar, xolesterol    D) moylar, gliserin, yog‘ kislotosi
4. **Hujayrada 1 gr yog‘ parchalanganda qancha kJ energiya ajralib chiqadi?**

- A) 9,3   B) 38,9   C) 4,2   D) 4,3

**5. 1 g yog‘ oksidlanganda undan qancha kg suv hosil bo‘ladi?**

- A) 4,1   B) 9,3   C) 1,1   D) 0,8

## 20-§. Laboratoriya mashg‘uloti

### 1. Amilazaning kraxmalga ta’siri

**Ishdan maqsad:** amilaza fermentining murakkab uglevod-kraxmalga ta’sirini kuzatish.

**Jihozlar:** probirka, kolba, tomizgich, o’lchov idishlari, distillangan suv, 1 % li yod eritmasi, 0,5 % li kraxmal eritmasi, ferment shirasи.

**Eslatma:** Unib chiqqan bug‘doy yoki 5 kunlik maysasi yaxshilab maydalani va kolbaga solinadi. Ustiga 100 ml distillangan suv quyib, yaxshilab aralashtiriladi va 30 daqiqa davomida qoldiriladi, so‘ngra filtrdan o‘tkaziladi. Filtrdan o‘tgan suyuqlik amilaza ferment shirasи hisoblanadi.

#### Ishning borishi:

1. Har bir o‘quvchi stoliga 2 tadan probirka tarqatiladi.
2. Uning bittasiga 2–3 ml kraxmalning 0,5 %li eritmasi solinadi.
3. Ikkinci probirkaga 2–3 ml kraxmalning 0,5 %li eritmasi solinib, uning ustiga ferment shirasidan 1 ml qo‘shiladi. Vaqtini belgilab, probirkadagi aralashma chayqatiladi.
4. So‘ngra birinchi probirkaga bir tomchi yod tomiziladi. Bunda probirkadagi suyuqlik ko‘k rangga kiradi. Suyuqlik tarkibidagi kraxmal yod ta’sirida ko‘k rangga kirganligini ko‘rsatadi.
5. Ikkinci probirkaga bir tomchi yod tomizilganda amilaza fermenti shirasи qo‘shilgan probirkada uning miqdoriga qarab binafsha, qizil, sariq rang hosil bo‘ladi. Bu amilaza ta’sirida kraxmalning parchalanganligidan dalolat beradi.
6. Olingan natija va xulosalar daftarga yozib olinadi.

## 21-§. Nuklein kislotalar

Har qanday hujayra bo‘linish, nasl qoldirish, ko‘payish xususiyatiga ega. Yangi hosil bo‘lgan qiz hujayra o‘z belgi xossalari bilan ona hujayraga o‘xhash bo‘ladi. Bu belgilarni deyiladi va hujayra yadrosidagi nuklein kislotalar tomonidan saqlanadi va keyingi naslga beriladi. Biror-bir belgi oqsillar ko‘rinishida

bo‘ladi. Masalan teridagi melanin – bu oqsil, insulin gormoni bu ham oqsildir. Bitta hujayrada minglab oqsillar sintezi bexato amalga oshadi. Bu nasliy belgilar nuklein kislotaning strukturasida kimyoviy tilda yozilgan ko‘rsatma, qolip-matritsa tarzida bo‘ladi va shunga qarab oqsil tarkibidagi aminokislotalar joylashadi. Nuklein kislotalarning biologik ahamiyati katta. Ular hujayra oqsillarini sintezlanishida muhim rol o‘ynaydi. Har bir hujayra ona hujayraning bo‘linishi natijasida vujudga keladi. Shu bilan birga ona hujayraning xossalari va belgilari qiz hujayraga meros bo‘lib o‘tadi. Hujayraning xossa va belgilari uning oqsillari tarkibiga bog‘liq.



Ona hujayrada oqsillar strukturasi va tarkibi qanday bo‘lsa, qiz hujayralarda ham xuddi shunday strukturalar va tarkibli oqsillar sintezlanishini nuklein kislotalar ta’minlaydi. Nuklein kislotalarni 1869-yilda oq qon tanachalari (yiring hujayralari) ning yadrosidan shveytsariyalik olim Fridrix Misher tomonidan ajratib olingan. Yadrodan ajratib olinganligi va tarkibida fosfat kislotasi bo‘lganligidan, kislotalilik xususiyatga ega bo‘lganligidan nuklein kislotalar deb nomlandi.

Nuklein kislotalarning biologik xususiyatlari 1940-yillardagina tushunila boshlandi.

Nuklein kislotalarning hujayrada uchrush joyi, bajaradigan vazifasi va tuzilishiga qarab asosan 2 turi farqlanadi. Ularning biri *dezoksiribonuklein kislotasi (DNK)* va *ribonuklein kislotasi (RNK)*. D NK asosan hujayraning yadrosida, shuningdek, mitoxondriya va plastidalarda ham bo‘ladi. D NK nasliy belgilarni saqlash, nasldan nasnga o‘tqazish funksiyalarni bajaradi.

Uning bu nomni olishiga sabab, molekulasida pentoza uglevod dezoksiriboza joylashganligidandir. Ikkinchisi ribonuklein kislotasi, RNK asosan sitoplasmada joylashgan bo‘lib, qisman yadroda, plastida va mitoxondriyalarda ham uchraydi. Ribonuklein kislotalarning uglevod komponenti ribozadir. Har bir eukariotlar va prokariotlarda ham nuklein kislotalardan D NK ham, RNK ham bo‘ladi. Faqat viruslarda ularning biri yoki D NK yoki RNK bo‘ladi. Hujayra yadrosidagi D NK miqdori doimiy, RNK miqdori o‘zgarib turadi. D NK makromolekulyar birikma bo‘lib, og‘irligi o‘n millionlarni va hatto, yuz millionlarni tashkil qiladi. D NK molekulasi bir-biriga o‘ralgan ikkita zanjirdan iborat (*36-rasm*).

Nuklein kislotalar yuqori molekulyar polimer bo‘lib, juda ko‘p monomerlardan tuzilgan. Ular *nukleotid* deb ataluvchi monomerlardan tuzilganligi uchun *polinukleotid* deb ataladi. Har bir



36-rasm. D NK qo'sh zanjirining tuzilishi.

mononukleotid fosfat, monosaxarid pentoza-riboza yoki dezoksiribozadan va azot asosidan: purin yoki pirimiddin asosidan tashkil topgan (*7-jadval*). Azot asoslarini ko'pincha nomlari bosh harflari bilan ko'rsatish qabul qilingan: adenin (A), guanin (G), sitozin (S), timin (T), uratsil (U) (*37-rasm*).



*7-jadval*

#### Nuklein kislotalar tarkibi

Komponentlar	RNK	D NK
Fosfat kislota	$\text{H}_3\text{PO}_4$	$\text{H}_3\text{PO}_4$
Uglevod-monosaxarid pentoza	Riboza	Dezoksiribozza
Azot asoslari		
Purin asoslari	Adenin, Guanin	Adenin, Guanin
Pirimiddin asoslari	Sitozin, Uratsil	Sitozin, Timin

1953-yilda ingliz olimlari Uotson va Krik D NK molekulasini qo'sh spiral strukturaga ega ekanligini kashf qildilar. Bu kashfiyat orqali irlarining nasldan naslga o'tish sirlari ochildi. Kashfiyat yangi molekulyar biologiya fanining vujudga kelishiga zamin yaratdi.


**Nukleotidlar.** Kimyoviy jihatdan D NKning har bir zanjiri



### 37-r a s m. Azotli asoslar.

polimer bo‘lib, uning monomerlari nukleotidlardir. Nukleotid 3 xil modda: azotli asos, uglevod va fosfat kislotaning kimyoviy birikish mahsulidir. Azot asoslari – OH tutgan azotli organik birikmalardir. DNK va RNK tarkibiga kiradigan azot asoslari purin yoki pirimidin halqali oksi- va amin- gruppalar tutuvchi geterotsiklik birikmalardir. Nukleotiddan fosfat kislota ajralgandan keyin qolgan azot asosi va uglevoddan iborat ikki komponentli birikma *nukleozid* deyladi (38-rasm). Nukleozid bir, ikki, uchta anorganik fosfat kislota qoldig‘i bilan birikkan bo‘lishi mumkin, ular nukleozid monofosfat, difosfat, trifosfat deb ataladi. Masalan erkin nukleotidlardan ATF (adenozintrifosfat), NAD (nikotinamidadenin dinukleotid), FAD (flavinadenindinukleotid) larni keltirishimiz mumkin.

Nukleotidlар hujayrada erkin shaklda ham uchraydi va juda ko‘p fiziologik jarayonlarda muhim o‘rin tutadi. Bir qator erkin



Dezoksiadenozin 5'-fosfat (d LMF)

38-r a s m. Nukleotid va nukleozidning tuzilishi.

nukleotidlar fermentlarning faol koferment gruppalarini sifatida fermentning katalitik reaksiyalarni ta'minlaydi, ular qatorida oksidalanish-qaytarilish reaksiyalarida vodorodni qabul qiluvchi akseptorlar nikotinamidadenin dinukleotid NAD va NADF, flavinadenindinukleotid FAD, atsil-atsetil gruppalarini tashuvchi koenzim A K<sub>0</sub>A va boshqalar mavjud. Lekin erkin nukleotidlar orasida eng muhimmi adenozin trifosfat ATPdir.

### Nazorat savollari

1. Nuklein kislotalarni kashf qilinish tarixi haqida nima bilasiz?
2. Nukletid va nukleozit terminlariga ta'rif bering.
3. Gurin va pirimiddin azotli asoslarni izohlang.

### Mustaqil yechish uchun test savollari

- 1. Nukleotidning tarkibida nima bo'lishini ko'rsating?**
  - azotli asos, pentoza, fosfat kislota qoldig'i
  - azotli asos, pentoza
  - purin asos, riboza, fosfat kislota qoldig'i
  - pirimiddin asos, riboza
- 2. Purin azotli asoslarni ko'rsating.**
  - adenin, tinin
  - gusnin, sitozin
  - adenin, guanin
  - sitozin, uratsil, timin
- 3. Pirimiddin azotli asoslarni ko'rsating.**
  - adenin, timin
  - guamin, sitozin
  - adenin, guamin
  - sitozin, timin

#### **4. Nukleozid tarkibida ..... bo‘ladi.**

- A) azotli asos va pentoza B) azotli asos, pentoza, fosfat kislota qoldig‘i
- C) pentoza va fosfat kislota qoldig‘i
- D) azotli asos, fosfat kislota qoldig‘i

#### **5. Erkin nukleotidlardan orasida eng muhimini quyida berilganlarning qaysi biri hisoblanadi?**

- A) Nikotinamidadenin dunukleotid B) Flavinmononukleotid
- C) Flavinadenipnukleotid D) Koenzim A<sub>1</sub> E) Adenozintrifosfat

## **22-§. Polinukleotidlarning tuzilishi**

Nuklein kislotalarni tashkil etadigan polinukleotidlarning molekulyar massasi 20000 dan bir necha milliongacha. RNK DNKga nisbatan ancha sodda, molekulyar massasi kichik, tarkibiga kiradigan mononukleotidlardan soni 70 dan 3000 gacha, DNKda esa milliongacha yetadi. Polinukleotid zanjirida mononukleotidlardan o‘zaro fosfodiefir bog‘i yordamida bog‘lanadi. Fosfat gruppasi ikkita qo‘shti nukleotidlarning uglevod qoldiqlarini 3<sup>‘</sup> va 5<sup>‘</sup> atomlari bilan efir bog‘i hosil qilganidan u 3<sup>‘</sup>—5<sup>‘</sup> fosfodiefir bog‘ deb ataladi. Polinukleotid zanjir shoxlanmagan uzun tizilma hosil qilganida uning bir uchida erkin 5<sup>‘</sup> OH ikkinchi uchida erkin 3<sup>‘</sup> OH bo‘ladi. Polinukleotidlarda mononukleotidlarning birincketin izchil joylashishi uning birlamchi strukturasini tashkil etadi.

Polinukleotid zanjiri uzun bo‘lganidan uning formulasini bunday to‘la yozish ko‘p vaqt va joy talab qiladi. Eng muhim bu shaklda yozishga ehtiyoj yo‘q. Nuklein kislotalarning formulasini yozishda uning nukleotid tartibiga ularning nomlarini bosh harflari bilan ifodalash qabul qilingan. Bunda har bir nukleotid bitta harf bilan ifodalanadi: N — umuman nukleotid: A, G, C, U, T — konkret nukleotidlardan: A — adenin, G — guanin, C — sitozin, U — uratsil, T — timin, bunda fosfat kislota qoldig‘i f oddinda bo‘lsa u polinukleotidning 5<sup>‘</sup> — uchini, orqada bo‘lsa 3<sup>‘</sup> — uchini bildiradi (*40-rasm*). Masalan, fAfGfSfT.

**Dezoksiribonuklein kislota.** DNK barcha tirik organizmlarda va bir qancha viruslarda mavjud. DNK irsiyatning asosiy materiali, genetik axborotni saqlaydi va nasldan naslga o‘tkazadi. DNK molekulasining birlamchi strukturasi izchil joylashgan dezoksiribonukleotidlardan qatoridan iborat, har bir qator bir zanjir hisoblansa, DNK molekulasi bir-birini o‘ragan ikki zanjirdan iborat. DNK qo‘shtan zanjirining yo‘g‘onligi 2 nm ga teng. DNKning bitta zanjiridagi qo‘shti asoslari orasidagi masofa 0,34 nm, zanjirning bitta

aylanish uzunligi 3,4 nm ni tashkil qiladi va bitta aylanada 10 ta nukleotidni o‘z ichiga oladi. (DNKning ikki zanjirida bitta aylana- da 20 ta nukleotid joylashadi) (*36-rasm*). D NKning molekulyar massasi ham juda katta. Butun holda ajratib olingan eng katta D NKning molekulyar massasi  $10^{-9}$  daltonga teng.

D NKning bir zanjirni azotli asoslariga ikkinchi zanjirning azotli asoslar qarama-qarshi (komplementar) joylashadi. Bir zanjirdagi adenin (A) qarshisida hamisha 2-zanjirning timin (T) turadi. Guanin (G) qarshisida esa 2-zanjirdagi sitozin (C) joylashadi (*40-rasm*).

Buning sababi shuki, G va C dagi kabi A va T da ham azotli asoslar molekulalarining chetlari geometrik jihatdan mos keladi, shuning uchun ular bir-biriga yaqin kelib, o‘zaro vodorod bog‘lari hosil qiladi. Ayni vaqtda G bilan C o‘rtasida 3 ta, A bilan T esa 2 ta vodorod bog‘i hosil qilib birikadi. Shunga ko‘ra adenin timin bilan, guanin esa sitozin bilan to‘ldiriladi. To‘ldirish so‘zi lotin-chadan olingan bo‘lib, «*komplementarlik*» deyiladi.


D NK zanjirining 1-qismi: A-C-T-T-G

D NK zanjirining 2-qismi: T-G-A-A-C

D NK molekulasi bir zanjirida nukleotidlarning ketma-ket ke- lish tartibi ma’lum bo‘lsa, ikkinchi zanjirdagi nukleotidlarning ketma-ket kelish tartibiga komplementarlik tamoyiliga muofiq bel- gilanadi. Lekin ikkita zanjir bir-biriga qarama-qarshi yo‘nalishda antiparallel o‘rin olgan (*40-rasm*). Zanjirning bir-biriga mos va komplementar bo‘lishi ham bir zanjirdagi purin asosi qarshisida ikkinchi zanjirda pirimiddin asosini bo‘lishini talab qiladi. D NK zanjirida A (adenin) T (timinga), G (guanin) esa C (sitozinga) teng bo‘ladi. Lekin D NK zanjirida AT juftligi GC juftiga teng bo‘lmaydi. D NK nasliy informatsiya xazinasidir. Bu informatsiya butun D NK molekulasida joylashgan nukleotidlar tarkibida, ularning birin-ketin kelishi shaklida yozilgan.

**Ribonuklein kislotalar.** RNK ham D NK kabi yuqori organik polimerdir. RNKning ham monomeri nukleotiddir. Azotli asoslar- ning 3 tasi D NKning nukleotidlari kabi A, G, C bo‘lsa, 4-nukleo- tidi timin o‘rniga uratsil (U) to‘g‘ri keladi. D NKdagi uglevodlardan dezoksiriboza bo‘lsa, RNKda riboza bo‘ladi (*39-rasm*).


Shuningdek, RNK tarkibida ham fosfat kislötaning qoldig‘i bo‘ladi. RNK strukturası D NK strukturasiga o‘xshaydi, ammo farqi ham bor. RNK strukturasida qo‘sish spiral yo‘q va bajaratigan vazifalarida ham farq bor. D NK irsiy axborotni saqlash va nasldan



39-rasm. Uglevod pentoza.

naslga o'tkazish vazifasini bajarsa, RNK oqsil sintezida ishtirok etadi.


Hujayrada asosan 3 xil RNK mavjud. Ular tRNK (transport RNK), rRNK (ribosomal RNK) va iRNK (informatsion RNK). tRNK tarkibiga 75–100 tagacha mononukleotidlardan tashkil topgan, molekulyar massasi 23000–30000, umumiylar larning 18% ini tashkil qiladi. Har bir aminokislota uchun spetsifik tRNK mavjud. tRNKning birlamchi strukturasining ayrim qismlaridagi nukleotidlari qo'sh asoslar tashkil qilib birikishi natijasida «beda bargi» nomi bilan yuritiladigan ikkilamchi struktura kelib chiqadi.




40-r a s m. DNKnинг qo'sh zanjiri.

tRNK sitoplazmada ma'lum erkin aminokislotani biriktirib ribosomaga tashib keltiradi (*41-rasm*). tRNKda akseptor uchi va antikodon qismi mavjud. Akseptor uchi bilan aminokislotani biriktiradi, antikodon qismidagi uchta nukleotid (triplet) iRNK kodon (bitta aminokislotani sinteziga javobgar uchta nukleotiddan iborat) qismiga mos keladi. Bundan tashqari tRNK aminokislotani sintezlanayotgan oqsilning qaysi qismiga o'tirishini ta'minlaydi (adaptorlik funksiyasi). RNKning boshqa bir turi informatsion RNK (iRNK) yoki matritsali RNK (mRNK) deb ham yuritiladi. iRNK nukleotidlari soni 75–3000, molekulyar massasi 25000–1000000, barcha RNKLarning 2% ini tashkil qiladi. iRNK o'zida DNKdan ko'chirib olingan axborotni saqlaydi va oqsil sintezi vaqtida matritsa (qolip) vazifasini bajaradi. iRNK oqsil sintezlanayotgan vaqtida DNKdan axborotni yetkazib beradi. rRNK 100–3100 nukleotiddan iborat, molekulyar massasi 35000–1100000, umumiyligi RNKLarning 80% ini tashkil qiladi. rRNK ribosomada bo'lib, oqsil sintezida qatnashadi, ya'ni ribosoma oqsillari bilan birikib, ribosomani tashkil qiladi va ribosomani iRNKda qadam-baqadam siljishini ta'minlaydi.

**ATF – adenozintrifosfat kislota.** ATF kimyoviy strukturasi jihatidan nukleotid bo'lib, har qanday nukleotid kabi, ATFdagi azotli asos adenin, uglevodli birikma – riboza va fosfat kislota qoldig'i mavjud. Ammo ATF molekulasining fosfat kislotali qismi oddiy nukleotidlardan farq qiladi. Molekulasining shu qismida 3 molekula fosfat kislota kondensatlangan (*42-rasm*). ATFdagi bir molekula fosfat kislota ajralib ketsa, u ADFga aylanadi, 2 molekula fosfat kislota ajralib ketsa, AMFga aylanadi. ATFdagi bir molekula fosfat kislota ajralib ketishi reaksiyasida juda katta energiya ajralib chiqadi. Bir molekula fosfat kislota ajralishidan 40kJ (110 kkal) energiya ajralib chiqadi. ATF hayvon va o'simliklarning hujayralarida ro'y beradigan jarayonlarda muhim ahamiyatga ega.



*41-rasm. tRNKning tuzilishi*



42-rasm. Adenozintrifosfat kislota.

### Nazorat savollari

1. Nuklein kislotalarning tuzilishi va xillari.
2. Nuklein kislotalarning funksiyalari.
3. DNK va RNKning o'xshashlik va farqlari.
4. ATP tuzilishi va funksiyasi.

### Mustaqil yechish uchun testlar

**1. Oqsil sintezida quyidagi berilganlardan qaysi biri qolip vazifasini bajaradi?**

- A) DNK B) i-RNK C) r-RNK D) t-RNK E) B, C, D

**2. Nasliy belgilari hujayradagi qanday jarayonlarni ta'minlaydi?**

- A) oqsillarning sifati B) oqsillarning miqdori C) oqsillarning hujayra ichida taqsimlanishi D) oqsillarning hujayra ichida almashinishi E) barcha javoblar to'g'ri

**3. Hujayradagi RNKlar bir-biridan qaysi belgilari bilan farq qiladi?**

- A) molekulyar massasi, uchrash joyi, uglevodlar  
 B) nukleotidlarni, molekulyar massasi, vazifikasi  
 C) nukleotidlarning xillari, uchrash joyi, uglevodlari  
 D) tarkibidagi azotli asos va uglevodlari  
 E) tarkibida timin va uratsil bo'lishi

**4. RNK tarkibiga kiradigan mononukleotidlarni nechtagacha bo'ladi?**

- A) 30 – 70 B) 50 – 70 C) 70 – 30000 D) 1 – 70 E) 3000 – 6000000

## 23-§. Organizm darajasidagi moddalar almashinuvি

Tirik organizmning hayoti tashqi muhitdan uzluksiz ravishda murakkab va sodda moddalarini oziq tariqasida qabul qilish, ularni o'zlashtirish, qayta foydalanilmaydigan chiqindi moddalarini tashqariga ajratib turishdan iborat. Bu jarayon moddalar almashinuvি deb ataladi. Moddalar almashinvida hujayrada kechadigan bir

qancha kimyoviy reaksiyalar sodir bo‘ladi. U, asosan ikki yo‘nalishda o‘tadigan reaksiyalar oqimidan tashkil topadi. Biri anabolitik reaksiyalar, anabolizm bo‘lib, sintetik jarayonni o‘z ichiga oladi. Bunda tashqi muhitdan organizmga kirgan oziqa organizm tarkibiy komponentlariga aylantiriladi (assimilyatsiya). Ikkinci yo‘nalish katabolizm, parchalanish, achish va energiya ajratadigan oksidlanish reaksiyalarni o‘z ichiga oladi (dissimilyatsiya). Tirik organizmnning barcha tarkibiy qismlari doimo, to‘xtovsiz parchalanib, qaytadan sintezlanib turadi. Moddalar almashinuv ma’nosini oziq sifatida tashqaridan qabul qilingan birikmalardan organizm o‘zing maxsus molekulalarini, o‘z tanasining komponentlarini tuzishidir. Moddalar almashinuvining bu tomoni *plastik almashinuv* deb ataladi. Bu haqida quyida ma’lumot berilgan. Har bir turning oqsillari o‘ziga xos bo‘lgani sababli tashqaridan qabul qilingan yog‘ oqsil bevosita hujayra oqsili o‘rnini bosa olmaydi va o‘ziga xos oqsillar sintezi uchun faqat aminokislotalar manbayi sifatida xizmat qiladi. Buning uchun oziq bilan qabul qilingan oqsillar, shuningdek nuklein kislotalar, qisman murakkab lipidlar o‘z tarkibiy qismlari ga parchalanishi zarur. Hosil bo‘lgan sodda molekulalar amino-kislotalar, nukleotidlар hujayra komponentlari tarkibiy qismlarining sintezi uchun sarf bo‘ladi.

Shuning uchun bu jarayon moddalar almashinuvini deb yuritiladi va energiya almashinuvini ham o‘z ichiga oladi. Chunki organizmda kechadigan har qanday harakat har bir yangi molekulaning sintezlanishi, yaratilishi energiya sarf qilinishini talab qiladi. Hujayra membranasi, yadrovi va boshqa organellalarining tuzilishi uchun zarur oqsil, nuklein kislotalarning sintezi ham doimo energiya sarf qilish bilan kechadi. Hujayraning energiyaga bo‘lgan ehtiyoji ovqat bilan qabul qilingan moddalarining parchalanishiga, to‘la oksidlanib  $\text{CO}_2$ ,  $\text{H}_2\text{O}$  ga aylanishiga va siydikchil,  $\text{CO}_2$  kabi chiqindilar shaklida tashqi muhitga chiqarib turilishiga bog‘liq. Hujayrada energiya almashinuvni davomida ovqat modda molekulalaridagi bog‘langan kimyoviy energiya hujayrada iste’mol qilinishga moslashgan ATPning energiyaga boy fosfat bog‘lariga aylanadi, ya’ni bu jarayonda energiya shaklining o‘zgarishi, transformatsiyasi kuzatiladi. Barcha organizmlar assimilyatsiya jarayonlariga ko‘ra autotrof, geterotrof va miksotrof xillarga bo‘linadi.

**Geterotrof organizmlar.** Geterotrof (yunoncha heteros – boshqa, trophe – ovqat, ozuqa) organizmlar tayyor organizm moddalar bilan oziqlanadi. Ular o‘z tanasi (hujayralarining qismlarini,

to‘qima va organlari) ni tayyor organik modda hisobiga quradi. Evolutsiya davomida dastlab geterotrof organizmlar paydo bo‘lgan. Geterotrof organizmlarga ko‘pgina bakteriyalar, zamburug‘lar, hamma hayvonlar kiradi. Geterotrof oziqlanish asosan golozoy va osmotik xillarga bo‘linadi. *Golozoy* oziqlanishda qattiq oziq bo‘lagini yutub, so‘ngra hazm qiladi. Masalan amyoba qattiq oziqni qamrab olib, yutub yuboradi, so‘ng amyobada hazm qilish vakuolasi hosil bo‘ladi. Ko‘pgina bakteriya, bir qancha bir hujayrali hayvonlar, achitqi va po‘panak zamburug‘lar hujayrasining *osmotik* bosimi yordamida erigan organik moddalarni tashqaridan shimib oladi. Buning uchun hujayra tashqarisidagi qattiq organik moddalarni erituvchi moddalar ishlab chiqaradi. Ishlab chiqarilgan modda organik moddani eritadi va eritma shaklidagi organik modda hujayra ichiga so‘riladi. So‘rilgan organik modda kimyoviy o‘zgarishlarga uchraydi.

**Autotrof organizmlar.** Autotrof (yunoncha *autos* – o‘zi, *trophe* – ovqat) organizmlar oddiy anorganik moddalardan organik moddalarni sintezlaydi. Autotrof organizm hujayralarida anorganik moddalardan organik moddalarni sintezlash uchun energiya kerak bo‘ladi. Olinayotgan energiya manbayiga ko‘ra autotrof organizmlar *fototrof* va *xemototrof* organizmlarga ajraladi.

Fotosintezlovchi (yunoncha *photos* – yorug‘lik) organizm plastidalarga ega bo‘ladi. Fototrof organizmlar yorug‘lik energiyasidan foydalanib, anorganik moddalardan organik moddalarni sintezlay oladi. Fototrof organizmlarga aksariyat o‘simliklarni misol qilishimiz mumkin. Xemototrof organizmlarga bakteriyalarning ayrimlari azatabakteriyalar, otingugurt bakteriyalari, temir va vodorod bakteriyalarni misol qilishimiz mumkin. Xemototrof organizmlar kimyoviy energiyadan foydalanib anorganik moddalardan organik moddalarni sintezlab, hosil bo‘lgan organik moddalarni bakteriya o‘zining hujayrasi uchun sarflaydi.

**Miksotrof organizmlar.** Miksotrof (yunoncha *mixtus* – aralash) organizmlar oziqlanishi jihatdan oraliq organizmlardir. Odatta yashab turgan miksotrof organizm autotroflarga o‘xshab oziqlanadi lekin geterotrof organizmga o‘xshab ham oziqlanishi mumkin. Masalan yashil evglena yorug‘lik yetarli bo‘lgan vaqtida fotosintez qilish xususiyatiga ega bo‘ladi, qorong‘i joyda geterotroflarga o‘xshab tayyor organik moddalarni membranasini orqali o‘zlashtiradi. Miksotrof organizmlarga yirtqich (ha-sharotxo‘r) o‘simliklarni misol qilishimiz ham mumkin.

## Nazorat savollari

1. Qanday organizmlar autotrof organizmlar deyiladi?
2. Fototrof va xemototrof organizmlarga ta’rif bering.
3. Geterotrof organizmlar deganda qanday organizmlarni tushunasiz va ularning qanday xillari mavjud?
4. Autotrof va geterotrof organizmlarning o‘zaro munosabatini izohlang.
5. Miksotrofn organizmlar qanday organizmlar?
6. Autotrof, geterotrof va miksotrof organizmlarning ahamiyatini izohlang.

## Mustaqil yechish uchun test savollari

1. Qanday organizmlar energiya manbayidan foydalanish turiga qarab fototrof va xemotroflarga bo‘linadi.  
A) geterotrof B) autotrof C) saprofit D) miksotrof
2. Tashqi muhitdan qabul qilingan moddalaridan organizm o‘zi uchun kerakli komponentlariga aylanishi ..... deyiladi.  
A) assimilyatsiya B) dissimilyatsiya  
C) moddalar almashinuvi D) katobalizm
3. Miksotrof organizmni ko‘rsating.  
A) yashil evglena B) hasharotxo‘r o‘simgiliklar  
C) qor o‘simgiliklari D) B va C.

## 24-§. Hujayra metabolizmi

Uglevodlar va yog‘lar almashinuvi hujayrada kechadigan jarayonlarga energiya yetkazib berishga qaratilgan. Hayvon organizmi va odamlarda tashqi muhitdan ovqat bilan qabul qilingan kraxmal va disaxarid lakteza hazm qilishda parchalanib, monosaxarid glyukozaga aylanadi, shu shaklda qonga suriladi, qon orqali hamma to‘qimalarga tarqaladi. Organizmda uglevodlar tejam polisaxarid «hayvon kraxmali» glikogen shaklida jigarda va mushaklarda to‘planadi. Qonda ham ma’lum chegarada doimo tebranib turadigan, taxminan 0,1 foiz qand – glyukoza bor. Uning miqdorini o‘zgarishi to‘qimalarda moddalar almashishi buzilganligi haqida xabar beradi. Ovqat bilan qabul qilingan yog‘ moddalar hazm qilish jarayonida glitserin va yog‘ kislotalarga gidrolizlanadi. Mana shu shaklda qonga suriladi va turli to‘qimalarga boradi.

Hujayralarda uglevodlar metabolizmi, asosan mushaklarda o‘tadi va bu jarayon mushaklar harakatini energiya bilan ta’minlab turadi. Glyukozaning va boshqa qandlar parchalanishining birinchi

bosqichi kislород исхтирокисиз – *anaerob* шароитда о‘тади, бу ачиш mushaklarda *glikoliz* деб аталади. Бундай шароитда bir molekula glyukozadan ikki molekula sut kislota hosil bo‘лади va ko‘p energiya ajralmaydi.



Mana shunday reaksiya achitqilar исхтирокида ham o‘тади. Bunda ikki molekula etil spirti hosil bo‘лади va ikki molekula uglerod (IV) - oksidi  $\text{CO}_2$  ajralib chiqadi.



Bu reaksiya *spirt achishi* deyiladi. Spirt achishi qadimdan ma’lum bo‘lsa ham uni mikroorganizmlar ta’sirida o‘tishi va jaryonning mexanizmi aniqlanmagan edi. Bu jarayon tabiatdan tashqari «ilohiy» kuch ta’sirida o‘тади, deb hisoblanib kelingan. Endilikda tabiatda katta miqyosda kechadigan achish hodisasining ayrim bosqichlari, hamma reaksiyalari va fermentlari batamom o‘рганилган. Glyukoza molekulasidan boshlanib spirt yoki sut kislota hosil bo‘lishi bilan tugaydigan bu murakkab jarayonda o‘nga yaqin reaksiya, o‘nga yaqin fermentlar исхтирок etadi. Aerob шароитда, ya’ni muhitda – to‘qimada kislород yetarli bo‘lganda hosil bo‘lgan laktat kislota va spirt oksidланади: spirt sirkaga aylanadi, laktat kislota esa hujayrada glikolizning ikkinchi davri aerob oksidланish fazasiga о‘тади. Bunda birinchi qadamda laktat kislota degidrlanib (ikkita vodorodni yo‘qotib) glikolizning markaziy mahsuli pirouzum kislотani hosil qiladi.



Piruvat endi aerob шароитда oksidланади, ya’ni uglevodlar almashinuvining oxirgi mahsuloti  $\text{CO}_2$  va  $\text{H}_2\text{O}$  ga aylanadi.

Piruvatning to‘ла oksidланishi jarayонида uch molekula  $\text{CO}_2$  ajraladi, vodorod atomlari esa ularning oraliq tashuvchisi – degidrlanish kofermenti NADga qo‘silib NADH<sub>2</sub> hosil qiladi. Oxirgi bosqichda NADH<sub>2</sub> shaklida bog‘langan vodorod hujayrанинг nafas olish sistemasida faollangan kislород bilan birikib gidroperoksid  $\text{N}_2\text{O}_2$  va pirovardida  $\text{N}_2\text{O}$  ga aylanadi.



Pirouzum kislota, (piruvat)  $\text{CH}_3 - \text{CO} - \text{COOH}$  hujayra metabolizmida markaziy о‘рinda turadigan metabolitlardan biridir. U uglevodlarni anaerob parchalanishidan tashqari bir qator amino-kislotalardan, asosan uch uglerod atomli aminokislota alaninni *dezaminirlanishidan*, ya’ni oqsillar almashinuvidan ham hosil bo‘лади. Piruvatning o‘зи ham ko‘p yo‘llar bilan kelgusi o‘згариш-

larga uchraydi: qaytarilish reaksiyasida sut kislotaga o'tadi, qaytadan murakkab reaksiyalar orqali glikogenga aylanadi, *pereamini-nirlanish* reaksiyasi orqali aminokislotalar hosil qilib, ularning tarkibiga kiradi.

**Hujayrada energetik jarayonlar. Energiyaga boy bog'lar. ATF sintezi va sarflanishi.** Hujayrada moddalar almashinuvi doimo energiya almashinuvi bilan bog'liq uzlusiz ravishda bir vaqtida o'tadi. Energiya metabolizmi uglevod va yog'larning parchalanishida energiya ajralishi bilan kechadigan reaksiyalarni o'z ichiga oladi. Energiya hosil bo'lishi va sarf bo'lishini bog'laydigan eng asosiy yo'l ATF orqali o'tadi.

ATF ko'p miqdorda hujayra nafas olish jarayonida pirouzum kislota (uglevodlardan) va atsetil KoA (yog' kislotalar oksidlanishi-da) va birmuncha kam miqdorda mushaklardagi glikoliz – glyukozani anaerob parchalanishida (achish, bijg'ishda) hosil bo'ladi. Uglevod va yog' kislotalarning parchalanish yo'lida bu oraliq mahsulotlar uch karbon kislotalar sikli (UKS) deb ataladigan halqa hosil qilib, bir-biriga bog'langan 10 ta reaksiya zanjirida oksidlanganda 5 molekula NADH<sub>2</sub> hosil qiladi. Nafas zanjirida esa har bitta NADH<sub>2</sub>, NADFH<sub>2</sub> molekulasi oksidlanganda 3 molekula ATF sintezlanadi.

Bu jarayon atsetil KoAning halqa ichida aylanib turadigan oksaloatsetat bilan birikib uch karboksil kislota–limon (sitrat) kislota hosil qilishidan boshlanadi. Shuning uchun ham bu halqali reaksiyalar qatori *limon kislota sikli* deb ham ataladi. Hujayra metabolizmining bu markaziy yo'lini mashhur Amerika olimi Gans Krebs kashf etganligi uchun uni yana uch karbon (UKS) kislotalarning Krebs sikli (halqasi) nomi bilan yuritiladi.

Piruvat atsetil koenzim A AtsKoA shaklida UKSda bir aylanishida ikki uglerod CO<sub>2</sub> shaklida ajraladi, vodorod atomlari NADH<sub>2</sub> shaklida ajraladi, vodorod atomlari NADH<sub>2</sub> shaklida bog'lanadi va halqaga kirgan oksaloatsetat o'z asliga tiklanadi.

**Hujayraning nafas olishi.** Uch karbon kislotalar siklida hosil bo'lgan NADH<sub>2</sub> molekulalari hujayraning mitoxondriyalaridagi nafas olish zanjirida oksidlanib, NADga va H<sub>2</sub>O ga aylanadi. Ajralib chiqadigan energiya ATF shaklida bog'lanadi. Mitoxondriyalarda joylashgan nafas olish zanjirining asosiy strukturasi *sitoxromlar* deb ataladi.

Shunday qilib, piruvatning aerob oksidlanishida uglevodlarning energiyasi ATFnинг makroergik bog'lari shaklida akkumurlanadi.

Hujayra metabolizmini doimiy komponentlari NADH<sub>2</sub> va ATF hujayraning asosiy yonilg‘isi va uning energetik ifodasidir.

Kimyoviy energiya birikmalarida atomlar orasidagi bog‘lar shaklida mujassamlashgan. Bog‘larning uzilishida ulardagি energiya ajraladi yoki boshqa birikmaga o‘tishi mumkin. Oddiy kimyoviy bog‘lar uzilganda ajraladigan energiya 2000–3000 kaloriyaga teng, lekin hujayrada bir necha guruh birikmalar borki, ularning atomlari orasidagi bog‘lar uzilganda 7000–8000 kaloriya energiya ajraladi. Bunday bog‘lar *makroergik katta energiyali bog‘lardir*. Bu singari bog‘larni saqlaydigan moddalar *makroergik birikmalar* deb ataladi. Makroergik bog‘ to‘lqinli chiziq shaklida yoziladi.

Makroergik birikmalar orasida eng muhim Yuqori energiyali fosfat bog‘lar bo‘lib, ATF bu birikmalarning asosiy vakilidir. Undagi makroergik bog‘lar pirofosfat qoldig‘ida kislorod – fosfat orasida saqlanadi.

**Adenozintrifosfat – ATF.** ATF molekulasida ikkita makroergik fosfat bog‘lar pirofosfat aloqalarda joylashgan. Ular har birining uzilishida 8000 kaloriya energiya ajraladi. ATF hujayrada energiyani to‘plash, saqlash va kichik ulushlarda boshqa molekulalarga uzatish, issiqlik shaklida ajratish vositasidir. Oksidlanish, achish reaksiyalarda ATF to‘planadi, hujayradagi barcha sintetik reaksiyalar: oqsillar, nuklein kislotalar va boshqa molekulalar sintezida, mushak qisqarishida, hujayraning ATF iste’mol qilishida kuzatiladi.

### Nazorat savollari

1. Hujayra metobolizmi deganda nimani tushunasiz?
2. Qon qandi qaysi uglevod va uning miqdorini belgilash qanday ahamiyatga ega?
3. Uglevodlarni kislorodsiz sharoitda parchalanishi qanday yo‘llar bilan kechadi?
4. Yog‘larning oksidlanishi organizmni suv bilan ta’minlashda qanday ahamiyatga ega?
5. Oksidlanish jarayonida energiya qanday shaklda ajraladi va bog‘lanaadi? Bu jarayon hujayraning qaysi strukturasida kechadi?
6. Plastik va energetik moddalar almashinuvida oqsillar, uglevodlar, lipidlar qanday o‘rin tutadi?
7. Achish jarayoni bilan mushaklarda uglevodlarning anaerob parchalanishi bir xil jarayonmi?
8. Uglevodlar va yog‘lar parchalanishining energetik qimmati qanday?

## Mustaqil yechish uchun test savollari

**1. Glikoliz jarayoni .....**

- A) faqat mikroorganizmlar uchun xos
- B) prokariotlar va tuban eukariotlar uchun xos
- C) barcha tirik hujayralar uchun xos
- D) faqat o'simliklarda kuzatilmaydi

**2. Qonda taxminan qancha foiz glyukoza bor?**

- A) 1 %
- B) 0,1%
- C) 2%
- D) 0,2%

**3. Eukariotlarda glyukoza anaerob sharoitda parchalanib .....ni hosil qiladi.**

- A) sut kislota
- B) etil spirt
- C) sirka kislota
- D) CO<sub>2</sub> va H<sub>2</sub>O

**4. ATF molekulasida nechta makroergik fosfat bog'i mavjud.**

- A) 3 ta
- V) 2 ta
- S) 1 ta
- D) 4 ta

### **25-§. Aminokislolar va nukleotidlар almashinushi.**

### **Organizmда oqsil, yog' va uglevodlar almashinuvining o'zaro bog'lanishlari**

Oshqozon-ichak yo'lida gidrolitik parchalanishdan ajralib chiqqan aminokislolar qonga so'rilib to'qimalarga yetib boradi va u yerda birinchi navbatda hujayra oqsillari, fermentlar sintezi uchun sarf bo'ladi. Bundan tashqari, har bir aminokislota o'ziga xos o'zgarishlarga uchrab, ayrim biologik faol moddalarning sintezida qatnashadi: aminokislolaridan purin va pirimidin asoslari, bir nechta gormonlar: tiroksin, adrenalin va boshqalar, teri pigmenti melanin, azot asoslari hosil bo'ladi.

Oqsil sintezi yoki boshqa biologik muhim birikmalar hosil bo'lishiga sarflanmagan aminokislolar dezaminirlanish va dekar-boksillanish (karboksil guruhni yo'qotish) reaksiyalari orqali to'la parchalanish yo'liga o'tadi. *Dezaminlanish aminokislordan amino guruhi yo'qotilishi va ajralib chiqishidir.* Reaksiya asosan oksidlanish orqali borib, aminokislordan ammiak ajralib ketokislota hosil bo'ladi. Organizm azotli birikmalarni, oqsilni ham zaxira modda sifatida saqlamaydi, shuning uchun oqsilni har kuni ovqat bilan ma'lum miqdorda kiritib turilishi kerak. Aks holda organizm och qolib, o'zining to'qimadagi oqsillarini sarf qiladi va oriqlab ketadi, natijada kasalliklarga duchor bo'ladi.

Oqsil moddalarning plastik roli, ularning tarkibidagi aminokislotalarga bog'liq. Shuning uchun ham ovqat bilan qabul qilinadigan oqsilning qimmati uning tarkibidagi aminokislotalarning

miqdori va sifatiga bog'liq. Oqsil molekulasiga kirdigan 20 xil aminokislotalarning 10 tasi organizmda boshqa moddalar – uglevod, yog' kislotalar almashinuvida hosil bo'ladigan metabolitlardan ham sintezlanishi mumkin, qolgan 10 tasi esa, masalan, valin, lizin, metionin, fenilalanin, triptofan boshqa moddalaridan sintezlanmaydi. Ular *almashinmaydigan aminokislotalar* deb ataladi, ularning yagona manbayi ovqat hisoblanadi. Agar ovqat bilan qabul qilingan oqsillarda aminokislotalar yetarli bo'lsa, u to'la qimmatli, yetarli bo'lmasa to'la qimmati bo'lmasan oqsil hisoblanadi. Masalan, go'sht, tuxum, baliq va hayvon oqsillari to'la qimmatli oqsil bo'lib, o'simlik oqsillari, hayvonlarning biriktiruvchi to'qima oqsillari to'la qimmatli hisoblanmaydi.

Aminokislotalarning oksidlanish bilan dezaminlanishi ularning asosiy parchalanish yo'lidir, natijada ammiak va azotdan ajralgan ketokislota hosil bo'ladi, tashqariga chiqariladi. O'simliklarda ham aminokislotalar hayvon hujayralaridagi kabi kimyoviy o'zgarish-larga uchraydi, ammo dezaminlanishdan hosil bo'lgan ammiak havoga chiqarib yuborilmaydi, glutamat kislotaga birikib aminokislota glutamin, aspartat kislotaga birikib asparagin hosil qiladi va yana qaytadan azot almashinuvida qatnashadi. Hosil bo'lgan ketokislotalar to'la oksidlanishi, yog' kislotalarga, uglevodlarga aylanishi mumkin. Bu reaksiyalar uch karbon kislotalar sikli halqasi orqali o'tadi.

Dekarboksillanish reaksiyasida aminokislotalardan CO<sub>2</sub> ajralib, biologik faol aminlar hosil bo'ladi. Bu reaksiyalar, ayniqsa mikroorganizmlarning biokimyoviy faoliyatida ko'p uchraydi. Ovqat bilan qabul qilingan nuklein kislotalardan oshqozon-ichak yo'lida hosil bo'ladigan nukleotidlarning hajmi, ularning energetik roli ham deyarli ahamiyatga ega emas. Ularning roli hujayrada nuklein kislotalar sintezi uchun zarur qurilish materiali bo'lgan nukleotidlarni yetkazib berishdir. Turli nukleotidlар hujayraning o'zida ham ko'p miqdorda murakkab reaksiyalar orqali sintezlanib turadi. Bir qator erkin nukleotidlар hujayrada energiya almashinuvida asosiy rol o'ynaydi. ATF, GTF va boshqalar oksidlovchi-qaytaruvchi guruhlarni fermentlar – oksidoreduktazalar, transferazalarning kofermentlari sifatida (NAD, FAD va boshqalar) moddalar almashinuvi reaksiyalarini ta'minlaydi.

Shu bilan birga nukleotidlар nasliy belgilarni ham tashuvchi elementlardir, ulardan DNK va RNK molekulalari sintez qilinadi. Bu jarayonda avvalo tashqaridan qabul qilingan nuklein kislotalar

polinukleotidlar nukleaza fermentlari ta'sirida parchalanib-gidrolizlanib mononukleotidlar – nukleozid fosfatlarga, so'ngra azot asoslari va uglevodlarga parchalanib ketadi.

nuklein kislotalar (DNK, RNK) —→ nukleotidlar —→ nukleozidlar azot asoslari;

nukleotidlar —→ purinlar, (adenin, guanin);

pirimidinlar (uratsil, sitozin, timin);

uglevod (riboza, dezoksiribosa).

Hujayrada tashqaridan qabul qilingan va hujayraning o'zida sintezlangan azot asoslaridan yangi nukleotidlar, ulardan nuklein kislotalar sintezlanadi.

nukleotidlar —→ polinukleotidlar.

**Organizmda oqsil, yog' va uglevodlar almashinuvining bog'lanish yo'llari.** Organizmda moddalar almashinushi hujayrada bir vaqtida yuzlab reaksiyalar, fermentlar, metabolitlar ishtirokida to'xtovsiz o'tib turadigan murakkab jarayon. Turli oziq moddalar hujayrada o'ziga xos asosiy metabolitik yo'l orqali parchalanib ketadi va sintezlanadi. Bu yo'llar uglevodlar uchun glikoliz, achish, fosfoglyukonat yo'li bilan oksidlanishi, glikoneogen va aerob oksidlanishdir. Bu jarayonlarda markaziy metabolitlar glyukoza fosfat va pirouzum kislota piruvatdir, yog'lar uchun eng muhim metabolitik yo'l yog' kislotalarning oksidlanishi, yog' kislotalardan murakkab va sodda lipidlar sintezi. Bu jarayonlarda asosiy oraliq mahsulot atsetil KoAdir. Atsetil KoA ( $\text{CH}_3\text{COKoA}$ ) ikki uglerod atomli atsetil qoldig'i sirka kislota radikalini koenzim A (atsetillanish kofermenti) bilan birikishidan hosil bo'lgan faol komponentdir. Koenzim A yoki koferment A to'rt xil molekula: adenozin fosfat, vitamin pantotenat kislota,  $\beta$  – alanin va sisteamindan iborat ancha murakkab birikma. Uning uzun zanjiri oxirida SH gruppa bo'lib, u atsetil radikalning CO turkumi bilan energiyaga boy bog' hosil qilib birikadi. Atsetil KoA yog' kislotalar oksidlanishining markaziy mahsuloti, piruvat oksidlanganda, dekarboksilanganda ham hosil bo'ladi.

Aminokislotalar almashinuvida asosiy yo'nalish, shubhasiz oqsillar sintezidir. Binobarin, uglevodlar, yog'lar, aminokislotalar almashinuvida bir necha umumiylar metabolitlar muhim o'rinni tutadi. Hosil bo'ladigan oraliq mahsulotlar hujayraning umumiylarini fondini tashkil etadi. Shunday qilib, ovqat bilan qabul qilingan ortiqcha oqsillar, uglevodlar atsetil KoA uzun zanjirli yog' kislotalarga, demak yog'larga aylanishi mumkin va jarayon doimo hujayrada

o'tib turadi. Shu singari ovqat bilan qabul qilingan oqsillar tarkibidagi aminokislotalarning bir guruhi glikogen aminokislotalar glikogen shaklida, boshqa guruhi ketogen aminokislotalar yog' shaklida zaxira modda sifatida to'planadi. Ma'lumki organizmga uglevodli ovqat kam berilsa ham, masalan, qandli diabet kasalligida qonda glyukoza miqdori kamayib ketmaydi, chunki u uglevod bo'limgan moddalardan, birinchi navbatda aminokislotalardan, ehtiyojga qarab sintezlanib turadi.

### Nazorat savollari

1. Aminokislotalar hujayrada qanday maqsadlarda sarflanadi?
2. Organizmda nuklein kislotalarning parchalanishi va sintezlanishi qanday reaksiyalar orqali amalga oshadi?
3. Aminokislotalar qanday almashinuv reaksiyalar orqali bir-biriga o'tadi. Ulardan uglevodlar, yog' moddalarini ham sintezlanadimi?
4. Organizmda uglevodlar, yog'lar, oqsillar almashinuvni qanday asosiy oraliq mahsulotlar va metabolitik yo'llar orqali o'zaro bog'lanadi?

### Mustaqil yechish uchun test savollari

- 1. Aminokislatalardagi dekarboksillanish bu – .....**
  - A) aminokisladan karboksil guruhining ajrab chiqishi  
B) aminokislaga karboksil guruhining qo'shilishi  
C) aminokislota tarkibidagi karboksil guruhi joyining o'zgarishi  
D) aminokislota ikkita karboksil guruhiga ega bo'lishi
  - 2. Ovqat bilan qabul qilingan ortiqcha oqsillar va uglevodlar yog'larga aylanadi. Bunda oraliq moddani belgilang.**
- A) piruvat    B) atsetil KoA    C) sirka kislota    D) limon kislota


### 26-§. Plastik reaksiyalar. Hujayrada DNK va RNK sintezi

Oqsil odam va hayvonlar oziqasining eng zarur va muhim qisimdir. Ovqatda oqsil yetishmasa, uning o'rmini uglevod yoki yog' moddalar bosa olmaydi, chunki oqsil, tarkibida azot atomi tutuvchi aminokislotalardan tuzilgan, asosiy yog' va uglevod molekulalarida esa azot bo'lmaydi. Yog'lar va uglevodlar organizmda, asosan energetik modda sifatida ahamiyatga ega, oqsil esa birinchi navbatda hujayraning qurilish materiali hisoblanadi. Hujayra komponentlarining tuzilishi uchun zarur plastik material oqsillar va nuklein kislotalar oldindan tayyor, kimyoviy tilda yozilgan ma'lumot asosida o'ziga xos maxsus mexanizm bo'yicha sintez qilinadi. Buning

uchun fundamental nasliy informatsiya xizmat qiladi. Oldindan mavjud qolip, andoza asosida yangi molekulaning yaratilishi nuklein kislotalarning sintezlanish yo'lidir. Yangi DNK molekulasining sintezi uchun uning yadroda oldindan tayyor nusxasi bo'lishi kerak. Bu usuldagи sintez xuddi kitob bosilayotganda harflar yoki belgilarning qolipiga o'xshash formadan foydalanishi kabi *matritsa asosida sintez deb ataladi*. Binobarin, yangi DNK molekulasining sintezi tayyor DNK namunasidan nusxa olishdan iborat va shuning uchun nusxa olish – *replikatsiya* deb ataladi. Yangi DNK zanjiri tayyor DNKnинг nusxasiga, matritsasiga qarab tuziladi. Bu jarayonda matritsa vazifasini DNK qo'sh zanjirining bir ipi bajaradi.

Nuklein kislotalarning genetik jarayondagi roli ularning strukturalarida nukleotidlar qatori shaklida yozilgan informatsiyani o'ziga xos oqsil molekulasida aminokislotalar qatori shaklida amalga oshirilishi bilan yakunlanadi. Bu jarayon genetik axborotni bir tomonidan DNK, RNK yo'nalishidagi oqimi va ikkinchi tomonidan ribosomada oqsil sintezini uzviy bog'lanishlarida mujassamlangan bo'lib, DNKnинг replikatsiyasidan boshlanadi.

**DNK molekulasining ikki marta ko'payishi.** Hujayrada DNK molekulalari, asosan yadroda, uning tarkibidagi xromosomalarda joylashgan va mana shu strukturalarda sintezlanadi. DNK molekulasini ikki zanjirdan tuzilgan qo'sh spiral bo'lganidan uning sintezi shu qo'sh spiralni yaratishdan iborat. Bu zanjirlar bir-biriga to'la komplementar va mos, biri ikkinchisini to'latib turadi. DNK molekulasining sintezi uning boshlang'ich qo'sh zanjirini fermentlar yordamida ikkita alohida zanjirlarga ajralishiga va ular har birining strukturasiga mos ikkinchi zanjirni yaratilishiga asoslangan. Demak, DNK sintezida qo'sh spiral alohida ikkita zanjirga ajraladi. Endi har bir zanjir qo'sh spiraldan ajralib, ikkinchi zanjirni yaratilishi uchun matritsa sifatida xizmat qiladi, natijada uning komplementar nusxasi sintezlanib, qaytadan qo'sh zanjir paydo bo'ladi. Yangi DNK molekulasining sintezi tayyor DNK namunasidan nusxa olishdan iborat va shuning uchun nusxa olish – replikatsiya deb ataladi. Bunda DNK – polimeraza fermenti yordamida yadro ichidagi erkin nukleotidlardan foydalanib, DNKnинг yangi zanjiri sintezlanadi. Bu interfazaning sintez – (S) davrida amalga oshadi. Demak, DNKnинг sintezlanib ikki marta ko'payishi, uning har bir zanjirining yetishmagan sherigini sintezlashdan, DNKnинг ayni nusxasini olishdan iborat. DNKnинг ikki marta ko'payishi *reduplikatsiya* deyiladi.



43-r a s m. D NK sintezi jarayoni.


Bu jarayonda bir zanjirdagi purin asosi qarshisida ikkinchi zanjirda pirimidin va, aksincha, pirimidin asosi qarshisida purin asosi, ya’ni bir zanjirdagi adenin A qarshisida ikkinchi zanjirda timin T, guanin G, qarshisida sitozin C va, aksincha, joylashadi.

Mana shu mexanizm asosida D NK molekulasining ikki marta ko‘payishi hujayra bo‘linishida bitta ona hujayradagi nasliy material – informatsiyani ikkita qiz hujayralarga bir xil va baravar taqsimlanishini ta’minlaydi (*43-rasm*).

**R NK sintezi – transkripsiya.** R NKning har uchalasi ham hujayrada doimo sarflanib va yangidan sintezlanib turadi. R NK asosan yadroda sintezlanadi. R NK D NK molekulasiidagi nukleotidlari tartibi shaklida yozilgan informatsiyani ko‘chirib oladi, bu jarayon *transkripsiya* – ko‘chirib yozish deyiladi. Haqiqatan ham bu jarayonda D NKdagi nukleotidlari qatori R NKdagi nukleotidlari qatorida takrorlanadi, faqat D NKdagi T o‘rniga U, dezoksiriboza o‘rniga riboza joylashadi. Shuni ta’kidlab aytish kerakki, D NK molekulalari juda katta, ulardagi yozilgan informatsiya juda ko‘p, R NK, D NK molekulasining kichik bir qismiga to‘g‘ri keladi, binobarin bir D NK matritsasida yuzlab, minglab iR NK, tR NK, rR NKlar sintezlanishi mumkin. Ayni vaqtida har bir iR NKdagi informatsiya kamida bitta oqsil molekulasi sintezi uchun yetarlidir. R NKning uch tipi ham yadroda bir xil mexanizmda sintezlanib, so‘ngra sitoplazmaga ko‘chiriladi va oqsil sinteza ishtirok etadi (*44-rasm*).

### Nazorat savollari

1. Hujayrada D NK sintezi qachon amalga oshadi?
2. Replikatsiyaning mohiyati nimada? Matritsa asosida sintezning mexanizmini tushuntirib bering.



44-r a s m. DNK zanjiridan iRNK zanjirini sintezlanish sxemasi.

3. Replikatsiya, transkripsiya so‘zlarini tushuntirib bering.
4. DNK dan RNK ning sintezlanish mexanizmini qanday tushunasiz?

### Mustaqil yechish uchun test savollari

- 1. DNK zanjirini sintezida asosan qaysi ferment muhim ahamiyatga ega?**
  - A) nukleaza
  - B) DNK – polimeraza
  - C) RNK – polimeraza
  - D) DNK – izomeraza
- 2. Reduplikatsiya bu – .....**
  - A) DNK zanjirining ikki xissa ko‘payishi
  - B) DNK zanjirining bir-biridan ajralishi
  - C) DNKnинг parchalanishi
  - D) DNKdan RNKnинг sintezlanishi
- 3. DNK zanjiridan RNK zanjirining sintezlanishi ..... deyiladi.**
  - A) replikatsiya
  - B) reduplikatsiya
  - C) transkripsiya
  - D) translatsiya

#### **4. Hujayrada DNK sintezi qachon amalga oshadi?**

- A) har doim B) hujayra bo'linganda  
C) interfazaning barcha davrlarida D) interfazaning davrida

### **27-§. Oqsil biosintezi. Translyatsiya**

Oqsil sintezi ribosomalarda kechadi. Ribosomalarda DNKdan olingan informatsiya asosida kodlash mexanizmiga muvofiq amalga oshiriladi; natijada bu jarayonda oqsil sintezini ta'minlaydigan nukleotidlardan tartibi shaklida yozilgan informatsiyani DNKdan RNKlar orqali oqsil molekulasidagi aminokislotalar tartibiga ko'chiriladi. Bu jarayonda nukleotidlardan tartibi nuklein kislotalar tilidan amino-kislotalar tartibi oqsil tiliga tarjima qilinadi. Shuning uchun oqsil sintezi *translyatsiya* – *tarjima qilish* deb yuritiladi. Ona hujayra qiz hujayraga tayyor oqsil molekulalarni uzatmaydi, balki ularni yaratish uchun ko'rsatmalar, dasturlar beradi. Bu informatsion DNK molekulasida, qisman RNKda ham nukleotidlarning birin-kin kelishi shaklida yozilgan. Unga **biologik kodlash** yoki **genetik kodlash** deyiladi.

Oqsil sintezida DNK asosiy rol o'ynaydi. DNK 4 xil nukleotidlardan tashkil topgan bo'lib, har bir aminokislotani 3 ta (triplet) nukleotid kodlaydi. Bu 3 ta nukleotidlardan tripleti amino-kislota kodi, kodon, genetik kod deyiladi. Jami 64 ta kod bo'lib, shundan 61 tasi 20 ta aminokislotani kodlaydi. 3 ta triplet terminator (stop kodon) kodlari bo'lib, aminokislotani kodlamaydi (*8-jadval*). iRNK ohrilda terminator kodlari keladi va oqsil sintezini tugaganligini bildiradi.

Bir aminokislotani 1 tadan to 6 tagacha kod kodlashi mumkin. DNK hujayra yadrosida mavjud bo'lib, oqsil sintezi esa sitoplasmadagi ribosomalarda amalga oshadi. Oqsil strukturasidagi axborot DNKda saqlanadi. Turli oqsillar birlamchi strukturasi haqidagi axborotlar yozuvni DNK uzun ipida birin-ketin keladi. DNKnинг bir molekula oqsil sintezini belgilab beradigan har bir qismi gen deb ataladi. Xromosomadagi ikki zanjirli DNKnинг bitta geni joylashgan masofasi RNK – polimeraza fermenti yordamida orasi ochilib, RNK sintezlanadi. Bunda DNKnинг faqat bitta zanjiri ma'noga ega bo'lib, ikkinchi DNK zanjiri matritsa vazifasini bajaradi, aynan o'sha matritsali zanjiridan i-RNK sintezlanadi. Agar DNKnинг matritsali zanjirida A-G-T-C-A-G-T-A-C-G-T ketma-ketlikdagi nukleotidlardan bo'ladigan bo'lsa, i-RNK zanjirida U-C-A-G-U-C-

**Genetik kod**

Birinchi asos	Ikkinci asos				Uchinchi asos
	U (A)	C (G)	A (T)	G (C)	
U (A)	Fen	Ser	Tir	Sis	U (A)
	Fen	Ser	Tir	Sis	C (G)
	Ley	Ser	Terminator	Terminator	A (T)
	Ley	Ser	Terminator	Trp	G (C)
C (G)	Ley	Pro	Gis	Arg	U (A)
	Ley	Pro	Gis	Arg	C (G)
	Ley	Pro	Gln	Arg	A (T)
	Ley	Pro	Gln	Arg	G (C)
A (T)	Ile	Tre	Asn	Ser	U (A)
	Ile	Tre	Asn	Ser	C (G)
	Ile	Tre	Liz	Arg	A (T)
	Met	Tre	Liz	Arg	G (C)
G (C)	Val	Ala	Asp	Gli	U (A)
	Val	Ala	Asp	Gli	C (G)
	Val	Ala	Glu	Gli	A (T)
	Val	Ala	Glu	Gli	G (C)

A-U-G-C-A nukleotidlari mos kelib sintezlanadi. Bu jarayonni ya'ni DNK zanjiridan RNKnинг sintezlanishini *transkripsiya* deyiladi. i-RNK sintezlanib bo'lgach, biroz ajralgan qo'sh zanjirli DNK yana o'z holiga qaytadi. Sintezlangan i-RNK yadro teshiklar orqali sitoplazmaga chiqadi va ribosomadagi oqsil sintezini boshlaydi (*45-rasm*). Bu vaqtida lizosomalar tomonidan parchalangan sitoplazmadagi erkin aminokislotalarni tRNK o'ziga biriktirib olgan bo'ladi. tRNKn akseptor shohobcha yoki aminoatsil uchi deb nomlanadigan uchi mavjud. Aynan tRNK aminoatsil uchi bilan mos aminokislani biriktiradi. tRNKnинг antikodon qismi ham mavjud va antikodon qismi i-RNK kodoniga mos keladi. Antikodon 3 ta nukleotiddan iborat bo'lib, i-RNK kodoniga birikadi. tRNK o'ziga biriktirgan aminokislani olib ribosomaga keladi va ribosomaning A-aminoatsil qismiga kirib (ribosomaning katta subbirligida joylashgan) i-RNKnинг tegishli kodoni (tRNK birikadigan nukleotidlari uchligi)ga o'zining antikodon (tRNK antikodon nukleotid uchligi) qismi bilan i-RNK kodoniga birikadi komplementar birikadi. So'ngra aminokislani tutgan tRNK ribosomaga keladi. Bu vaqt ribosomaning A-aminoatsil qismidagi


tRNK va i-RNK birikmasi ribosomaning siljishi tufayli ribosoma-ning P-qismiga o‘tadi. Ribosomaga kelgan ikkinchi tRNK riboso-maning A-qismiga birikadi va P qismida 1- va 2- aminokislotalar *peptid bog‘ini* hosil qiladi. Shunisi qiziqarlik, tRNKnинг antikodon tripleti ribosomadagi i-RNK tripletiga komplementar bo‘lib chiqsagina, aminokislota tRNKdan ajraladi. Ribosoma shu onda-yoq i-RNK bo‘ylab bir tripletga oldinga «qadam tashlaydi». tRNK esa ribosomadan sitoplazmaga chiqarib tashlanadi (*45-, 46-rasm-lar*). Oqsil sintezi jarayonida t-RNK adaptorlarik vazifasini bajara-di. Yani t-RNK sitoplazmada duch kelgan aminokislotani o‘ziga biriktirib olavermaydi. i-RNK boshida start kodoni (hamma organizmlarda start kodoni metioninni kodlaydi) oxirida esa stop kodoni mayjud (stop kodoni aminokislota kodlamaydi). Sintez tugaganini i-RNK oxirida kelgan stop kodon belgilaydi. Odatda bir vaqtida bir necha ribosomalar orqama-ketin i-RNKga kirib, bir vaqtida bir necha, bir xil oqsil zanjirini sintezlaydi. Demak i-RNK zanjiri asosida oqsil sintezlanish jarayoni *translyatsiya* jarayoni de-yiladi.

200–300 aminokislota qoldig‘idan tuzilgan o‘rtacha oqsil molekulasingin sintezi juda tez, 1–2 minut ichida bexato bajarila-di. Bunday sintezni kimyoviy yo‘l bilan laboratoriya sharoitida bajariladigan bo‘lsa, o‘nlab malakali mutaxassislarni yillab xizmati sarf bo‘lar, unda xatolarga yo‘l ham qo‘yilgan bo‘lar edi. Bu hodisa tabiat molekulalar darajasida ham naqadar mo‘jizali olam ekanli-gini tasdiqlaydigan misollardan biridir.


Transkripsiya va translyatsiya jarayonida bir oqsilga DNKnинг kichik bir qismi to‘g‘ri keladi, bu qism gen deb atalib, u bir oqsilni sintezlash uchun yetarli axborot saqlaydi. O‘rtacha oqsil molekulasingin tuzishi uchun kamida 900 nukleotid zarur bo‘lib, u bitta gen hisoblanadi. Gen strukturasida anchagina qo‘srimcha nukleotidlari ham bor, ular o‘qish jarayonida gen ishining boshlanishini, tugatilishini idora qiladilar, ular ham nukleotidlari qatori-dan iborat.

Mana shu genni boshqaruvchi qismlar tufayli genning uzunligi faqat aminokislotalarni kodlash uchun zarur nukleotidlari sonidan ortiqroq, yuqorida aytgan 900 nukleotid emas, balki 1000 atrofida bo‘ladi. Oqsil genning oxirgi mahsuloti bo‘lganidan gen o‘qilishini regulyatsiyasi oqsil sintezini nazorat qilish mexanizmi-ning kalitidir.

Hujayrada kechadigan jarayonlar juda aniq, boshqarilishi



45-r a s m. Oqsil biosintezi.



46-r a s m. Translyatsiya – oqsil sintezi jarayoni.

tufayli hujayrada molekulalar faqat kerakli vaqtida va miqdorda sintezlanadi. Bu jarayondagi har qanday xato oqsil sintezining buzilishiga sabab bo'ladi. Oqibatda irlsiy kasalliklar kelib chiqadi: sintezlanayotgan oqsilning polipeptid zanjiriga bitta aminokislota o'rniga boshqasi kirib qolsa, yaroqsiz boshqa oqsil molekulasi paydo bo'ladi, u kerakli oqsil vazifasini bajara olmaydi.

Bu xato og'ir oqibatga olib kelishi natijasida qandaydir ferment, gormon, transport qiluvchi oqsil yetishmasligi tug'iladi. Masalan, normal gemoglobin (HbA) beta  $\beta$  – subbirliklarida 6-o'rindagi aminokislota glutamat kislota o'rniga valin joylashishi tufayli kelib chiqadigan HbS gemoglobin sintez qilinishi o'roqsimon kamqonlik deb ataladigan kasalikka olib keladi; bu kasallik bemorni nobud bo'lishiga sabab bo'ladi. Oqsil sintezidagi bunday fojiali o'zgarish DNKdagi, ya'ni gendagi defektga bog'liq. Bu irlsiy bo'lishi yoki radioaktiv nurlar ta'sirida yuzaga chiqishi mumkin.

### Nazorat savollari

- Genetik kod deganda nimani tushunasiz?
- Oqsil sintezi jarayonida RNK xillarini vazifalari nimada?
- Oqsil sintezida ribosomalar qanday funksiyalarni bajaradi?
- tRNKnинг adaptorlik funksiyasining ma'nosini nima?

### Mustaqil yechish uchun test savollari

#### **1. Qaysi aminokislolar faqat bittadan kodga ega bo'ladi?**

- A) fenilalanin, prolin    B) metionin, triptofan  
C) metionin, asparagin    D) serin, argenin

#### **2. Terminator kodlarni belgilang.**

- A) UAA, UAG, UGG    B) UAU, UUG, UAG  
C) UGA, UAA, UAG    D) UAG, UAU, UAA

**3. 160 ta aminokislordan iborat oqsilni sinteziga javobgar genning uzunligi (1), nukleotidlarni soni (2) va ushbu oqsil taxminan necha minutda sintezlanib bo'ladi (3).**


- A) 1- 164,22 nm;    2- 966;    3- 1 min.  
B) 1- 163,2 nm;    2- 483;    3- 1 min.  
C) 1- 1932 nm;    2- 966;    3- 1 min.  
D) 1- 327,4 nm    2- 963;    3- 1 min

## 28-§. Parchalanish reaksiyalari. Fotosintez va xemosintez

Murakkab moddalar oddiyroq moddalarga, yuqori molekulyar birikmalar quyi molekulyar birikmalarga parchalanadi. Oqsillar aminokislotalarga, kraxmal glyukozaga parchalanadi. Parchalanish reaksiyalarning yig‘indisi hujayrada energiya almashinuvi yoki dis-similatsiya deyiladi. Plastik va energetik almashinuvlar bir-biri bilan chambarchas bog‘liqidir. Bir tomonidan bu bog‘liqlik shundan iboratki, biosintez reaksiyalar uchun energiya sarflanishi kerak va bu energiyani parchalash reaksiyalaridan olinadi. Ikkinci tomonidan energiya almashinuvi uchun kerakli fermentlar doim sintezlanib turishi kerak. Hujayrada energiya almashinuvi jarayoni ketma-ket keladigan 3 bosqichga bo‘lib o‘rganiladi.

**1.** Tayyorgarlik bosqichi. Bu bosqichda uglevodlar, yog‘lar, oqsillar, nuklein kislotalarning yirik molekulalari monomerlarga parchalanadi. Kraxmaldan glyukoza, yog‘lardan yog‘ kislotalari va glitserin, oqsillardan aminokislotalar, nuklein kislotalardan nukleotidlar hosil bo‘ladi. Moddalarni parchalanishi shu bosqichda kechadi.

**2.** Energiya almashinuvining ikkinchi bosqichi kislorodsiz glikoliz bosqichi bo‘lib, hujayra sitoplazmasida kechadigan jarayondir. Glikoliz natijasida o‘ndan ortiq oraliq modda hosil bo‘ladi. Uning umumiy tenglamasi quyidagicha:



O‘simglik hujayralarida va ba’zi bir achitqi zamburug‘larida glyukozani parchalanishi spirtli bijg‘ish yo‘li bilan amalga oshadi. Spirtli bijg‘ishning yig‘indi tenglamasini quyidagicha ifodalash mumkin:



Glikoliz va spirtli bijg‘ish reaksiyalaridan ko‘rinib turibdiki, bu jarayonlarda kislorod qatnashmaydi, shuning uchun ham ular *kislorodsiz parchalanish* (anaerov) deyiladi.

Glikoliz va spirtli bijg‘ish natijasida bir molekula glyukoza parchalanib, ikki molekula ATF hosil bo‘ladi. Bu jami hosil bo‘lgan energiyani 40% ini tashkil qiladi.

**3.** Energiya almashinuvining uchinchi bosqichi kislorodli, ya’ni to‘la parchalanish yoki *nafas olish bosqichi* deyiladi. Bunda kislorod kerak bo‘ladi. Glikoliz natijasida hosil bo‘lgan  $2\text{C}_3\text{H}_6\text{O}_3$

mitoxondriya ichiga kiradi va mitoxondriya matriksida fermentlar yordamida karbonat angidrid va suvgacha parchalanadi. Natijada 36 molekula ATF hosil bo'ladi. Kislorodli parchalanish bosqichining yig'indi tenglamasini quyidagicha ifodalash mumkin.



Hujayrani energiya bilan ta'minlashda *aerob* nafas olish asosiy rol o'yinaydi.

**Fotosintez.** Qaysi turdag'i energiyadan oziqlanishiga ko'ra organizmlar 2 guruhga bo'linadi. Organik moddalarni anorganik moddalardan sintezlay oladigan organizmlar autotroflar deb ataladi. Yer yuzidagi yashil o'simliklar va ayrim mikroorganizmlar *autotrof* usulda oziqlanishadi. *Autotrof* organizmni organik moddalarni sintez qilishda qanday energiya manbayidan foydalanishiga qarab, *fototrof* va *xemototrof* xillarga bo'linadi. Fototrof organizmlarga aksariyat yashil o'simliklar kiradi. Ularning hujayra organoidlari bo'lgan xloroplastlarda, xlorofill yordamida fotosintez jarayoni amalga oshadi. Yorug'lik energiyasi hisobiga amalga oshadigan organik birikmalar sintezi jarayoni fotosintez deyiladi. Fotosintez ikki bosqichda amalga oshadi.

1. Yorug'lik bosqichi reaksiyalari.

2. Qorong'ilik bosqichi reaksiyalari.

Fotosintez jarayonini quyidagi yig'indi tenglama bilan ifodalash mumkin:



Fotosintez murakkab, ko'p pog'onali jarayondir. Yashil bargning organik moddasi xlorofill bu jarayonda muhim ahamiyatga egadir.

**Fotosintezning yorug'lik bosqichi reaksiyalari.** Yorug'lik reaksiyalari xloroplastning tilakoidlarida kechadi. Yorug'likni yutgan xlorofill molekulasi «qo'zg'algan» holatga o'tadi. Natijada ular elektron yo'qotadi. Elektronlar qo'zg'alishidan energiya ajralib chiqadi, bu energiya ATF shaklida to'planadi. Yo'qotilgan elektron suv tarkibidagi vodoroddan oladi. Natijada suv fotolizga uchraydi:



Natijada, vodorod ionlari elektron biriktirib, vodorod atomlariga aylanadi:  $\text{H}^+ + \text{e}^- = \text{H}$

Hosil bo'lgan vodorod ( $\text{H}$ ) NADF ga birikadi va NADFH<sub>2</sub> hosil bo'ladi. Gidrosil ioni o'z navbatida elektronni boshqa molekulaga berib erkin OH radikaliga aylanadi:  $\text{OH}^- = \text{e}^- + \text{OH}$


Erkin OH radikallari o‘zaro bir-biriga ta’sir etadi. Ayni vaqtida molekulyar O<sub>2</sub> va suv hosil bo‘ladi:



Shunday qilib, fotosintez fotosintezning energiyasi ta’siri ostida suvning parchalanishi – fotoliz kuzatilib molekulyar kislород hosil bo‘ladi. ATF sintezlanadi, NADFH<sub>2</sub> hosil bo‘ladi.

**Fotosintezning qorong‘ilik bosqichi reaksiyalari.** Fotosintezning qorong‘ilik bosqichi xloroplastning stroma qismida kechadi. Bu reaksiyalarning borishi uchun yorug‘lik nuri shart emas. Fotosintezning qorong‘ilik bosqichi reaksiyalari ketma-ket keladigan bir qancha fermentativ reaksiyalardan iborat. Bu bosqichda CO<sub>2</sub> va H<sub>2</sub>O dan uglevodlar sintezi amalga oshadi. Bunda yorug‘lik bosqichida CO<sub>2</sub> H<sub>2</sub>O dan hosil bo‘lgan ATF ADF va fosfat kislota qoldig‘iga parchalanadi va atomar vodorod sarflanadi (atomar vodorod NADFH tarkibida bo‘lib, NADFH tarkibidagi Hni berib, NADFga qaytariladi)<sup>1</sup> (47, 48-rasm).

**Xemosintez.** Ba’zi bakteriyalar hujayrasida xlorofill donachasi bo‘imasada autotrof oziqlanadi. Bunday energiya hosil qilib hayot kechiradigan organizmlarni xemototrof bakteriyalar deyiladi. Ular sintez reaksiyalarni uchun kimyoviy reaksiyalarni energiyasidan foydalanadi. Ularni ichida eng ko‘p tarqalganlari nitrifikatsiyalovchi va oltingugurt fiksatsiyalovchi bakteriyalardir:




Temir bakteriyalari bilan vodorod bakteriyalari ham xemosintetik autotroflardir:



**Yerdagi hayot uchun fotosintezning ahamiyati.** Dunyoda har yili fotosintez jarayonida milliard tonnalab uglerodli birikmalar sintezlanadi. Sayyoramizda hayot nimaga asoslanganligini tushunishga harakat qilsak, doimo fotosintez jarayoniga murojaat qilishga to‘g‘ri keladi. O‘simliklar bu olamshumul ahamiyatga ega fotosintez davomida uglevodlar va ularning unumlarini sintezlashdan tashqari milliardlab tonna azot, fosfor, oltingugurt, kalsiy, magniy va boshqa elementlarni ham sintetik jarayonlarga jalb qildi. O‘simlik organizmlarida fotosintezdan tashqari boshqa barcha organizmlardagi kabi hayotiy jarayonlarni tashkil etadigan

<sup>1</sup> NADF – nikotinamidadenin dinukleotid vodorodni ko‘chiruvchi koferment.



47-r a s m. Fotosintez.

biokimyoiy reaksiyalar: oksidlanish, qaytarilish, achish, yog'lar, oqsillar, nuklein kislotalarning sintez va parchalanish reaksiyalari sodir bo'ladi.


Yashil o'simlik hujayralarining bu o'ziga xos funksiyasi barcha tirik organizmlar uchun umumiy moddalar almashinushi reaksiyalarini asosidagina amalga oshadi. O'simlik hujayralari ham boshqa hamma aerob hujayralar kabi kislorod yutib, uglerod (IV)-oksidni chiqarib turadi. Kunduzgi soatlarda o'simlik hujayralari nafas olish bilan bir vaqtida quyosh energiyasi hisobiga  $\text{CO}_2$  ni fiksatsiya qiladi, organik molekulalarini sintezlaydi. Bu ikki qaramaqarshi kechadigan jarayonlar o'simlik hujayrasida ayni vaqtida o'tib, fotosintezni yorug'lik fazasida hosil bo'lgan kislorodning bir qismi hujayraning nafas olishi uchun ham sarf bo'ladi. Ammo o'simlik hujayrasidan ajralib turadigan kislorod miqdori uning nafas olishi uchun sarf bo'ladigan miqdoridan 20–30 marta ortiqdir.

### Nazorat savollari

1. Parchalanish jarayonlari deganda nimani tushunasiz?
2. Uglevodlarning parchalanish jarayonlari.
3. Fotosintez nima?



Hujayralar




## Xloroplast



## Xlorofill

## Fotosintez

Xloroplast granasidagi yorug'lik fazasi Xloroplast stromasidagi qorong'ilik fazasi



- NADF+ vodorod elektronlarini ko'chiruychi molekula

#### **48-r a s m. Fotosintez reaksiyalari.**

4. Fotosintez bosqichlari.
  5. Xemototrof organizmlar va xemosintez nima?
  6. Autotrot va geterotrot organizmlarni ta'riflang.

## Mustaqil yechish uchun test savollari

**1. Fotosintezda hosil bo‘lgan molekulyar kislороднинг манбайи нима?**

- A) xlorofill pigmenti    B) CO<sub>2</sub>    C) uglevod    D) suv

**2. Quyosh nuri ta’sirida o’simliklarning yashil barglarida karbonat angidrid bilan suvdan murakkab organik birikmalar hosil bo‘lishi nima deb ataladi?**

- A) fotosintez    B) xemosintez    C) fototaksis    D) gidroliz

**3. Fotosintezning yorug‘lik bosqichida qanday moddalar hosil bo‘ladi?**

- A) NADFH, ATF    B) elektron ajrab chiqadi

- C) kislород ajrab chiqadi    D) Barcha javoblar to‘g‘ri

## XULOSA

Hujayrada anorganik va organik moddalar mavjud bo‘lib, anorganik moddalarga suv va mineral tuzlar kirsa, organik moddalarga uglevod, lipid, oqsil va nuklein kislotalar kiradi. Hujayrada uchrovchi elementlarni biogen elementlar deyiladi va ular miqdori jihatdan makro-, mikro-, ultramikroelementlarga ajratiladi. Hujayraning quruq mossasini yarmidan ko‘pini oqsillar tashkil qiladi. Hujayraning hayotida oqsillar muhim ahamiyatga ega. Ular to‘xtovsiz sintezlanib, parchalanib turadi.

Hujayrada moddalar almashinuvi jarayoni bo‘lib turadi. Moddalar almashinuvi assimilyatsiya va dissimilyatsiya reaktsiyalari yig‘indisidan iborat. Nuklein kislotalarga asosan DNK va RNK kiradi. DNK yadrodagi xromosomalarda qo‘s sh spiral, gistonli oqsillarga o‘ralgan holatda bo‘ladi. DNK irsiy axborotni saqlash va nasldan naslga o‘tkazish vazifasini bajaradi. RNKning uch xili mavjud bo‘lib, har uchalasi ham oqsil sintezida qatnashadi. Hujayraning yadrosida DNK va RNK sintezi, sitoplazmada esa oqsil sintezi boradi.

Fotosintez yashil o’simliklar xloroplastlarida boradi. Fotosintezning yorug‘lik va qorong‘ilik reaksiyalariga ajratiladi. Yoruqlik reaksiyalarini xloroplastning tilakoidlarida, qorong‘ilik reaksiyalarini xloroplastning stromasida kechadi. Hujayrada hosil bo‘layotgan energiyalar ATF shaklida to‘planadi.

### III б о б. ORGANIZMLARNING KO'PAYISHI VA INDIVIDUAL RIVOJLANISHI

Bu bob bilan tanishish mobaynida o'quvchilar: hujayralarning bo'linish xillari, mitoz va meyozi jarayonlari, ularning asosiy mohiyati va farqlarini; somatik va jinsiy hujayralar bo'linishida irsiy moddaning o'zgarishini, mitoz va meyozining biologik ahamiyatini; organizmlarning jinssiz va jinsiy ko'payish xillari, ularning biologik mohiyati, evolutsiya uchun ahamiyatini; urug'lanish, o'simlik va hayvonlarda urug'lanish jarayonining farqlarini; ontogenetika tiplari, ebrional va postembrional davrlarning asosiy belgilarni; tashqi muhitning individual rivojlanish bosqichlariga ta'siri ni: gomeostaz, biologik ritmlar, anabioz tushunchalarining mohiyati va ahamiyatini chuqur o'zlashtirib olishlari lozim.

#### 29-§. Hujayraning hayot sikli

Ko'p hujayrali organizmlarning hujayralari ixtisoslashgan bo'lib, ular muayyan tuzilishga va ma'lum funksiyani bajarishga ega bo'ladi. Shunga ko'ra ularning yashash davri turlichadir. Masalan, nerv, mushak hujayralari, qizil qon tanachalari yetuk bosqichga yetganidan keyin umuman bo'linmaydi. Boshqa hujayralar – epiteliy to'qimasining hujayralari o'z xususiyatiga ko'ra tezda halok bo'ladi. Shuning uchun bu to'qimalarning hujayralari doimo ko'payib turadi. Hujayralarning yashash muddati har xil, u 8 soatdan 100 kungacha va hatto undan ham ortiq bo'lishi mumkin. Bir hujayrali va ko'p hujayrali organizmlar hujayralarning bo'linib, ko'payishida o'xshashliklar bor. Hujayralar asosan 2 xilda bo'linib ko'payadi, ya'ni mitoz va meyozi. Mitoz somatik hujayralarning bo'linishi, meyozi jinsiy hujayralarning yetilish usuli.

**Mitoz.** Eukariot hujayralar asosan mitoz (yunoncha mitoz – ip degan so'zdan olingan) usulda bo'linadi. Mitoz natijasida hujayralarning soni ortadi, organizmlar o'sadi, o'lgan hujayralarning o'rni tiklanadi. Bir hujayrali organizmlarda mitoz tufayli jinssiz ko'payish jarayoni amalga oshadi. Mitoz juda murakkab jarayondir. Hujayralar bo'linishdan oldin unga tayyorlanadi. Bu vaqtida uning yadrosida xilma-xil morfologik va biokimyoiy o'zgarishlar kechadi. Hujayralarning bo'linishidan yangidan bo'lgungacha yoki bo'linishdan keyin nobud bo'lgungacha davr *hujayra sikli* deb ataladi. Hujayraning bo'linishiga tayyorgarlik

davri va shuningdek, bo‘linish davri davomida kechadigan o‘zaro bog‘liq bo‘lgan jarayonlar yig‘indisiga *mitotik sikl* deyiladi. Tinmasdan bo‘linadigan hujayralarning hujayra sikli mitoz sikli bilan teng. Mitoz sikli – mitozdan va unga tayyorlanish uchun ketgan vaqtlar yig‘indisidan iborat. Bir mitozdan ikkinchi mitozgacha bo‘lgan tayyorlanish davrini *interfaza* deb ataladi. Shunday qilib, mitoz sikli mitozdan va interfazadan iboratdir. Interfaza asosan 3 ta bosqichni o‘z ichiga oladi.  $G_1$  – (G: ingilizcha gap – interval, oraliq degan so‘zdan olingan) sintezdan oldingi davr. Irsiy axborot miqdori  $2n2c$  ga teng. N–xromosoma to‘plami, C–DNK miqdori. Bu davrda hujayra o‘sadi, hujayrada RNK va oqsillar sintezi kuza tiladi. S – (sintez davri) davrida DNK sintezlanadi va xromosoma strukturalari reduplikatsiyalanadi – DNK miqdori ikki hissa ortadi ( $2n4c$ ). RNK va oqsillar sintezlanadi, sentriolalar soni ham ikki hissa ortadi. Mitoxondriya va plastidalardagi DNK miqdori ham ikki hissa ortadi.  $G_2$  – (sintezdan keyingi davr) davrida hujayra bo‘linishga tayyorlanadi. Hujayrada ATF sintezi kuchayadi, oqsillar sintezlanadi. Hujayraning o‘sishi nihoyasiga yetadi, erkin mikronaychalar tarkibidagi tubulin oqsili sintezlanadi. Shundan keyin ketma-ket keladigan mitoz davri boshlanadi. Mitoz hujayra hayot siklining juda ham kam vaqtini tashkil etadi. Masalan, ichak epiteliya hujayralari 20–22 soat yashashi mumkin, ularning mitozi uchun esa faqat 1 soatga yaqin vaqt sarf bo‘ladi.

Mitoz 4 fazadan iborat:

1) profaza 2) metafaza 3) anafaza 4) telofaza

**1.** Profazada hujayra yadrosining hajmi kattalashadi. Sentriolalar qarama-qarshi tomonga ajrala boshlaydi. Ular o‘rtasida axromatin dukchalar vujudga keladi. Profaza davomida xromosomalar kuchli spirallahshadi. Natijada xromosomalar kalta va yo‘g‘on bo‘lib qoladi. Yadro qobig‘i va yadrocha parchalanib keta di va xromosomalar sitoplasmada erkin joylashib qoladi. Xromosomalar to‘plami va DNK miqdori  $2n4c$  bo‘ladi.

**2.** Metafazada xromosomalarning spirallahishi yuqori darajaga yetadi. Xromosomalar hujayraning ekvator zonasida bir qator bo‘lib joylasha boshlaydi. Metafazada mitotik apparat (axromatin duk)ni shakllanishi tugallanadi, natijada axromatin duklar hujayra qutbiga tortilib, xromosoma sentromerasiga ikki axromatin ip bog‘lanadi. Xromosomalar to‘plami va DNK miqdori  $2n4c$  bo‘ladi. Xromosomada 4 ta xromotida bo‘ladi.

**3.** Anafaza jarayonida axromatin ipchalarini qisqarishi tufayli

xromosomalardagi xromotidlar bir-biridan ajralib, alohida xromosomalarni hosil qilib qutblarga tomon tortiladi. Xromosoma to'plami va DNK miqdori  $4n+4c$  bo'ladi.






**4.** Telofazada xromosomalar hujayra qutblarida yig'iladi, yadro membranasi hosil bo'ladi. Xromosomalarning spirallari yoyiladi va ko'rinxmaydigan bo'lib qoladi. Telofazada avval *kariokinez* – yadroning bo'linishi, so'ngra *sitokinez* – sitoplazmaning bo'linishi kuzatiladi.

Sitokinez hayvon va o'simlik hujayralarida har xil kechadi. Hayvon hujayralarida plazmatik membranasi o'rtasida botiqlik paydo bo'lib, asta-sekin torayishi natijasida hujayra teng ikki qismga bo'linadi.

O'simlik hujayralarida esa hujayraning o'rtasida sitoplazmatik membrana paydo bo'lib, periferiya tomoniga o'sa boshlaydi va hujayrani teng ikki qismga ajratadi. Keyin esa selluloza qobig'i hosil bo'ladi. Sitokinezdan oldin xromosoma nabori  $2n+2c$  bo'ladi. Demak, mitoz natijasida to'la hajmdagi irsiy informatsiyaga ega bo'lgan ikkita qiz hujayra vujudga keladi. Binobarin, mitozning biologik ahamiyatiga ko'ra ikkita qiz hujayra o'rtasida xromosomalarni teng taqsimlanadi. Shunga ko'ra, mitoz qiz hujayralarning har biriga butun irsiy axborotni to'liq o'tishini ta'minlaydi (*49-rasm*).

**Mitozning biologik ahamiyati.** Mitoz natijasida yangi hosil bo'lgan hujayralar ona hujayralariga irsiy jihatidan o'xshash bo'ladi. Mitoz – bo'linishda hujayralarda irsiy moddalar teng taqsimlangan bo'ladi. Mitoz organizmning embrional rivojlanishini, jarohatlangan to'qima va a'zolarning qayta taqsimlanishini ta'minlaydi. Umri tugagan hujayralarning o'rni to'ldirilishini ta'minlaydi. Organizmlarning jinssiz ko'payishi ham mitoz bo'linish asosida amalga oshadi. Mitoz natijasida organizm hujayralarida xromosomalarni sonining doimiyligi saqlanadi. Har bir hujayraning yadrosidagi xromosomalarni yig'indisi xromosomalarni to'plami deyiladi. Ko'p hujayrali organizmlarda asosan ikki xil hujayralar guruhi farq qilinadi: 1) somatik hujayralar (somatik, soma – tana so'zidan olingan), bularga tananing jinsiy hujayralardan boshqa hamma hujayralari (teri, mushak, nerv, qon, ildiz, poya, barg va boshqa hujayralar) kiradi; 2) jinsiy hujayralar yoki gametalar. Somatik hujayralar yadrosida xromosomalarning diploid (juft) to'plami mavjuddir. Masalan, shimpanzening diploid to'plamida – 48 ta xromosoma, gaploid to'plamida – 24 ta,

**Mitoz**

Interfaza	Profaza	Metafaza
		
<p>DNK sintezlanadi yadroda. Xromosomalar to'plami va DNK miqdori <math>2n = 4</math> c bo'ladi.</p>	<p>Xromosomalar spirallashadi, ikkita xromatida shakliga keladi, yadro qobig'i eriydi, sentriolalar bir-biridan itarila boshlaydi. (<math>2n=4c</math>)</p>	<p>Xromosomalarning eng spirallashgan holati bo'lib, hujayra ekvator tekisligiga bir qator bo'lib joylashadi. (<math>2n=4c</math>)</p>
		
<b>Anafaza</b>	<b>Telofaza</b>	
<p>Xromosoma xromatidalarini biriktirib turuvchi belbog' uziladi, xromatidalar bir-biridan ajralib alohida xromosomaga aylanadi. Xromosomalar qutblarga tortila boshlaydi. (<math>4n=4c</math>)</p>	<p>Xromosomalar qutblarga to'planib, spirallari yoyiladi. Yadro qobig'i hosil bo'ladi, yadrocha qaytadan hosil bo'ladi. Sitoplazmaning ikkiga bo'linishi kuzatiladi. (<math>2n=2c</math>)</p>	
	<b>Kariokinez</b>	<b>Sitokinez</b>

49-rasmi. Mitoz bo'linish.

odamning somatik hujayralarida 46 ta, gametalarida esa 23 ta xromosoma uchraydi.

Ba'zan mitozning noto'g'ri kechishi xromosomalarning shikastlanishiga, sonining kamayishiga yoki ortib ketishiga olib kelishi mumkin. Natijada har xil irlsiy kasalliliklar kelib chiqadi.

**Amitoz.** Amitoz hujayraning oddiy bo'linishi bo'lib, kam uchraydi. Amitoz bo'linishda yadro tayyorgarliksiz bo'linadi. Bunda DNK qiz hujayralar o'rtasida teng taqsimlanmaydi, DNK spirallashmaydi. Ba'zan amitozda sitokinez bo'lmaydi. Bu holatda ikki yadroli hujayra hosil bo'ladi. Qari hujayralar va rak hujayralari shu usulda bo'linib ko'payishi ta'kidlangan.

### Nazorat savollari

1. Mitozning bo'linish fazalari (bosqichlari).
2. Mitozning biologik ahamiyati.
3. Mitoz va amitoz bo'linish o'rtasidagi farq.
4. Hujayrada bo'linishning ahamiyatini aytинг.
5. Sitokinez va kariokinez farqini so'zlab bering.
6. Xromosomalarning diploid va gaploid to'plamlari qanday hujayralarda bo'ladi?
7. DNKnинг ikki hissa ortishi mitoz siklining qaysi davrida kuzatiladi?
8. Xromosomalarning qutblar tomon harakatlanishi qanday amalga oshadi?
9. Hujayra sikli bilan mitoz sikli orasidagi farqni bilasizmi?
10. Interfazada qanday o'zgarishlar kuzatiladi?

### Mustaqil yechish uchun test savollari

1. Mitozning anafaza va telofaza bosqichlarida xromosomalar to'plami va xromosomalarning gaploid to'plamidagi DNK miqdori qanday bo'ladi?  
A) 2n4c B) 2n2c C) 2n4c D) 4n4c E) B, D
2. Mitozning qaysi fazasida xromosoma xromatidlarini birlashtirib turuvchi belbog' uziladi?  
A) profaza B) metafaza C) anafaza D) telofaza E) barchasida
3. Qaysi hujayralar yetuk bosqichga yetgandan so'ng umuman bo'linmaydi?  
A) nerv, mushak B) teri, nerv C) mushak, o'pka  
D) ichak epiteliysi, qizil qon tanachalari E) teri, o'pka
4. Xromosomalarning spiralga o'ralib, kattalashishi va yo'g'onlashishi qaysi fazada boshlanadi?  
A) profazada B) anafazada C) telofazada D) metafazada  
E) telofaza va anafazada
5. Mitozning qaysi bosqichida xromosomalar va xromosomalarning gaploid to'plamidagi DNK miqdori 4n4c bo'ladi?  
A) interfaza B) profaza C) metafaza D) anafaza E) D, C
6. Interfazaning sintezidan keyingi davrida ... ....  
1) RNK va oqsil sintez davom etadi

- 2) tubulin oqsili sintezlanadi  
 3) mitoz jarayoni boshlanadi  
 4) sentriolalar soni ham ikki hissa ortadi  
 5) mitoxondriyalar miqdori ikki hissa ortadi  
 A) 1, 2   B) 2, 3   C) 3, 4   D) 4, 5   E) 3, 5

### 30-§. Organizmlarning jinssiz ko‘payishi

Ko‘payish barcha tirik organizmlarga xos bo‘lgan xususiyatdir. Ko‘payish o‘z-o‘zini qaytadan hosil qilish, o‘ziga o‘xshagan nusxa paydo qilish tirik organizmlarning asosiy xossalardan biridir. Ko‘payishning ikki xil turi tafovut qilinadi: jinsiy va jinssiz ko‘payish. Jinssiz va jinsiy ko‘payish bir hujayrali va ko‘p hujayralilarda ham uchraydi (*9-jadval*).

#### Bir hujayralilarning jinssiz ko‘payishi.

**1.** Binar bo‘linish. Sodda hayvonlar, bir qancha bir hujayrali suvo‘tlarda uchraydi. Masalan yashil evglena uzunasiga, tufelka esa ko‘ndalangiga bo‘linadi.

**2.** Shizogoniya – ko‘p bo‘linish. Suvo‘tlarda, zamburug‘larda, sodda hayvonlarda uchraydi. Avval yadro mitoz yo‘li bilan ko‘p marta takrorlanib bo‘linadi, sitokinez ro‘y bermaydi. Keyin sitoplazma yadrolarni o‘raydi va natijada bitta hujayradan o‘nlab, yuzlab, minglab yangi hujayralar hosil bo‘ladi. Bezgak plazmodiysi odam eritrotsitlarining ichida shunday usulda ko‘payadi.

**3.** Kurtaklanib ko‘payish. Ona hujayrada yadro yoki nukleoidni saqlovchi bo‘rtma paydo bo‘lib, kattalashadi va ajralib alohida hujayraga aylanadi. Bir hujayrali zamburug‘lar (achitqi zamburug‘i) da, ayrim infuzoriyalarda uchraydi.

9-j a d v a l

#### Jinssiz ko‘payishning xillari

Jinssiz ko‘payish	Bir hujayralilarda	Binar Shizogoniya Kurtaklanish Spora orqali
	Ko‘p hujayralilarda	Vegetativ Spora orqali Fragmentlar orqali Kurtaklanib Poliembrional

**4.** Sporalar orqali ko‘payish. Sodda hayvonlar, bir hujayrali zamburug‘lar, bir hujayrali suvo‘tlarida sporalar orqali ko‘payish kuzatiladi. Spora ichida hujayra ko‘p marta mitoz usuli bilan bo‘linadi.

### **Ko‘p hujayralilarda jinssiz ko‘payish.**

**1.** Vegetativ ko‘payish. Vegetativ ko‘payishda vegetativ organlarning alohidalashishi hisobiga amalga oshadi. O‘simliklar olamida keng tarqalgan. O‘simliklar jingalaklari, ildiz bachkisi, bachki navdalari, piyozlari, tugunaklari va ildiz poyalari, barglari orqali ko‘payishi vegetativ ko‘payishga misol bo‘ladi.

**2.** Sporalar orqali ko‘payish. O‘simliklar (yo‘sin, qirqquloq, qirqbo‘g‘imlar)da uchraydi. Yengil sporalar o‘simliklarni tabiatda keng tarqalishiga imkon beradi.

**3.** Fragmentlar orqali ko‘payish. Ipsimon suvo‘tlarda (spirogira), tuban hayvonlarda (tuban chuvalchanglarda, masalan planariyada) keng tarqalgan. Organizm bir necha qismlarga ajralandan keyin, har bir qismidan alohida mustaqil organizm rivojlanadi.

**4.** Kurtaklanib ko‘payish. Tuban ko‘p hujayralilarda (g‘ovak tanlilarda, kovakichlilarda, ayrim chuvalchanglarda) kuzatiladi.

**5.** Poliembrional ko‘payish. Zigotaning dastlabki maydalanishida hosil bo‘lgan hujayralar bir-biridan ajralib qolishi natijasida mustaqil rivojlanib, har qaysisi alohida organizmlarni hosil qiladi. Natijada bir tuxumli rivojlangan egizaklar paydo bo‘ladi. Odamlarda bir tuxumdan 2–8 tagacha egizaklar rivojlanishi mumkin. Ularning hammasi ham bir jinsli bo‘ladi.

Jinssiz ko‘payishda ona individning qiz organizm paydo qiluvchi bir qismi ajralib chiqadi. Ayni vaqtida ko‘pdan ko‘p organizmlarda qiz formalar odatda, ilgari ona tanasining bir qismini tashkil qilib kelgan bir guruh hujayralardan hosil bo‘ladi (shu hujayralarni har biri diploid to‘plamidagi ( $2n$ ) xromosomalar bo‘ladi). Jinssiz ko‘payish asosan o‘simliklar va umurtqasiz hayvonlar orasida uchraydi, bularda ko‘payishning bu turi ba’zan jinsiy ko‘payish bilan almashinib turadi (avlodlarning almashinuvi). Jinssiz ko‘payish tabiatda, hayvonlar orasida ham, o‘simliklar orasida ham keng tarqalgan. Ko‘payishning bu turi qishloq xo‘jaligi (bog‘dorchilik, sabzavotchilik, gulchilik) uchun katta ahamiyatga ega. Odatda bir hujayrali organizmlar jinssiz yo‘li bilan ko‘payadi va ularning hujayrasi teng ikkiga bo‘linadi.

O‘simliklarda ham bir hujayrali yashil suvo‘tlar (xlorella),

zamburug'lar, yo'sinlar va paprotniklar jinssiz yo'l bilan ko'paishi kuzatiladi. O'simliklarning bu barcha turida jinssiz ko'payish sporalar hosil qilish bilan amalga oshadi. Har bir spora pishiq qobiqqa o'ralgan va mitoz usulida bo'linishi xususiyatiga ega bo'lgan bitta hujayradan iboratdir.

Spora hosil qilish bilan ko'payish eng sodda hayvonlar orasida ham uchraydi (sporalilar sinfi). Jinssiz ko'payishning yana bir usuli kurtaklanishdir: kurtaklanishda ona individning tanasi sitoplazmasidan to'la qiymatli yadro bor kichkina bir qismini ajratib chiqaradi. Qiz individ avvaliga ona individining tanasidan o'sib chiqqan kichkina o'simta kurtakdan iborat bo'ladi. Shu kurtak asta-sekin o'sib boradi, keyin esa ajralib mustaqil hayot kechirishga o'tadi. Ko'p hujayrali hayvonlarda (chuchuk suv gidrasi) kurtak: ektoderma va endoderma qavatining hujayralardan iborat. Kurtak uzunlashadi, keyin uning oldingi og'iz teshikchasi hosil bo'lib, uning atrofida paypaslagichlari bo'ladi, keyinchalik ona gideradan ajralib ketadi. O'simliklarda jinssiz ko'payish ularning vegetativ qismlari yordamida yuzaga keladi. O'simliklarning poyasi, ildizi, bargi ana shunday qismlarini tashkil etadi.

**Jinssiz ko'payishning biologik ahamiyati.** Jinssiz ko'payish bir turga mansub bo'lgan individlar sonini ortishiga olib keladi. Lekin tur ichida genetik turli-tumanlikka olib kelmaydi. Chunki jinssiz ko'payishda faqat bitta hujayra yoki bitta organizm qatnashganligi uchun hosil bo'lgan yangi avlodlar ona avlodning ayni nusxasi hisoblanadi. Jinssiz ko'payish organizmlarning tez ko'payishi va ko'p avlod qoldirishini ta'minlaydi. O'zgargan muhit sharoitida foydali bo'lgan yangi belgilar faqat mutatsiya tufayli vujudga keladi.

### Nazorat savollari

1. Jinssiz ko'payishning qanday turlarini bilasiz?
2. Bir hujayralilarning jinssiz ko'payishini aytib bering.
3. Ko'p hujayralilarning jinssiz ko'payishini aytib bering.
4. Jinssiz ko'payishning ahamiyatini izohlang.

### Mustaqil yechish uchun test savollari

1. **Shizoganiya usulida ko'payish qanday usulda amalga oshadi?**
  - A) yadro ko'p bo'laklarga bo'linadi
  - B) sitoplazma bo'linib, yadrolarni o'raydi
  - C) bitta hujayradan bir qancha hujayralar hosil bo'ladi
  - D) hujayralar qalin po'st bilan o'raladi    E) A, B, D

**2. Shizoganiya usulida ko‘payish qaysi organizm uchun xos?**

- A) suvo‘tlar B) bakteriyalar C) viruslar D) sporali o‘simliklar  
E) gulli os‘imliklar

**3. Jinsiy ko‘payishning biologik ahamiyati nimadan iborat?**

- A) organizmlarning tez ko‘payishi, ko‘p avlod hosil bo‘lishini ta’minlash  
B) tabiiy tanlanish natijasida organizmlarning xilma-xil bo‘lishini ta’min-

lash  
C) irsiy o‘zgaruvchanlikni kuchaytirish, evolutsiya uchun material yetkazib berish

D) irsiy xilma-xillikka olib keladi va organizmlarning moslanuvchanligini orttiradi

E) irsiy jihatdan har xil bo‘lgan individlarni vujudga keltirishni ta’minlash

**4. Berilganlardan bir hujayrali organizmlarning jinssiz ko‘payishi usulla-rini aniqlang.**

- 1) bo‘linish; 2) vegetativ; 3) shizoganiya; 4) sporalar hosil qilish;  
5) kurtaklanish; 6) poliembrional ko‘payishi; 7) partenogenez

A) 3, 1, 5, 4 B) 2, 3, 7, 5 C) 6, 4, 2, 1 D) 5, 4, 3, 7 E) 4, 5, 7, 2

**5. Bitta zigotadan mustaqil rivojlanuvchi bir necha homilalar hosil bo‘lishi qaysi ko‘payish usuli hisoblanadi?**

- A) poliembrional B) embrional C) jinsiy  
D) postembrional E) partenogenez

**6. Shizoganiya bu ... ...**

- A) bir hujayraning bo‘linishi natijasida ikki organizmning hosil bo‘lishi  
B) bitta hujayradan bir qancha hujayralarning hosil bo‘lishi  
C) sporalar bo‘linib, yangi hujayralarning hosil bo‘lishi  
D) ona hujayralarda bo‘rtma paydo bo‘lib, undan alohida hujayralarning hosil bo‘lishi E) to‘g‘ri javob berilmagan

### 31-§. Jinsiy ko‘payish

Jinsiy ko‘payish asosida irsiy axborotlar almashinushi yoki qo‘shilishi yotadi. Bir hujayralilar va ko‘p hujayralilarda jinsiy jarayonlarni, jinsiy ko‘payishni ko‘rib chiqamiz (*10-jadval*). Organizmlarning jinsiy ko‘payishida ikki jinsga mansub (erkak va urg‘ochi jinslar) bo‘lgan maxsus jinsiy hujayralar, ya’ni gametalar hosil bo‘ladi. Bu gametalar bir-biri bilan qo‘silib, zigota hosil qiladi.

**Konyugatsiya.** Konyugatsiya (lotincha konyugatsiya – birikish, bog‘lanish so‘zlaridan olingan) infuzoriyalilarda kuzatiladi. Infuzoriya tufelkaning ikkita yadroси mavjud bo‘lib, katta yadroси konyugatsiyadan oldin erib ketadi. Kichik yadroси ikkita gaploid xromosomali yadrolarni hosil qiladi. Ikkita tufelka bir-biriga yaqin

### Jinsiy ko‘payish xillari

Jinsiy ko‘payish	Bir hujayralilarda	Konyugatsiya Kopulyatsiya
	Ko‘p hujayralilarda	Urug‘lanib ko‘payish Urug‘lanmasdan ko‘pa- yish (partenogenez) Androgenez

kelib, ular o‘rtasida protoplazmatik ko‘prikcha hosil bo‘ladi. Ikki tufelkaning kichik yadrosi sitoplazma suyuqligi bilan birga bir-biriga o‘tadi. Natijada har bir tufelkada hosil bo‘lgan ikkita gaploid xromosomali yadrolar o‘zaro qo‘silib, diploid xromosomali bitta kichik yadroni hosil qiladi. Konyugatsiyada ishtirok etgan tufelkalar ajralib alohida hayot kechirishadi. Bakteriya (prokariot) larda ham konyugatsiya kuzatiladi. Lekin eukariotlarnikidan farq qiladi (prokariotlar mavzusiga qarang). Konyugatsiya suvo‘tlar va tuban zamburug‘larda ham kuzatiladi.

**Kopulyatsiya.** Kopulyatsiya (lotincha kopulatio – qo‘silish) bir hujayralilarda jinsiy jarayon bo‘lib, ikkita jinsiy har xil gametalar qo‘silib zigotani hosil qiladi. Evolutsiya davomida bir hujayralilarda gametalar dastlab bir-biridan farq qilmagan (izogametalar). Keyinchalik gametalar o‘rtasidagi farq ortib borgan (geterogamiya, oogamiya). Kopulyatsiya jarayoni ko‘pchilik suvo‘tlarda (masalan xivchinlilarda) kuzatiladi.

**Partenogenez. Urug‘lanmasdan ko‘payish.** Ba’zi hayvonlarda (chuvalchanglar, asalarilar, chumolilar, o‘simlik bitlari, tuban qisqichbaqasimonlar) tuxum hujayra otalanmasdan rivojlanishi mumkin. Bunday rivojlanishi partenogenez (*partenoz* – yunoncha qiz, *genезис* – tug‘ilish) ya’ni bokiralik ko‘payish deb ataladi. Jinsiy ko‘payishning bu xilini XVIII asrning o‘rtalarida shved olimi Bonne (1720–1739-y.) tomonidan aniqlangan. Hozirgi vaqtda partenogenez faqat tabiiy holda uchrabgina qolmay, balki uni sun’iy olish imkoniyati ham yaratilgan.

Partenogenez o‘simliklar olamida ham, hayvonot olamida ham uchraydi. Tabiiy partenogenez ko‘pgina bo‘g‘imoyoqlilarda kuzatiladi. Masalan chumoli va arilarda kuzatiladi. Urg‘ochi arining tuxum hujayrasi urug‘lanmasdan rivojlanadi. Partenogenez natijasida individ populyatsiyasi tezda ko‘payadi. Sun’iy partenogenez

odam tomonidan olib boriladi. Bunda fizik (mexanik ta'sirlar, elektr toki, issiqlik, sovuqlik va boshqa moddalar) va kimyoviy omillardan foydalilanildi. Masalan, urug'lanmagan baqa tuxum hujayrasiga nina bilan ta'sir qilib, undan yetuk baqani rivojlantirish mumkin, ularning hammasi urg'ochi jinsli bo'ladi. Ko'pincha tut ipak qurtida olib boriladi. Boris Lvovich Astaurov (1904—1974) sun'iy partenogenez yordamida irsiy jihatdan qimmatli bo'lgan urg'ochi ipak qurtalarini yaratish usulini ishlab chiqqan (B.L.Astaurov partenogenez va androgenez usullaridan foydalangan) (50-rasm).

**Androgenez.** Tabiiy va sun'iy partenogenezda, rivojlanayotgan hujayrada (tuxum) faqat tuxum hujayraning yadrosi bo'ladi. Androgenezda (yunoncha *anros* — erkak, *genezis* — tug'ilish so'zlaridan olingan) esa tuxum hujayra-ning yadrosi olib tashlanib yoki nobud etilib, unga urug' hujayra-ning (spermatozoidning) yadrosi kiritiladi. Demak, tuxum hujayradan faqat uning sitoplazmasi qatnashadi. Urug' hujayradan esa uning yadrosi ishtirok etadi. Bunday hujayradan rivojlangan organizm faqat ota organizm belgilariga ega bo'ladi. Lekin shuni nazarda tutish kerakki, tuxum hujayraga (yadrosi olib tashlangan) faqat bitta spermatozoid kiradi. Bunday organizm rivojlanmaydi. Agar tuxum hujayraga bir necha spermatozoid kirgan bo'lsa, ya'ni polispermiya bo'lsa, shu tuxum hujayraga spermatozoidlardan 2 tasi o'zaro qo'shilib, diploid to'plam tiklanadi. Bunda "zigota" rivojlanadi. Bunday rivojlanishda tuxum hujayraning sitoplazmasi ishtirok etganiga qaramasdan, hosil bo'lgan organizm ota belgilariga ega bo'ladi.

**Ko'p hujayralarda jinsiy ko'payish.** Jinsiy ko'payishda, odatta, ikki ota-onaligda organizmi qatnashadi. Ularning har qaysisida alohida jinsiy hujayralar (gametalar) hosil bo'ladi. Urg'ochi jinsiy bezlarida tuxum hujayra (ovotsit), erkak organizmda urug' hujayra (spermatozoid) hosil bo'ladi. Gametalarning yadrosida xromosomalarining toq (gaploid) to'plami mavjud. O'sha ikki xil jinsiy



50-r a s m. Boris Lvovich Astaurov (1904—1974) — partenogenez va androgenez usullari yordamida tut ipak qurtining sifatli zotlarini ajratib oldi.

hujayralarning qo'shilishi natijasida bitta yangi organizm hosil bo'ladi. Shuningdek, jinsiy ko'payishda ikkita organizm gametalarining irsiy moddasi qo'shilganligi uchun hosil bo'lgan avlodlar bir-biridan va ota-onalaridan irsiy jihatdan farq qiladi. Jinsiy ko'payish irsiy xilma-xillikka olib keladi va organizmlarning moslanuvchalligini orttiradi. U jinssiz ko'payishga nisbatan afzallikka ega bo'lgani uchun o'simlik va hayvonot olamida keng tarqalgan.

Jinsiy jarayonning vujudga kelishi jinssiz ko'payishga nisbatan juda katta genetik qulaylikni beradi. Jinsiy ko'payish jinssiz ko'payishdan farqli o'laroq, doimo jinsiy hujayralarning hosil bo'lishi bilan amalga oshadi. Jinsiy hujayralar jinsiy bezlarda yetiladi (tuxum hujayra tuxumdonda, spermatozoid urug'donda yetiladi). O'simliklar bilan hayvonlarning har xil turlarida jinsiy hujayraning yirik-maydaligi, shakl va tuzilishi jihatdan bir-biridan farq qiladi. Hayvonlarning tuxum hujayrasi yumaloq shaklda, harakatsiz bo'lib, sitoplazmasida juda ko'p sariqlik moddasi bo'ladi. Spermatozoidlar odatda harakatchan bo'lib, ularning asosiy vazifasi tuxum hujayrani urug'lantirishdan iboratdir.

### Nazorat savollari

1. Jinsiy ko'payishning qanday turlarini bilasiz?
2. Bir hujayralilarining jinsiy ko'payishini aytib bering.
3. Konyugatsiya va kopulyatsiyaning farqlarini ta'riflang.
4. Ko'p hujayralilarning jinsiy ko'payishini aytib bering.
5. Ko'p hujayralarda urug'lanmasdan ko'payishni ta'riflang.
6. Jinsiy ko'payishning ahamiyatini izohlang.

### Mustaqil yechish uchun test savollari

#### 1. Konyugatsiya vaqtida infuzoriya tufelkaning ..... qatnashadi.

- A) katta yadrosi    B) kichik yadrosi  
 C) har ikki yadrosi ham    D) sitoplazma suyuqligi

#### 2. Kopulyatsiya bir hujayralarda kuzatilib .....

- A) ikkita jinsiy har xil gametalar qo'shilib zigitani hosil qilishi  
 B) ikkita bir xil gametalar qo'shilib zigitani hosil qilishi

C) bitta hujayradan hosil bo'lgan gametalarining qo'shilib zigitani hosil qilishi    D) ikki hujayraning irsiy axborotlarini almashinishi

#### 3. Tuxum hujayra yadrosini olib tashlab, unga spermatozoidning yadrosini kiritish ..... deyiladi.



- A) partenogenez    B) androgenez  
 C) kopulyatsiya    D) konyugatsiya

## 32-§. Jinsiy hujayralarning tuzilishi. Gametogenez

Jinsiy hujayralar bir-biridan o'lchamlari, tuzilishi va funksiyalari jihatdan farq qiladi. Jinsiy hujayralarga spermatozoid va tuxum hujayralar (gametalar) kiradi.

Spermatozoidlar mayda, harakatchan hujayralardir. Odam spermatozoidining o'lchami 50–70 mkm dan oshmaydi. Spermatozoidning asosiy funksiyasi o'z gaploid to'plamiga ega bo'lgan yadrosini tuxum hujayra sitoplazmasiga kiritishdan iborat. Uning tuzilishi ham o'sha funksiyani bajarishga moslashgan bo'lib, boshcha, bo'yin va dum qismlaridan tarkib topgan. Bosh qismida yadro, uning old tomonida otalanish jarayonida tuxum hujayra qobig'ini eritishi uchun xizmat qiladigan gidrolizlovchi fermentlarni saqlovchi alohida organoid – *akrosoma* joylashgan. Uning atrofida biroz sitoplazma bo'ladi. Bo'yin qismida sentriolalar va mitoxondriyalar joylashgan. Dum qismi xivchindan iborat bo'lib, uning harakatlanishini ta'minlaydi (51-rasm).

Tuxum hujayra o'z tuzilishi jihatidan boshqa hujayralar kabi qobiq, sitoplazma va yadrodan tashkil topgan. Lekin boshqa hujayralardan asosiy farqi uning o'lchami juda katta bo'lishidir. Odam tuxum hujayrasining o'lchami 150 mkm gacha yetadi (somatik hujayralar esa o'rtacha 10–15 mkm dan oshmaydi). Ularning o'lchamlari, kattaligi sitoplazmada oqsilga boy oziq modda – sariqlikning mavjudligiga bog'liq. Tuxum qo'yib



1-sitoplazma; 2-yadro; 3-qobiq;  
4-follikular hujayralar.

51-rasm. Spermatozoid va tuxum hujayrasining tuzilishi.

ko‘payadigan umurtqalilar (reptiliyalar, qushlar) tuxum hujayrasi-da oziq — sariq modda ko‘p bo‘lganligi uchun ancha yirik bo‘ladi. Tuxum hujayra qalin qobiq bilan o‘ralgan bo‘lib, u himoya funksiyasini bajaradi. Tuxum hujayra spermatozoiddan harakatsizligi bilan ham farq qiladi.

Tuxum hujayrada organizmni rivojlanishini ta’minlovchi bar-cha asosiy, irsiy omillar mavjuddir. Tuxum hujayra odatda yumaloq yoki oval shaklda bo‘ladi. Tuxum hujayra o‘zidagi sariqlilik moddasining miqdori va uning sitoplazmaga tarqalishiga qarab uch turga farqlanadi.

1. Tuxum hujayrada sariq miqdori kam bo‘lib, sitoplazmada bir tekis taqsimlangan bo‘lsa, bunday tuxum hujayrani *izoletsital* tuxum hujayra deb ataladi. Izoletsital tuxumlar embrional rivojla-nishi qisqa bo‘ladigan tuban hayvonlarda hamda embrionlari ona qornida rivojlanadigan yuqori darajali hayvonlar (sutemizuvchilar) da uchraydi.

2. Agar sariqlik miqdori ko‘p bo‘lib, sitoplazmada teng tar-qalmagan bo‘lsa, bunday tuxum hujayraga *teloletsital* deb ataladi. Teloletsital tipdagи tuxum hujayralar ona qornidan tashqarida rivoj-lanadigan umurtqalilar (baliqlar, suvda ham, quruqda yashovchilar, sudralib yuruvchilar va qushlar) da uchraydi.

3. *Sentroletsital* tipdagи tuxum hujayralaridagi sariqlik hu-jayraning markaziga joylashgan bo‘lib, sitoplazma esa hujayrani chekkasidan o‘rin olsa, tuxum hujayra sentroletsital deyiladi. O‘rgimchaksimonlar va hasharotlarning ayrim turkumlarida uchraydi.

**Jinsiy hujayralarning rivojlanishi (gametogenez).** Jinsiy hujayralarning yetilish jarayoni gametogenez (yunoncha gamete — ayol, gametez — erkak, genezis — rivojlanish so‘zlaridan olingan) deyiladi.

Spermatozoidlar urug‘donda rivojlanadi, ularning rivojlanish jarayoni *spermatogenez* deyiladi. Tuxum hujayraning rivojlanishi *ovogenez* deyiladi va tuxumdonda kechadi.

Gametogenez shartli ravishda to‘rtta davrga: ko‘payish, o‘sish, yetilish va shakllanish davrlariga bo‘linadi.

**Spermatogenez.** Ko‘payish davrida xromosomalarning diploid to‘plamiga ega bo‘lgan spermatogoniylar mitoz yo‘li bilan ko‘payadi. O‘sish davrida spermatogoniylar o‘sib, kattalashadi, sitoplazma-da oziq modda to‘planadi, yadroda DNK miqdori ikki hissa ortadi. Bunday hujayralarni birlamchi spermatositlar deyiladi.

**Yetilish davrida** birlamchi spermatositlar meyoz yo'li bilan ko'payta boshlaydi. 1-meyozdan keyin hosil bo'lgan hujayralar **ikkilamchi spermatositlar** deyiladi, 2-meyozda **spermatidalar** hosil bo'ladi. Ular xromosomalarining gaploid to'plamiga ega.

**Shakllanish davrida** spermatozoidlar shakllanadi, ular bosh, bo'yin, dum qismlariga ajraladi.

Shunday qilib, spermatogenez jarayonida bitta diploid to'plamli hujayradan 4 ta gaploid to'plamli spermatozoidlar hosil bo'ladi.


**Ovogenet.** Ovogenetning ko'payish davri spermatogenezga o'xshaydi, hosil bo'lgan hujayralarni ovogoniylar deyiladi.

**O'sish davrida** ovogoniylar kattalashib, birlamchi ovositlarga aylanadi.

Yetilish davrida ketma-ket ikki marta meyoz bo'linishi kuzatiladi. 1-meyozda hosil bo'lgan yirik hujayrani ikkilamchi ovosit deyiladi. Ikkinci hujayra kichik, uni yo'naltiruvchi tanacha deyiladi. Ikkinci meyozda ikkilamchi ovosit bo'linishi natijasida yana bitta yirik tuxum hujayra, bitta kichik yo'naltiruvchi tanacha hosil bo'ladi. Kichik hujayra ham bo'linib o'ziga o'xshash mayda hujayralarni hosil qiladi. Ovogenetda shakllanish davri bo'lmaydi. Ovogenet natijasida bitta diploid to'plamli hujayradan faqat bitta gaploid to'plamli yirik tuxum hujayra hosil bo'ladi. Qolgan uchta hujayra (yo'naltiruvchi tanachalar) tezda parchalanib ketadi.

Ovogenet va spermatogenez jarayonlari o'rtasida quyidagi farqlar ham mavjud:

1. Ovogenet spermatogenezga nisbatan uzoqroq davom etadi, odamlarda spermatogenez uchun 9 haftaga yaqin, ovogenet uchun bir necha yillar ketadi.
2. Spermatogenezda sitoplazma hamma hujayralarga baravar miqdorda taqsimlanadi. Ovogenetda esa notekis taqsimlanadi.
3. Spermatogenez 4 ta bir xil spermatozoidning hosil bo'lishi bilan, ovogenet faqat 1 ta yirik tuxum hujayra hosil bo'lishi bilan tugaydi.
4. Ovogenetda shakllanish kuzatilmaydi. Shunday qilib, gametogenez jarayonida jinsiy bezlarda xromosomalarining diploid to'plami bo'lgan hujayralardan gaploid to'plamli jinsiy hujayralar — gametalar hosil bo'ladi. (52-rasm).




52-r a s m. Odamdagи gametogenez sxemasi.

## Nazorat savollari

1. Jinsiy hujayralar va ularning tuzilishini ayting.
2. Gametogenez qanday bosqichlardan iborat?
3. Spermatogenez va ovogenez bosqichlarining o'xshashlik va farqlarini ayting.

## Mustaqil yechish uchun test savollari

- 1. Gametogenezning qaysi davrida hujayralar gaploid to'plamiga ega bo'ladi?**
- A) ko'payish B) o'sish C) yetilish D) shakllanish E) barchasi
- 2. Sutemizuvchilarida tuxum va spermatozoidlarning necha xili borligini mos ravishda ko'rsating.**
- A) 1 va 1 B) 2 va 1 C) 1 va 2 D) 2 va 2 E) 1 va 4
- 3. Tuxumlarning yetilish zonasida hosil bo'lgan hujayralardan nechta yetik tuxum – gameta rivojlanadi?**
- A) 2 ta B) 1 ta D) 6 ta E) 8 ta F) 4 ta




53-r a s m. Meyoz bosqichlari.

### 33-§. Meyoz

Jinsiy usulda ko‘payadigan organizmlarda o‘ziga xos bo‘linish usuli meyoz kuzatiladi. Meyoz (kamayish degan ma’noni anglatadi) natijasida xromosomalarning diploid to‘plamiga ega bo‘lgan hujayralardan gaploid to‘plamli jinsiy hujayralar hosil bo‘ladi. Meyoz jinsiy hujayralarning rivojlanishi (gametogenetika) jarayonida kechadi. Meyoz – ketma-ket keladigan ikki bo‘linish, ya’ni birinchi va ikkinchi meyoz bo‘linishlaridan iborat. Ularni farq qilish maqsadida birinchi bo‘linish fazalari oldiga I, ikkinchi bo‘linish fazalari oldiga II raqami yoziladi. Meyoz ham mitoz kabi interfazadan boshlanadi, bunda DNK ikki hissa ortishi natijasida xromosomalar ham ikki hissa ko‘payadi. Birinchi meyoz bo‘linish ikkinchisiga qaraganda ancha murakkab va uzoqroq davom etadi (*53-rasm*). Birinchi meyoz bo‘linish: I – profaza, I – metaphaza, I – anafaza, I – telofaza bosqichlaridan tashkil topadi.

Birinchi bo‘linish fazalarining ichida eng murakkabi va uzoq davom etadigani profazadir (birinchi profaza ba’zi organizmlarda bir necha kunlab, oylab yoki yillab davom etishi mumkin).

I profazada ikkita xromatiddan tashkil topgan xromosomalar spirallasha boshlaydi, kaltalashadi. Har bir juftga mansub (gomolog) xromosomalar bir-biriga yaqinlashib, bir-biriga yopishib, yonmayon joylashadi. Bu hodisani *konyugatsiya* deyiladi. Ba’zan konyugatsiyalashgan xromosomalar bir-biri bilan o‘z xromotidlarining o‘xshash qismlarini almashadi. Bu hodisa esa *krossingover* yoki (*54-rasm*) xromosomalar chalkashishi deb ataladi. Bu jarayonlar bilan bir vaqtning o‘zida mitozdagi kabi yadro qobig‘i parchalanib, yadrocha yo‘qolib ketadi, so‘ngra bo‘linish duki hosil bo‘ladi. Shunday qilib, I profazaning o‘ziga xos xususiyati gomolog xromosomalar konyugatsiyalanishi va o‘xshash qismlari bilan almashinishidir. I metaphazada juft-juft holatda xromosomalar hujayraning ekvator tekisligi bo‘ylab joylashadi (mitoz metaphazasida esa ayrim



*54-rasm. Konyugatsiya va krossingover jarayonlari. 2 va 3 – xromatidalarining o‘xshash qismlaridagi genlarining o‘rin almashinishi – krossingover.*

xromosomalarning joylashishini eslang). Shundan keyin I anafaza boshlanadi, gomolog xromosomalar butunligicha xromatidlarga ajralmagan holda qutblarga tomon harakatlana boshlaydi. Mitoz anafazasida esa har bir xromosoma xromatidga ajralib, xromatidlar qutblarga harakatlanadi. I telofazada xromosomalar soni ikki marta kamaygan hujayralar hosil bo'ladi. Birinchi meyozi bilan ikkinchi meyozi orasidagi juda qisqa vaqtini *interkinez* deyiladi, interfaza bo'lmaydi, chunki bunda DNK molekulalarining yana ikki hissa ortishiga ehtiyoj yo'q. Ikkinchi meyozi bo'linish birinchisiga qara-ganda juda tez kechadi va II – profaza, II – metafaza, II – anafaza va II – telofazalardan iborat bo'ladi.

II profazada xromosomalar spirallashadi, yadro qobig'i par-chalanadi, yadrocha yo'qolib ketib, bo'linish urchugi hosil bo'ladi (endi konyugatsiyalanish kuzatilmaydi).

II metafazada huddi mitozdagi kabi xromosomalar ekvator tekisligiga joylashadi.

II anafazada xromatidlar bir-biridan ajralib alohida xromosomalarga aylanadi va qutblarga tomon harakatlanadi (I anafazada gomolog xromosomalar bir-biridan ajralishini eslang).

II telofazada ikkita xromosomalari, gaploid to'plami bo'lgan hujayralar hosil bo'ladi. Shunday qilib, meyozi natijasida har bir diploid to'plam boshlang'ich hujayra ketma-ket ikki marta bo'linishi natijasida 4 gaploid to'plamli jinsiy hujayralar – gametalar hosil bo'ladi.

**Meyozning biologik ahamiyati.** 1. Meyoz tufayli avlodlar almashinuv davomida xromosomalar sonining doimiyligi o'zgarmaydi. Agar gametogenezda xromosomalar soni kamaymaganda, har bir yangi avloddha xromosomalarning soni tinmasdan ikki hissadan ortib boraveradi. Natijada turning eng xarakterli xususiyatlardan biri – xromosomalar sonining doimiyligi buzilar edi.

2. Meyozda gomologik xromosomalarning juda ko'p xilma - xil kombinatsiyalari hosil bo'ladi. Ota yoki ona xromosomalar meyoza har xil gametalarga tarqalishi natijasida gametalarda xromosomalarning yangi to'plami hosil bo'ladi.

3. Xromosomalarning konyugatsiyalashib, o'xshash qismlari bilan almashinishi (crossingover) natijasida irsiy axborotning yangi to'plami hosil bo'ladi. Natijada gametada ota, ona xromosomalar aralashgan holda bo'ladi. Har xil xromosomalarga ega gametalar irsiy o'zgaruvchanlikka sabab bo'ladi. Irsiy o'zgaruvchanlik organizmlar evolutsiyasiga olib keluvchi asosiy omillardan biridir.

Ba'zi holatlarda meyoz jarayonida xromosomalarning gameta-larga taqsimlanishi buzilishi mumkin. Natijada ayrim gametalarda gomolog xromosomalardan har ikkalasi, ayrimlarida esa bittasi ham bo'lmasligi mumkin. Bu holatlar organizm rivojlanishi buzilishiga, organizmlarda, xususan odamlarda har xil irlari kasalliklarning kelib chiqishiga sabab bo'ladi.

### Nazorat savollari

1. Mitoz bo'linish natijasida qanday hujayralar hosil bo'ladi? Meyoz bo'linish tufayli-chi?
2. Qanday jarayonlar natijasida organizm hujayralaridagi xromosomaning diploid to'plami gaploidga aylanadi?
3. Meyozda xromosomalar konyugatsiyasi va uning ahamiyatini tu-shuntirib bering.
4. Meyozning I anafazasi bilan mitoz anafazasining farqini tushuntirib bering.
5. Qaysi hujayralar xromosomaning gaploid to'plamiga ega?
6. Meyozning biologik ahamiyati nimada?
7. Mitoz va meyozni solishtirib, ularning o'xshashlik va farqlarini aytинг.
8. Nima uchun meyoz natijasida hosil bo'lgan gametalar irlari jihatdan xilma-xil bo'ladi?

### Mustaqil yechish uchun test savollari

#### **1. Hujayraning qaysi bo'linishida xromosomalar o'rtaSIDAGI masofa bir xil bo'ladi.**

- 1) mitoz profazasida
  - 2) mitoz metofazasida
  - 3) meyoz metofaza 2 sida
  - 4) meyoz metofaza 1 ida
- A) 1, 4   B) 2, 3   C) 2, 4   D) 1, 2, 3

#### **2. Odamlarda meyozning I bo'linishi natijasida hosil bo'lgan hujayralardagi irlari moddaning holatini ko'rsating.**

- A) 2n, 46 xromatida, 4C   B) 1n, 23 xromatida, 1C   C) 1n, 46 xromatida, 2C   D) 2n, 92 xromatida, 4C   E) 1n, 46 xromatida, 1C

#### **3. Odamlarda meyozning II bo'linishi natijasida hosil bo'lgan hujayralardagi irlari moddaning holatini ko'rsating.**

- A) 2n, 92 xromatida, 4C   B) 1n, 46 xromatida, 2C   D) 1n, 23 xromatida, 1C   E) 1n, 46 xromatida, 1C   F) 1n, 23 xromatida, 1C

#### **4. Meyozning oxirida nechta tuxum hujayra hosil bo'ladi?**

- A) 2 ta   B) 4 ta   C) 3 ta   D) 1 ta   E) 6 ta

#### **5. Meyoz natijasida qanday hujayralar hosil bo'ladi?**

- A) urg'ochi gametalari   B) erkak gametalari   C) erkak va urg'ochi game-talari   D) murtak hujayralari   E) diploid holdagi somatik hujayralar

## 6. Interkinez ... ...

- A) birinchi meyoz bilan 2-meyoz orasidagi qisqa vaqt
- B) birinchi mitoz bilan 2-mitoz orasidagi qisqa vaqt
- C) yadro bo‘linishi bilan sitoplazma bo‘linishi orasidagi jarayon
- D) ontogenezdagi alohida jarayon E) to‘g‘ri javob yo‘q

## 7. Meyozning birinchi bo‘linishning qaysi fazasida konyugatsiya sodir bo‘lishini belgilang.


- A) profaza B) metaphaza C) anafaza D) telofaza E) interfaza

## 34-§. Urug‘lanish

Ikkita gameta spermatozoid bilan tuxum hujayraning qo‘silib, bitta hujayra – urug‘langan tuxum hujayra yoki zigota hosil qilish jarayoniga *urug‘lanish* deyiladi.

Urug‘lanish jarayoni hayvonlarda ham, o‘simliklarda ham kuzatiladi. Odatda (hayvonlar va o‘simliklarning ko‘pchiligida) tuxum hujayraga bitta spermatozoid kiradi. Gaploid (*In*) xromosoma to‘plamiga ega bo‘lgan uruq hujayra yadrosi xuddi shunday (*In*) xromosomaga ega bo‘lgan urg‘ochi tuxum hujayra yadrosi bilan qo‘silibadi. Urug‘lanishni *In* + *In* = *2n* shaklida ifodalash mumkin. Urug‘langan tuxum hujayrani *zigota* deb ataladi.

**Hayvonlarda urug‘lanish.** Hayvonlarda urug‘lanish ichki yoki tashqi bo‘lishi mumkin. Agar tuxum hujayralar organizmdan tashqarida (masalan, suvda) spermatozoidlar bilan urug‘lanadigan bo‘lsa, bu holda tashqi urug‘lanish sodir bo‘ladi. Balqlarda tashqi urug‘lanish kuzatiladi. Tuxum hujayra organizmning jinsiy yo‘lida spermatozoid bilan qo‘sildigani bo‘lsa, ichki urug‘lanish deb ataladi. Quruqlikda yashovchi ko‘pgina hayvonlarda ichki urug‘lanish kuzatiladi. Urug‘lanish jarayonida avval spermatozoid tuxum hujayraga yaqinlashadi, uning bosh qismidagi fermentlar ta’sirida tuxum hujayra qobig‘i erib, kichik teshikcha paydo



55-r a s m. Hayvonlarda urug‘lanish.




56-r a s m. Sergey Gavrilovich Navashin (1857–1930) asosan o'simliklar sitologiyasi va emriologiyasi maktabini yaraddi. Yopiq urug'li o'simliklarda qo'sh urug'lanishni kashf qildi.

56-r a s m. Sergey Gavrilovich Navashin (1857–1930) kashf qilgan (56-rasm). Yopiq urug'li o'simliklarning gulida gametogenez jarayonida gametalar hosil bo'ladi. Erkak gametalar changchi changdondagi chang donachalari ichida yetiladi. Chang donachasi ichida bitta yirik vegetativ va bitta mayda hujayralar (mayda hujayra generativ hujayra bo'lib, ikkita spermialarni hosil qiladi) yetiladi. Chang donasi urug'chining tumshuqchasiga tushgandan so'ng po'sti yemirilib, ichidagi vegetativ hujayra urug'chi tugunchasiga qarab o'sa boshlaydi. Vegetativ hujayra o'sish davomida chang ipining ichida *chang nayi* (*chang yo'li*) ni hosil qiladi. Bu naydan tugunchaga qarab generativ hujayra harakatlana boshlaydi. Chang nayining ichida generativ hujayra ikkita *spermialarni* hosil qiladi. Spermialarni xromosoma nabori gaploid bo'ladi. Vegetativ hujayraning xromosoma nabori esa diploid bo'ladi. Bu vaqtida urug'kurtakda boshqa hujayralardan ajralgan yirik diploid to'plamli (juft to'plamli) markaziy hujayra va maydarroq gaploid (toq) to'plamli tuxum hujayra hosil bo'ladi. Vegetativ hujayra urug'kurtakka yaqin kelib to'xtaydi. Spermialarning birinchisi urug'kurtak po'sti orqali kirib, tuxum hujayrani urug'lantiradi. Ikkinchi spermiy esa markaziy hujayrani urug'lantiradi. Tuxum hujayra urug'langandan so'ng zigota hosil bo'ladi va undan murtak rivoj-

bo'ladi. Bu teshikcha orqali spermatozoid yadrosi tuxum hujayra ichiga kiradi. Keyin har ikkala gametaning gaploid yadrolari qo'shilib, umumiy diploid to'plamli yadro hosil bo'ladi. Ko'pchilik holatlarda bitta tuxum hujayrani bitta spermatozoid urug'lantiradi (55-rasm).

### O'simliklarda urug'lanish

O'simliklardagi urug'lanish hayvonlardagi urug'lanishga o'xshash, lekin birmuncha farqli tomonlari bor. Yopiq urug'li o'simliklardagi urug'lanish *qo'sh urug'lanish* deyiladi. Ochiq urug'li va boshqa barcha o'simliklarda esa urug'lanish jarayoni sodir bo'ladi. Yopiq urug'li (gulli) o'simliklarda qo'sh urug'lanish jaryonini 1898-yili Sergey Gavrilovich Navashin (1857–1930) kashf qilgan (56-rasm). Yopiq urug'li o'simliklarning gulida gametogenez jarayonida gametalar hosil bo'ladi. Erkak gametalar changchi changdondagi chang donachalari ichida yetiladi. Chang donachasi ichida bitta yirik vegetativ va bitta mayda hujayralar (mayda hujayra generativ hujayra bo'lib, ikkita spermialarni hosil qiladi) yetiladi. Chang donasi urug'chining tumshuqchasiga tushgandan so'ng po'sti yemirilib, ichidagi vegetativ hujayra urug'chi tugunchasiga qarab o'sa boshlaydi. Vegetativ hujayra o'sish davomida chang ipining ichida *chang nayi* (*chang yo'li*) ni hosil qiladi. Bu naydan tugunchaga qarab generativ hujayra harakatlana boshlaydi. Chang nayining ichida generativ hujayra ikkita *spermialarni* hosil qiladi. Spermialarni xromosoma nabori gaploid bo'ladi. Vegetativ hujayraning xromosoma nabori esa diploid bo'ladi. Bu vaqtida urug'kurtakda boshqa hujayralardan ajralgan yirik diploid to'plamli (juft to'plamli) markaziy hujayra va maydarroq gaploid (toq) to'plamli tuxum hujayra hosil bo'ladi. Vegetativ hujayra urug'kurtakka yaqin kelib to'xtaydi. Spermialarning birinchisi urug'kurtak po'sti orqali kirib, tuxum hujayrani urug'lantiradi. Ikkinchi spermiy esa markaziy hujayrani urug'lantiradi. Tuxum hujayra urug'langandan so'ng zigota hosil bo'ladi va undan murtak rivoj-



57-r a s m. Gulli o'simliklarda qo'sh urug'lanish: 1 – changdon; 2 – chang yo'li (nayi); 3 – tumshuqcha; 4 – changchi ipi; 5 – tuguncha; 6 – murtak haltasi; 7 – gultojbarg; 8 – gulkosabarg; 9 – changchi nayi; 10 – vegetativ yadro; 11 – spermiyalar; 12 – tuxum hujayra; 13 – markaziy hujayra; 14 – endospermaning triploid yadrosi (urug'langandan so'ng).

lanadi. Zigitaning xromosoma nabori diploid bo'ladi. Markaziy hujayra urug'langandan so'ng endospermni hosil qiladi va xromosoma nabori triploid bo'ladi. Bir vaqtda ikkita spermiyidan biri tuhum hujayrani, ikkinchisi markaziy hujayrani urug'lantirishi bu *qo'sh urug'lanish* deyiladi (57-rasm). 1915-yil M.S.Navashin markaziy hujayrani triploid ekanligini kashf qildi.

### Topshiriq

Erkak va urg'ochi quyonning tana hujayralarida 44 tadan xromosoma bor. Ularning: 1) tuxum hujayrasida, 2) urug' hujayrasida, 3) urug'langan tuxum hujayrasida (zigota), 4) yangi tug'ilgan quyonchalarning somatik hujayralarida qanchadan xromosoma borligini belgilang.

### Nazorat savollari

1. Urug'lanishning ahamiyatini aytинг.
2. Qanday jarayon tufayli xromosomalarning gaploid to'plami diploidga aylanadi.
3. Qo'sh urug'lanishning mohiyatini tushuntiring.
4. Yopiq urug'li va ochiq urug'li o'simliklarning urug'lanishida qanday farq borligini izohlang.

### Mustaqil yechish uchun test savollari

1. Yopiq urug'li o'simliklarning changdonidagi generativ hujayra qayerda bo'linib, ikkita spermiyalarni hosil qiladi.

- A) changdonda    B) chang nayida    C) tugunchada    D) urug‘chi  
tumshuqchasida

**2. Qo‘s h urug‘lanish jarayonini kim kashf qilgan?**

- A) S.G. Navashin    B) M.S. Navashin    C) B.L. Astaurov    D) Seversov

**3. Yopiq urug‘li o‘simliklarning markaziy hujayrasining xromosoma nabori qanday?**

- A) diploid    B) triploid    C) gaploid    D) tetraploid

**4. Markaziy hujayra urug‘langandan so‘ng xromosoma nabori qanday bo‘ladi?**

- A) diploid    B) triploid    C) gaploid    D) tetraploid

**5. Urug‘langan markaziy hujayradan nima rivojlanadi?**

- A) urug‘ endospermi    B) murtak    C) tuguncha    D) meva

## 35-§. Organizmlarning individual rivojlanishi. Ontogenet. Embrional rivojlanish

Individlarning rivojlanishi yoki ontogenet (yunoncha onton – mavjudot, genezis – rivojlanish so‘zlaridan olingan). Ontogenet tushunchasini 1866-yilda E. Gekkel tomonidan fanga kiritilgan.

Bir hujayralilar ontogenezi ularni hosil bo‘lishidan boshlab, qayta bo‘linishi yoki o‘lishi bilan tugallanadi.

Jinsiy usulda ko‘payuvchi organizmlarda ontogenet zigotaning hosil bo‘lishidan boshlanib, ularning o‘limi bilan tugallanadi. Ontogenetning uchta tipi farqlanadi.

1) **Lichinkali ontogenet.** Lichinkali ontogenet tuxum hujayradan sariqlik moddasi kam bo‘lgan organizmlarda kuzatiladi. Ularning lichinkasi yetuk shakldan o‘z tuzilishi bilan farq qiladi.

2) **Lichinkasiz ontogenet.** Tuxumida oziq modda ko‘p bo‘lgan organizmlar (baliqlar, reptiliyalar, qushlar)da kuzatiladi, yosh organizmlar o‘z tuzilishiga ko‘ra yetuk organizmga ancha o‘xshaydi.

3) **Ona qornida rivojlanish.** Odam va yuqori sut emizuvchilar da ona qornida rivojlanish kuzatiladi. Organizmning hamma hayotiy funksiyalari ona organizmi orqali amalga oshadi.

Ontogenet asosan ikki davrga bo‘linadi:

1) embrional rivojlanish davri, 2) postembrional rivojlanish davriga bo‘linadi.

**Embrional rivojlanish davri.** Bu davr zigota hosil bo‘lishidan boshlanib tug‘ulgungacha yoki tuxum qobig‘idan chuqqunga qadar davom etadi. Embrional davri zigota, maydalanish, blastula, gastrula, organogenez bosqichlariga bo‘linadi. *Zigota* – ko‘p hujayrali organizmlarning bir hujayrali bosqichidir, u tuxum va urug‘

hujayralarining qo'shilishi natijasida hosil bo'ladi. Zigota davri juda qisqa vaqt davom etib, bunda sitoplazma moddalarining qayta taqsimlanishi, qutblanishi va oqsil sintezi kuzatiladi. Zigota hosil bo'lganidan bir necha soatdan keyin *maydalanish* bosqichi boshlanadi. Hujayralar mitoz usuli bilan bo'lna boshlaydi, lekin bo'lingan hujayralar o'smaganligi uchun hosil bo'lgan hujayralarning o'lchami tobora maydalashib boraveradi.

Zigotaning qanday maydalanishi tuxum hujayrada sariq moddaning miqdoriga bog'liq bo'ladi. Sarig'i kam va sitoplazmada bir xil taqsimlangan bo'lsa, zigota to'liq va bir tekis maydalanadi (bunga lansetnikning rivojlanishi misol bo'ladi). Agar sariq modda ko'p bo'lib, hujayrada notejis taqsimlansa, zigotaning maydalanishi ham to'liq bo'lmay, notejis bo'ladi. Sariq modda hujayraning bo'linishiga xalaqit beradi. Bunday rivojlanish sariq moddasi ko'p bo'lgan qush tuxum hujayralarida kuzatiladi.

Maydalanishni lansetnik misolida ko'rib chiqamiz. Zigota dastlab meridian bo'y lab bo'linadi va bir-biriga teng ikkita hujayra hosil bo'ladi. Bular *blastomerlar* deb ataladi. Ikkinchchi bo'linish avvalgi tekislikka perpendikular yo'nalishda kechadi, natijada 4 ta blastomer hosil bo'ladi. Uchinchi bo'linish chizig'i ekvator bo'y lab yo'naladi va 8 ta blastomer hosil bo'ladi. Meridian va ekvator yo'nalishdagi bo'linishlar ketma-ket takrorlanaveradi va hujayralar tobora maydalashib boradi.

Maydalanish blastulaning hosil bo'lishi bilan tugallanadi. Blastula sharsimon shaklda bo'lib, uning devori bir qavat hujayralardan tashkil topadi va *blastoderma* deb ataladi. Blastulaning ichi suyuqlik bilan to'lgan bo'lib, *blastotsel* deb ataladi.

Homilaning rivojlanishi davom etib, hujayralarning bo'linishi va joyini almashtirishi natijasida asta-sekin *gastrula* bosqichiga o'tadi. Homilaning ikki qavatli bosqichi gastrula bo'lib, uning hosil bo'lish jarayoni *gastrulyatsiya* deb ataladi. Gastrulaning tashqi qavatini *ektoderma*, ichki qavatini *endoderma* deb ataladi. Ektoderma va endoderma – *homila varaqlari* deb ataladi. Gastrula ichidagi bo'shliqni *birlamchi ichak* deb ataladi. U tashqariga birlamchi og'iz orqali ochiladi.

Keyinroq gastrulaning uchinchi qavati – *mezoderma* hosil bo'ladi. U ektoderma bilan endodermaning o'rtasida joylashadi. Faqat g'ovak tanlilar va kovak ichlilardagina mezoderma hosil bo'lmaydi.




Shunday qilib, gastrulyatsiya jarayonida avval ikkita homila

qavati, keyin uchinchi homila qavati hosil bo'ladi. Homila qavatlari nisbatan bir xil bo'lgan blastula hujayralarining ixtisoslashishi (differensiatsiyasi) natijasida hosil bo'ladi.

Organogenez bosqichida dastlab o'zak organlar majmui: nerv nayi, xorda, ichak naychasi hosil bo'ladi. Lansetnik embrionining orqa tomonidan ektoderma tarnov shaklida o'rta qismidan botib kirib, naychani hosil qiladi. Bu naycha boshlang'ich nerv sistemasi bo'lib, ektoderma ostiga tushadi, uning chetlariga birikadi va nerv naychasini hosil qiladi. Nerv naychasing ostida joylashgan endodermaning yelka qismidan xorda vujudga keladi. Xorda nerv naychasing ostida joylashadi (58-rasm).

Homila qavatlari ma'lum tartibda joylashgan hujayralar to'plami bo'lib, ularning har biridan faqat o'sha qavat uchun xos to'qimalar va a'zolar rivojlanadi.


Tashqi embrion varagi – ektodermadan nerv sistemasi, sezgi



58-rasm. Lansetnik rivojlanishining ilk bosqichlari.

organlari, terining epidermis qismi, teri hosilalari rivojlanadi. Tishlarning emal qavati, anal teshigi, kloaka epiteliyasi ham ekodermadan paydo bo'ladi. Ichki embrion varag'i – endodermadan qizilo'ngachni qoplab turadigan epiteliy, me'da, ichak, nafas yo'llari, jigar, o'rta ichak epiteliyasi, hazm bezlari, jabralar va o'pkalar epiteliyasi rivojlanadi. O'rta embrion varag'i – mezodermadan biriktiruvchi va mushak to'qimalari, yurak-tomir va siyidik-tanosil sistemalari rivojlanadi.

Homilaning rivojlanishi jarayonida uning ayrim hujayralari qismlarining tuzilishida va funksiyalarida farqlar paydo bo'lishi va farqlarning tobora ortib borishi – differensiatsiyalashish (ixtisoslashish) deyiladi. Morfologik differensiatsiyalashish natijasida ko'p hujayra tiplari hosil bo'ladi. Biokimyoiy differensiatsiyalashish natijasida hujayralarda spetsifik (maxsus) oqsillar sintezlanaadi (masalan, eritrotsitlarda gemoglobin, oshqozon osti bezida – insulin). Homila hujayralarida har xil genlarning faolligi o'zgaradi, qaysi oqsillar kerak bo'lsa, o'sha oqsillarni kodlashtiruvchi genlar faol ishlaydi. Homila rivojlanish davomida uning har xil qismlari o'zaro ta'sir ko'rsatadi. Bitta rivojlanish kurtagi ikkinchisiga ta'sir qilib, uning rivojlanishini boshqaradi. Bunday ta'sirni *embrional induksiya* deb ataladi. Embrional induksiyani o'rganish uchun homilaning bir qismi ikkinchi homilaning boshqa qismiga ko'chirib o'tqaziladi. Agar baqaning gastrulasida nerv sistemasi rivojlanadigan qismini boshqa baqa gastrulasining qorin ektodermasiga ko'chirib o'tqazsak, o'sha joyda qo'shimcha nerv naychasi va xorda rivojlanib, qo'shimcha homila hosil bo'ladi. Shunday qilib, ko'chirib o'tqazilgan o'zak organ atrofidagi to'qimalarga ta'sir qilib, ularning rivojlanishini boshqaradi (*59-rasm*).



59-rasm. Amfibiyalarda embrional induksiya:

- 1 – kochiriluvchi qism olinadigan homila; 2 – olingan qismning ikkinchi homilaga ko'chirib o'tqazilishi (transplantatsiya); 3 – ikkinchi nerv naychasingin hosil bo'lishi; 4 – ikkinchi homilaning rivojlanishi.

**Tashqi muhitning homilaga ta'siri.** Tashqi muhit omillari rivojlanayotgan homilaga juda katta ta'sir ko'rsatadi. Harorat, yorug'lik, namlik, kislorod, har xil birikmalar homilaning rivojlanishini tezlashtirishi yoki sekinlashtirishi mumkin.

Odam homilasining rivojlanishiga zararli ta'sir ko'rsatuvchi omillarga alkogol, nikotin va giyohvand moddalar ham kiradi. Alkogol, nikotin va giyohvand moddalar iste'mol qiluvchilarining faqat sog'lig'iga zarar yetkazibgina qolmay, balki jinsiy hujayralar, xromosomalarning DNKhida o'zgarishlarga, ya'ni mutatsiyalarga sabab bo'lishi ham mumkin. Bu o'zgarishlar esa homila yashash qobilyatining susayishiga yoki uning noto'g'ri rivojlanib, har xil mayib-majruhliklar bilan tug'ilishga sabab bo'ladi. Odam homilasi ona qornida rivojlanayotganda, ayniqsa, ayrim davrlarda zararli omillar ta'siriga juda chidamsiz bo'ladi. Bu davrlarni homilaning *qaltis davrlari* deyiladi. O'sha davrlarda, hatto juda ham oz miqdorda iste'mol qilingan alkogol, nikotin va giyohvand moddalar homilaning jismoniy va ruhiy rivojlanishiga salbiy ta'sir ko'rsatib, zaif va kasal bolalar tug'ilishiga sabab bo'ladi.

### Nazorat savollari

1. Ontogenet tushunchasini ta'riflang va uning davrlarini aytib bering.
2. Embrional rivojlanish qanday davrlardan tashkil topadi?
3. Homila varaqalari va ularning ahamiyatini tushuntiring.
4. Blastula, gastrula va organogenez bosqichlarining mohiyatini aytib bering.
5. Ektoderma, mezoderma va endoderma qavatlaridan qanday organlar sistemasi rivojlanadi.

### Mustaqil yechish uchun test savollari

1. Zigmatining to'liq bir tekis va maydalanishi uchun .....
  - A) sitoplazmada sariqlik kam va bir tekis taqsimlangan bo'lishi kerak
  - B) sitoplazmada sariqlik ko'p va bir tekis taqsimlangan bo'lishi kerak
  - C) sitoplazmada sariqlik kam va bir tekis taqsimlanmagan bo'lishi kerak
  - D) sitoplazmada sariqlik ko'p va bir tekis taqsimlanmagan bo'lishi kerak
2. Qushlarning embrional rivojlanishidagi blostomerlarning xromosoma nabori qanday bo'ladi.
  - A) haploid    B) triploid    C) avval haploid, so'ngra diploid    D) diploid
3. Lansentnikning embrional rivojlanishida tuxum hujayra va blostomerlar qanday bo'linib ko'payadi?
  - A) avval ekvator tekisligi bo'ylab, so'ngra meridian chizig'i bo'ylab
  - B) avval meridiyan chizig'i bo'ylab, so'ngra ekvator chizig'i bo'ylab

C) avval meridiyan chizig'i bo'ylab, so'ngra perpendikular tekislik bo'yicha meridiyan chiziq bo'ylab va navbatda ekvator chizig'i bo'ylab

D) avval ko'ndalangiga, so'ngra uzunasiga bo'ylab

#### **4. Ontogenezning lichinkasiz tipi .....**

A) tuxum hujayrasida oziq moddalar kam bo'lgan organizmlarda kuzatiladi B) tuxum hujayrasida oziq moddalar ko'p bo'lgan organizmlarda kuzatiladi C) tuxum hujayrasida oziq moddalari yo'g' bo'lgan organizmlarda kuzatiladi D) to'g'ri javob yo'q.


## **36-§. Postembrional rivojlanish davrlari**

Tug'ilish yoki tuxum pardaning ichidan chiqishdan keyin ontogenezning postembrional yoki pushtdan keyingi davr boshlanadi, bu davr bir-biridan farqlanadigan ikki xil yo'l bilan amalgam shishi mumkin. Rivojlanishning bu yo'llari bevosita (to'g'ri) va bilvosita (noto'g'ri) deb ataladi.

Har qanday rivojlanish, jumladan, bevosita rivojlanish ham, miqdor va sifat o'zgarishlarini o'z ichiga oladigan murakkab biologik jarayondir. Bevosita rivojlanishda tuxum pardalaridan chiqadigan yoki tug'iladigan organizm voyaga yetgan individiga o'xhash bo'ladi. Chunonchi, qush jo'jası, sutmizuvchi hayvon bolasi yoki odam bolasi, voyaga yetgan qush, voyaga yetgan sutmizuvchi hayvonga yoki odamga o'xshaydi. Endigina tug'ilgan hayvon bolasi voyaga yetgan individiga qaraganda birmuncha sodda shakldagi nerv faoliyati va jismonan ancha zaif, shuningdek, ba'zi organlari (jinsiy organlar) yetilmagan bo'ladi. Postembrional davrda organizm og'irligi va hajmi kattalasha boradi.

**Bilvosita rivojlanish.** Ko'pgina hayvonlar turiga bilvosita rivojlanish (o'zgarish, *metamorfoz*) xosdir. Rivojlanishning bu turi ham xuddi bevosita rivojlanish kabi o'sish bilan davom etib boradi. Metamorfozda organizm bir qancha bosqichlarni boshdan kechiradi. Umurtqasizlarda metamorfoz juda ko'p uchraydi. Masalan, ko'pgina hasharotlar (kapalaklar, qo'ng'izlar, pashshalar) metamorfozni boshidan o'tkazadi.

Metamorfozning *to'la metamorfoz* va *chala metamorfoz* xillari mavjud. *To'la metamorfozda* tuxumdan keyingi rivojlanishning birinchi bosqichi lichinkali bosqichdir. G'umbak – hasharot rivojlanishining qurt yoki lichinkadan keyingi bosqichidir. G'umbak ovqat yemaydi va odatda harakatlanmaydi (*60-rasm*). Xitindan iborat pishiq qatlama orasida g'umbak tanasining ichidagi barcha lichinka organlari boshdan oyoq qayta tuziladi.



60-r a s m. Karam kapalagining to'la o'zgarish bilan rivojlanishi.

Hasharotlarning yetuk oxirgi bosqichi, ya'ni voyaga yetgani imoga (haqiqiy hasharotlar) deb ataladi.

Ko'pgina hasharotlarda to'la metamorfozdan tashqari chala metamorfoz ham xarakterlidir. *Chala metamorfozda* g'umbak bosqichi bo'lmaydi, ya'ni tuxum, lichinka, yetuk bosqich (imago). Masalan, chigirkalar, qandalalar, bitlar shunday rivojlanadi.

Postembrional rivojlanishni uchta davrga ajratish mumkin: yuvenil, yetuklik, qarilik.

*Yuvenil davrida* organizm o'sadi. Odam organizmining o'sishi ni gormonlar tomonidan boshqariladi. Organlar, to'qima va hujayralarda ixtisoslashish, bajaradigan funksiyalarning murakkablashishi kuzatiladi. *Yetuklik davrida* organizmlar takomillashadi, muhitga moslanuvchanligi, har xil kasalliklarga chidamliligi ortadi. *Qarilik davrida* qarilik alomatlari organizm, organ, to'qima, hujayra, molekulyar darajada kuzatiladi. Ularda o'zgarishlar kuzatiladi, faoliyati susayadi.

Individual rivojlanish natijasida mazkur biologik turga xos belgi va xususiyatlarga ega bo'lgan organizm shakllanadi. Mana shu xususiyatlar va irsiy xossalarning namoyon bo'lishi organizmda bo'lib turadigan murakkab ichki jarayonlarga bog'liqdir. Ichki omillar nerv sistemasi va uning gumoral muhit yoki boshqacha aytganda, ichki muhit qon orqali organizmning rivojlanishiga ta'sir

o'tkazib boradi. Har qanday organizm individual rivojlanishning har qanday bosqichlarida tashqi muhit omillari ta'siriga uchrab turadi. Hayvonlarning embrional va embriondan so'nggi rivojlanishi jarayonlarini o'rganish evolutsiya qonuniyatlarini tushunish uchun muhim ahamiyatga ega.

### Nazorat savollari

1. Ontogenet davrlarini tushuntiring.
2. Maydalanish, blastula, gastrula va neyrula bosqichlarini ta'riflang.
3. To'la o'zgarish bilan rivojlanishni va chala o'zgarish bilan rivojlanishni ta'riflang.

### Mustaqil yechish uchun test savollari

- 1. Metamorfoz yo'li bilan rivojlanadigan organizmlarni belgilang.**  
1) o'rgimchak 2) may qo'ng'izi 3) baqa 4) zuluk 5) mingoyoq  
A) 2, 3 B) 1, 3 C) 4, 5 D) 2, 4 E) 1, 5
- 2. Bilvosita rivojlanishning biologik ahamiyati nimadan iborat?**  
A) lichinkalarning faol oziqlanishi va o'sishi yetuk organizmlarni tezkor shakllanishiga yordam beradi  
B) bir turning lichinkalari va voyaga yetganlari har xil sharoitda yashaganligi uchun yashash joyi va ozuqa uchun raqobat kuzatilmaydi  
C) faqat bir joyda harakatsiz yashashga moslashgan organizmlarning lichinkalari turning keng tarqalishiga yordam beradi  
D) voyaga yetgan organizmlar va lichinkalar bir xil sharoitda yashaydi va o'zaro bir-biriga qulaylik yaratadi  
E) A, B, D
- 3. Postembrional – bilvosita rivojlanish quyidagi qaysi hayvonlar guruhi-ga mansub?**  
A) kovakichlilar, suv hamda quruqlikda yashovchilar  
B) sudralib yuruvchilar, qushlar C) yo'ldoshli sutevizuvchilar, qushlar  
D) sudralib yuruvchilar, halqali chuvalchanglar  
E) qushlar, bo'g'imoyoqlilar

### 37-§. Tashqi muhitning organizm rivojlanishiga ta'siri

Organizm individual rivojlanishiga tashqi muhit omillarining ta'siri kattadir. Tashqi muhit omillarining ta'siri homila davrida ham, undan keyingi davrda ham kuzatiladi.

Odam homilasining rivojlanishiga zarar ko'rsatuvchi omillarga

alkogol, tamaki tarkibidagi nikotin, giyohvand moddalar kiradi. Bu moddalar insonning faqat sog‘lig‘iga zarar yetkazibgina qolmasdan, balki jinsiy hujayralarning xromosomalari, genlarida mutatsiyalarga sabab bo‘lishi ham mumkin. Bunday o‘zgargan hujayralarning ota-lanishi natijasida hosil bo‘lgan homilaning yashash qobilyati susaya-di, noto‘g‘ri rivojlanadi va har xil mayib-majruh bolalar tug‘iladi.

Homilador ona tomonidan iste’mol qilingan hatto juda oz miqdordagi alkogol, nikotin, giyohvand moddalar homilaning jis-moniy va ruhiy rivojlanishiga salbiy ta’sir ko‘rsatib, zaif va kasal bolalar tug‘ilishiga sabab bo‘lishi mumkin.

Postembrional davrda ham organizmning rivojlanishiga abiotik omillar harorat, yorug‘lik, namlik, kislород, har xil kimyoviy birik-malar katta ta’sir ko‘rsatib, rivojlanishini jadallashtirishi yoki susaytirishi mumkin.

Hozirgi vaqtida bundan 50–100 yillar ilgariga nisbatan bolalar va o‘smlarning jismoniy funksiyalarining rivojlanishi jadallash-ganligi kuzatilmoxda. Bu hodisani *akseleratsiya* (lotincha – jadal-lashish so‘zidan olingan) deyiladi.

**Gomeostaz.** Organizm doimo o‘zgarib turadigan muhit sharoit-larida yashaydi. Tashqi muhit omillari ta’sirining o‘zgarishiga qara-may tirik organizmlarning o‘z tuzilishi va ichki muhitning doi-miyligini o‘zgartirmasdan saqlay olish xususiyati gomeostaz deyila-di. O‘z-o‘zini boshqara olish yoki gomeostaz xususiyati yuqori tuzi-lishga ega bo‘lgan organizmlarda, ayniqsa, sutevizuvchilarda yaxshi rivojlangan. Organizmlar ichki muhitining doi-miyligini saqlashda irsiy axborot katta rol o‘ynaydi. Organizmning genotipik tarkibiga uning uchun yot bo‘lgan boshqa irsiy axborot qo‘silib qolsa, uning yashovchanligiga putur yetishi mumkin. Shuning uchun ham organizmning himoya sistemalari, immuniteti o’sha individ uchun yot bo‘lgan hamma narsalarning kirishiga yo‘l qo‘ymaydi, agar kirib qolgudek bo‘lsa ham uni yo‘qotishga harakat qiladi.

Gomeostazni ta’minlashda organizmning morfologik tuzilishi doi-miyligini va butunligini saqlash mexanizmlari ham katta ahamiyatga ega. Bunday gomeostazni ta’minlashda *regeneratsiya* muhim ahamiyatga ega. Regeneratsiya deb organizmlarning hayot faoliyati davomida yoki biron ta’sir natijasida yashash muddati tugagan yoki shikastlangan hujayralar, to‘qimalar yoki a’zolarning qayta tiklanishiga aytildi.

Ichki muhitning doi-miyligini saqlashda organizmning hamma sistemalari birgalikda qatnashadi. Natijada organizmning tana

harorati, komyoviy, ionlar va gazlar tarkibi, qon bosimi, nafas olish va yurak urishi tezligi, moddalarning almashinuvi doimiyligi saqlanadi.

**Bioritmlar.** Organizmlarning yashash muhitida ritmik ravishda, ya’ni kecha-kunduz davomida mavsumiy o’zgarib turadi. Tirik organizmlarning faoliyati o’sha ritmik o’zgarishlarga bog‘liq bo‘lib, bu bog‘lanishlar millionlab yillar davomida evolutsiya natijasida shakllanadi va bioritmlar deb ataladi. Bioritmlar – tabiiy tanlanishning natijasidir, hayot uchun kurash jarayonida ritmik o’zgarishlariga o‘z biologik jarayonlarini moslashtira olgan organizmlar saqlanib qoladi.

Bioritmlarga fotoperiodizm yaqqol misol bo‘la oladi. Yil davomida kun uzunligining o’zgarishiga organizmlar moslashadi. Ularning fiziologik jarayonlari ham shunga qarab o’zgaradi. O’rta iqlim sharoitida yashovchi ko‘pgina hayvonlarning ko‘payish mavsumi yorug‘ kunning uzaygan vaqtiga to‘g‘ri keladi. Mavsumiy ritmlar natijasida daraxtlarning ko‘karishi, bargining to‘kilishi, qushlarda patlar, sutevizuvchilarda jun qoplaming o’zgarishlari, o’simliklar o’sishining mavsumiy o’zgarishlari, hayvonlarning qishi-ki uyquga ketishi kabi hodisalar kuzatiladi. Kecha-kunduz davomida fiziologik jarayonlarning ritmik o’zgarishi kecha-kunduzlik bioritmlar deyiladi. Masalan, odamning tana harorati kecha-kunduz davomida o’zgarib turadi. Kunduzi, ayniqsa, soat 18 ga yaqin tana harorati ko‘tariladi, kechasi esa tana harorati 0,5–1,5 gradusga pasayadi. Shuning uchun ham kasalxonalarda bemorlarning harorati kechqurun va ertalab bir xil vaqtida o‘lchanadi. Arterial bosim ham kecha-kunduz davomida ritmik o’zgaradi. Sog‘lom odamlarda qon bosimi kunduzi kechasiiga nisbatan yuqoriroq bo‘ladi. Qon bosimi oshgan kasallarda esa bioritm buziladi va kechasi qon bosimi ko‘tariladi. Odamlarda va boshqa hayvonlarda hujayralarning mitoz bo‘linishining tezligi, qon shaklli elementlarining miqdori va shunga o‘xshagan ko‘rsatkichlar kecha-kunduz davomida ritmik o’zgarib turadi.

Mavsumiy bioritmlar ham inson hayot faoliyatiga katta ta’sir ko‘rsatadi. Ayrim surunkasiga davom etadigan kasalliklar, masalan, nafas yo‘llari, yurak qon-tomirlari kasalliklari, ayniqsa, bahor va kuz mavsumlarida og‘irlashadi.

Biologik ritmlar organizmning ichki muhitida mavjud bo‘lgan mexanizmlarga bog‘liq. Hayvonlarda o’tkazilgan tajribalar shuni ko‘rsatadiki, ularni uzoq vaqt davomida qorong‘i sharoitda saqla-

ganda ham ularning dam olishi va faolligi kecha-kunduz davomida ritmik o'zgarib turadi. Shunday qilib, tirik organizmlarda kecha-kunduzlik, oylik va mavsumiy sikllarni sezaladigan biologik soatlar mayjud.

**Anabioz.** Ba'zan organizmlar hayot jarayonlarining davom etishi qiyin bo'lgan muhit sharoitlariga tushib qoladi. Shunday sharoitlarda organizm anabioz (ana – yangi, bios – hayot so'zidan olingan) holatiga o'tadi. Anabioz holatidagi organizmlarda moddalar almashinuvni juda sekinlashadi yoki vaqtinchada to'xtaydi. Anabioz noqulay sharoitlarga organizmlarning muhim moslashish mexanizmlaridan biridir. Mikroorganizmlarning sporalari, o'simliklarning urug'lari, hayvonlar tuxumlari anabiozga misol bo'la oladi. Anabioz holati uzoq yillar davomida saqlanishi mumkin (urug'lar yuz, hatto ming yillardan keyin ham unib chiqishi mumkin). Anabioz holatidan insonning amaliy faoliyatida ham foydalanish mumkin. Urug'lar va tuxumlarni qattiq sovuqda uzoq vaqt saqlab, ulardan keyinchalik yana foydalanish, organizmlarni rivojlantirish mumkin.

### Nazorat savollari

1. Biologik ritmlarni ifodalang va misollar keltiring.
2. Anabioz nima, undan qanday foydalanish mumkin?
3. Gomeostazning mohiyati va ahamiyatini tushuntirib bering.

### Mustaqil yechish uchun test savollari

#### 1. Biologik ritmlar ... ... o'zgarishidir.

- A) biologik jarayonlar jadalligining davriy takrorlanuvchi  
 B) jonsiz tabiatdagi hodisalarining davriy takrorlanuvchi  
 C) os'imliklarning kun uzunligiga bog'liq D) hayvonlarning kun uzunligiga bog'liq E) B, D, E

#### 2. Tana haroratini bir xilda saqlashda quyidagilarning qaysi biri katta ahamiyatga ega bo'lgan?

- A) yurak va o'pkaning paydo bo'lishi B) to'rt kamerali yurakning paydo bo'lishi C) ko'p kamerali yurakning paydo bo'lishi D) nafas sistemasining takomillashuvi E) B, E

#### 3. Gomeostaz xususiyati qaysi hayvonlar guruhida yaxshi rivojlangan?

- A) baliqlar B) lansetniklar C) suvda hamda quruqlikda yashovchilar  
 D) sudralib yuruvchilar E) sutevizuvchilar

#### 4. Quyida berilganlarning qaysi birlari anabiozga misol bo'ladi?

1) sporalar 2) os‘imlik tikanlari 3) hayvon tuxumlari 4) os‘imlik urug‘lari 5) hasharotlarning g‘umbaklari 6) o‘simlik gullari

A) 1, 3, 4 B) 1, 2, 5 C) 2, 5, 6 D) 3, 5, 6 E) 4, 5, 6

### **5. Bioritm qanday jarayonlar natijasida hisoblanadi?**

A) yashash uchun kurash B) irsiy o‘zgaruvchanlik C) aromorfoz  
D) sun‘iy tanlash E) tabiiy tanlanish

## **XULOSA**

1. Ko‘payish tirik organizmlarning eng muhim xususiyatlari dan biri. Somatik hujayralar – mitoz, jinsiy hujayralar esa meyoz usullarida bo‘linadi.

2. Mitoz bo‘linishi natijasida xromosomalar diploid to‘plamga ega, meyoz bo‘linishi natijasida esa gaploid to‘plamga ega hujayralar hosil bo‘ladi.

3. Mitoz bo‘linish natijasida hosil bo‘lgan hujayralarning irsiy moddasi, asosan bir xil, meyoz natijasida yetilgan hujayralarning irsiy moddasi esa xilma-xil bo‘ladi.

4. O‘simlik hujayralarida qo‘sh urug‘lanish jarayoni kuzatiladi, natijada diploid to‘plamli murtak va triploid to‘plamli endosperm hosil bo‘ladi.

5. Ontogenet – organizmlarning shaxsiy rivojlanish tarixidir. U lichinkali, lichinkasiz va ona qornida rivojlanish xillariga bo‘linadi.

6. Embrional rivojlanish zigotadan boshlanib, tug‘ilgunga yoki tuxum qobiqlaridan chuqqunga qadar davom etadi. Bu davr zigota, maydalinish, blastula, gastrula va organogenez bosqichlaridan iborat.

7. Embrional davrda tashqi muhit omillari homila rivojlanishi ga katta ta’sir ko‘rsatadi. Ayniqsa, nikotin, alkogol va giyohvand moddalar odam homilasining rivojlanishiga zararli ta’sir ko‘rsatadi.

8. Postembrional davrda organizm o‘sadi, hujayralar hamda to‘qimalar ixtisoslashadi va qariydi. Bu davrda organizmlar muhitga moslashadi, o‘z ichki muhitining doimiyligini saqlaydi.

## MUNDARIJA

Kirish . . . . .	3
<b>1 b o b. HUJAYRA RIVOJLANISH BIOLOGIYASI</b>	
1-§. Hujayrani o'rganilish tarixi . . . . .	5
2-§. Hujayrani o'rganish usullari . . . . .	10
3-§. Hayotning hujayrasiz shakllari . . . . .	13
4-§. Hayotning hujayraviy shakllari . . . . .	19
5-§. Laboratoriya mashg'uloti . . . . .	27
6-§. Eukariot hujayraning tuzilishi. Hujayra qobig'i va plazmatik membranasи . . . . .	29
7-§. Sitoplazmaning tarkibiy qismлari . . . . .	35
8-§. Membranasiz organoidlar . . . . .	39
9-§. Bir membranali organoidlar . . . . .	44
10-§. Ikki membranali organoidlar . . . . .	49
11-§. Yadro va uning tarkibiy qismi, funksiyasi . . . . .	54
12-§. Laboratoriya mashg'uloti . . . . .	62
13-§. Laboratoriya mashg'uloti . . . . .	63
<b>II b o b. HAYOTIY JARAYONLARNING KIMYOVIY ASOSLARI</b>	
14-§. Hujayraning kimyoviy tarkibi . . . . .	66
15-§. Oqsillar . . . . .	71
16-§. Oqsilning xossalari . . . . .	75
17-§. Oqsillarning funksiyalari. Fermentlar. Vitaminlar . . . . .	80
18-§. Uglevodlar . . . . .	83
19-§. Lipidlar . . . . .	86
20-§. Laboratoriya mashg'uloti . . . . .	89
21-§. Nuklein kislotalar . . . . .	89
22-§. Polinukleotidlarning tuzilishi . . . . .	94
23-§. Organizm darajasidagi moddalar almashinuvi . . . . .	98
24-§. Hujayra metabolizmi . . . . .	101
25-§. Aminokislotalar va nukleotidlар almashinuvi. Organizmda oqsil, yog' va uglevodlar almashinuvining o'zaro bog'lanishlari . . . . .	105
26-§. Plastik reaksiyalar. Hujayrada DNK va RNK sintezi . . . . .	108
27-§. Oqsil biosintezi. Translyatsiya . . . . .	112
28-§. Parchalanish reaksiyalar. Fotosintez va xemosintez . . . . .	117
<b>III BOB. ORGANIZMLARNING KO'PAYISHI VA INDIVIDUAL RIVOJLANISHI</b>	
29-§. Hujayraning hayot sikli . . . . .	123
30-§. Organizmlarning jinssiz ko'payishi . . . . .	130
31-§. Jinsiy ko'payish . . . . .	131
32-§. Jinsiy hujayralarning tuzilishi. Gametogenез . . . . .	135
33-§. Meyoz . . . . .	140
34-§. Urug'lanish . . . . .	143
35-§. Organizmlarning individual rivojlanishi. Ontogenез. Embrional rivojlanish . . . . .	146
36-§. Postembrional rivojlanish davrlari . . . . .	151
37-§. Tashqi muhitning organizmda rivojlanishiga ta'siri . . . . .	153
Foydalilanilgan adabiyotlar . . . . .	159

## Foydalanilgan adabiyotlar

1. G.L.Bilich, V.A.Krijanovskiy. «Biologiya»: Oliy o‘quv yurtiga kiruvchilar uchun. Moskva.: «ONIKS», 21 vek: 2004.
2. L.V.Visotskaya, S.M. Glagolev, G.M.Domshits va boshqalar. «Umumiy biologiya»: biologiyaga chuqurlashtirilgan 10–11-sinf uchun darslik. Moskva.: «Prosvesheniye», 2004.
3. A.A.Kamenskiy, Y.A.Kriksunov, V.V. Pasechnik «Umumiy biologiya»: Umumta’lim maktablarning 10–11-sinf-lari uchun darslik. Moskva.: «DROFA», 2009.
4. Y. To‘raqulov, K. Nishonboyev, J. Hamidov va bosh-qalar. «Umumiy biologiya»: 10-sinf o‘quvchilari uchun darslik. Toshkent.: «Sharq», 2004.
5. A. Zikriyayev, A. To‘xtayev, I. Azimov, I.Sonin «Biologiya», 9-sinf uchun darslik. Toshkent.: «Zar qalam», 2006.
6. A. P. Pugovkin, N. A. Pugovkina «Biologiya»: 10–11 sinflar uchun darslik. Moskva, «Akademiya», 2008.
7. Y. To‘raqulov, A.T. G‘ofurov. J.H. Hamidov, K.N.Nishonboyev va boshqalar. «Umumiy biologiya», 10–11-sinf o‘quvchilari uchun darslik. Toshkent.: «Sharq», 1996.
8. B. Isroi洛va. «Hujayra va rivojlanish biologiyasi»: Litsey va kasb-hunar kollejlari uchun o‘quv qo’llanma: Toshkent.: «O‘zinkomsentr», 2002.